

天下同文集五十卷毛氏景元鈔本然不若景宗之精也
其云前甲集者劉氏周之意蓋將賡續哀輯不以
前甲為限乃未成之書元運衰促不遂世人為繼
身國朝文類所收與此頗多出入詳略豈南端所
輯不免局於方隅耶在今日要是孤本汲古保守舊
籍一切殆未可沒也庚申十月晴憲正閣



天下同文集敘

廬陵劉將孫撰

唐劉夢得敘柳子厚之集曰文章與時高下政厖而土裂三光五嶽之氣分大音不完故必混一而後振作者槩以爲知言予獨嘗謂夢得之辭則高矣美矣以其時考之則未也唐之盛時在貞觀開元間其時稱歐虞褚薛最後稱燕許大手筆今其文可覩也及貞元元和來以韓柳著比至德爲盛而去混一之初則有間矣才未必皆福福亦自掩其才因使人思易所謂吉人辭寡者其福未易量也此則所謂時也吾取以敘周南瑞所刻天下同文實甚宜嗚呼文章豈獨可以觀氣運亦可以論人物予每讀漢初論議盛唐詞章及東京諸老文字三千年間混一盛時僅此耳彼乍合暫聚者其萎弱散碎固不得與于斯也然此盛時作者如渾河厚嶽不假風月爲狀如偃松曲柏不與花



卉爭妍風氣開而文采盛文采極而光景消夢得之言之
也不自知盛者已及於極也方

今文治方張混一之盛又開闢所未嘗有唐蓋不足為盛
縉紳先生創自為家述各為體功德編摩與詩書相表裏
下逮衢謠亦各有烝民立極之學問南瑞此編又得之鉅
公大筆選精刻妙則觀于此者豈可以尋行數墨之心胷
耳目為足以領此哉自文選來唐稱文粹宋稱文鑑皆偉
然成書他日考

一代文章者當於此取焉大德甲辰第一甲子日敘

天下同文總目

卷之一

制誥

卷之二

表牋

卷之三

獻書

卷之四

歌頌

卷之五

記

卷之六

記

卷之七

記

卷之八

記

卷之九

碑

卷之十

碑

卷之十一

碑

卷之十二

序

卷之十三

序

卷之十四

序

卷之十五

序

卷之十六

賦

卷之十七

論

卷之十八

傳

卷之十九

書

卷之二十

書

卷之二十一

國家圖書館, NATIONAL CENTRAL LIBRARY, TAIWAN, R.O.C.

書

卷之二十二

啓

卷之二十三

牒

卷之二十四

狀

卷之二十五

議

卷之二十六

說

卷之二十七

說

卷之二十八

贊

卷之二十九

贊

卷之三十

頌

卷之三十一

箴

卷之三十二

銘

卷之三十三

題跋

卷之三十四

祝文

卷之三十五

國家圖書館, NATIONAL CENTRAL LIBRARY, TAIWAN, R.O.C.

祭文

卷之三十一

祭文

卷之三十二

辭

卷之三十三

墓誌

卷之三十四

墓誌

卷之三十五

墓誌

卷之三十六

雜著

卷之三十七

詩

卷之三十八

詩

卷之三十九

詩

卷之四十

詩

卷之四十一

詩

卷之四十二

詩

卷之四十三

詞

卷之四十四

詞

卷之五十

詞

隨所傳錄

陸續刊行

廬陵周南瑞敬輯



國家圖書館, NATIONAL CENTRAL LIBRARY, TAIWAN, R.O.C

天下同文前甲集卷第一

制詰

建國號制

上天眷命

皇帝聖旨誕膺

景命奄四海以

宅尊必有美名紹百王而紀統肇從隆古匪獨

我家且唐之爲言蕩也堯以之而著稱虞之爲言樂也舜

因之而作號馴至禹興而湯造玄名夏大以殷中世降以

還事殊非古雖乘時而有國不因義而制稱爲秦爲漢者

蓋從初起之地名曰隋曰唐者又即始封之爵邑皆徇百

姓見聞之狃習要一時經制之權宜槩以至公得無少貶

我

太祖聖武皇帝握乾符而起朔土以



國家圖書館, NATIONAL CENTRAL LIBRARY, TAIWAN, R.O.C.

神武而膺

帝圖四振

天聲大恢土宇輿圖之廣歷古所無頃者耆宿詣

庭奏章申請謂既成於

大業宜早定於鴻名在古制以當然於

朕心乎何有可建國號曰

大元蓋取易經乾元之義茲大治流形於庶品孰名資始之功

予一人底寧於萬邦尤切體仁之要事從因革道協天人於戲

稱義而名固匪爲之溢美乎休惟永尚不負於投艱嘉與

敷天共隆

大號咨爾有衆體

予至懷故茲

詔示想宜知悉

至元八年十一月

大成加封制

上天眷命

皇帝聖旨蓋聞先孔子而聖者非孔子無以明後孔子而聖者

非孔子無以法所謂祖述堯舜憲章文武儀範百王師表

萬世者也

朕慕承丕緒敬仰休風循治古之良規舉追封之盛典加號

大成至聖文宣王遣使闕里祀以太牢於戲父子之親君

臣之義永惟聖教之尊天地之大日月之明奚罄名言之

妙尚資神化祚我

皇元主者施行

資善大夫中書左丞集賢大學士兼國子祭酒教領

大使院事許衡贈榮祿大夫司徒謚文正公制

上天眷命

皇帝聖旨維昔

聖祖圖任相臣思與真儒共成治效故資善大夫中書左丞集賢大學士兼國子祭酒教領大使院事許衡以天民之先覺膺巖石之具瞻聖學方湮惟洙泗之源是沂嘉謨入告非堯舜之道不陳斥姦志請於熙朝辭祿不忘於耕野迎推日策明曆象以授人時樂育英才居成均而教胄子迺睽鈞樞之列益昭模範之功永惟

裕考之師賓恭被

慈皇之渥命爰申卹典用賁玄扃道德博洽斯謂文中立不倚斯謂正既嘉名之載易仍公秩之榮頌尚其有知服茲無斲可贈榮祿大夫司徒謚文正公主者施行

資善大夫中書左丞集賢大學士兼國子祭酒教領大史院事許衡妻敬氏追封高陽郡夫人

上天眷命

皇帝聖旨家人位乎內易存中饋之辭婦爵從其夫傳著小君

之號故資善大夫中書左丞集賢大學士兼國子祭酒教領大史院事許衡妻敬氏儒宗作儷儉德是躬由畝畝而踐台司不易如賓之敬建蕃維而榮世祿式彰教子之儀門風已歷於清華閨範罔愆於平素眷芳猷之未泯宜卹典之同如其疏列郡之封爰示九泉之賁可追封高陽郡夫人主者施行

翰林院學士承旨資德大夫知制誥兼修國史領集賢院事致仕王磐贈榮祿大夫少保謚文忠公制

上天眷命

皇帝聖旨崇德報功恩靡忘於先正易名節惠禮具載於彝章故翰林學士承旨資德大夫知制誥兼修國史領集賢院事致仕王磐志大以剛識明而遠惟根本培植於內者確乎不拔故英華發越於外者煥乎有文出處無愧於心窮達不易其守潛知逆黨星言發青社之機力折姦謀露奏

重紫薇之柄出平蕃則用蘇民氣入視草則允契
宸衷贊大議於廟堂播清芳於簡冊諫止東伐奮不顧身
復建外臺毅然抗色是以

皇祖薦褒嘉之眷

昭考垂寵賜之勤政有待於乞言何屢陳於諧事榮歸梓里庶
行椿齡朕方嗣服於丕基天不憖遺於一老追惟往行惕
用興懷俾超進於孤卿仍具頒於寵數於戲千古淵源之
學茂以踰修一生忠孝之心諒無愧軾顧二賢已膺於美
謚而兩字宜比於前休精爽如存欽承不昧可贈榮祿大
夫少保謚文忠公主者施行

翰林學士承旨資德大夫知制誥兼修國史領集賢
院事致仕王磐妻高氏追封太原郡夫人制

上天眷命

皇帝聖旨殷周命婦之官禮均夫秩春秋小君之號體並公尊

眷我舊臣為時宿德既厚褒崇之典宜加伉儷之稱故翰
林學士承旨資德大夫知制誥兼修國史領集賢院事致
仕王磐妻高氏淑善其身柔嘉惟則藹若出詩書之習蕭
然形荆布之風服曹氏之訓而勉勵芳猷處齊城之難而
益堅素守朝夕有相成之道始終全偕老之榮宜沛新恩
式昭潛懿可追封大原郡夫人主者施行

昭文館大學士正議大夫資德贈榮祿大夫司徒謚
文正公制

上天眷命

皇帝聖旨傳經明道既輔立

太平之基崇德報功烏可後非常之典故桓傳致臨雍之
敬而甘盤動懷舊之思古今雖殊典秩不異故昭文館大
學士正議大夫資德兼尊周孔學際天人詢治體以綱常
為先論人臣以功利為末侍謀

帝提劍切多文貞之風論相中書慷慨有陽城之烈而又三代
建國明論是先惟西池儼喬羽之儀故東序擴文人之化
風移俗易一變虛文地闢天開豈明正學迺瞻
西朝之舊德實焉

先福之宮師稽考規模夢寐風采是用崇分三章先融
和敬之階

恩責九泉灑酒玉堂之奕有來英爽服

我寵靈可贈榮祿大夫司徒謚文正公主者施行

昭文館大學士正議大夫實惠妻賈氏封扶風郡夫
人

上天眷命

皇帝聖旨天人之際若夫可知積祥之末各以類應凡祖宗文
母等崇壽考夫有不善而致者故昭文館大學士正議
大夫實惠妻賈氏適清室禮我儒宗夫餘以相其夫勤

恪以成其子玗璠中節藻薦多儀清白傳家管彤有煒宜
爾從夫之貴寵膺華郡之封

鸞誥副珈服

我休命可封扶風郡夫人主者施行

翰林學士承旨中奉大夫詳定禮儀事姚樞贈榮祿
大夫少師謚文獻公制

上天眷命

皇帝聖旨昔

皇祖膺千齡之運為

有元立萬世之基崇英逸偉之兼收品式儀章之具舉誰其盡
瘁

朕竊興懷故翰林學士承旨中奉大夫詳定禮儀事姚樞才瞻

而通學醇而正從容中理有鎮浮靜泰之風懇款敷誠皆

經國撫民之樂榮若掌中之分域凜然堂上之奇兵謂帝

德莫大於好生而王政必先於務本江淮不殺開九州混
一之端關陝興農兆率土富安之象建侯置牧分立等威
酌古準今總裁條制功獨高於佐

命治儼格於升平顧將來
垂統之規皆前日用儒之效

儲端首建亦惟

裕考之賓師

恩數宜加恭被

慈皇之明訓是用申其命秩正乃鈞垣賁錫殊稱益彰褒序於
戲

溫詔再三存問示眷每特異焉

同心一二老成於今不復見矣尚其英爽歆此寵靈可贈
榮祿大夫少師謚文獻公主者施行

翰林學士承旨中奉大夫詳定禮儀事姚樞妻宋氏

追封吳興郡夫人制

上天眷命

皇帝聖旨昔宋文宣君傳其父學桓少君躬行婦道皆足以爲
萬世法故翰林學士承旨中奉大夫詳定禮儀事姚樞妻
宋氏稟厚賢明早習家訓與文宣君同宗執饋中堂始終
以禮儼之少君則無愧乃夫以耆德雅望爲

先皇潛邸之佐

昭考舊學之賓勲業在

國史德澤在人心又非鮑宣可比

朕圖所以勵羣工而爲內則者惟爾家兼有之追錫殊稱用光
來裔可追封吳興郡夫人主者施行

天下同文前甲集卷第一

天下同文前甲集卷第二

表牋

中書省進賀

元旦表

翰林直學士奉政大夫知制誥兼修國史臣

王德淵

伏以三陽開泰春不待於郊迎四海會同禮無先於

朝賀臣某等誠懼誠忤頓首頓首欽惟

皇帝陛下躬修玄默

總攬權綱

孝心隆福於

慈宮

德量推恩於

藩邸

宗親順附邊障清寧歲屢底於豐穰

詔仍頒於寬大

仁風解凍旭日舒長開

闔闔之

九重執玉帛者萬國臣某等叨居華省幸際

明時

楓陛高班拜

天顏之有喜椒觴進酒祝

聖壽之無疆臣等下情無任瞻

天仰

聖激切屏營之至謹奉

表稱

賀以

聞臣某等誠懼誠忤頓首頓首謹言

冊命

三西行首並買

望人之壽

繪並升左

天子之威並計山阿殿所賦

北國罪曹餘輔垣樓計

簿與親之業殆安且寧至其華台首西以竭計

父母而盡孝子魚月以耶恩二十年探尋之司不耳而樹創萬

財海古

天公翁端

皇帝陛下克享

壽凡壽主首封贈壽照立其華始勤始計財首融首延計

於以如天乘歲一博官出之計計善華始市開即之

大壽如示奉

三西行首並買



江西行省進賀

大德改元表

伏以改元表歲一新守位之仁修德考祥誕布側躬之
詔凡霑生育快覩雍熙臣某等誠懼誠忭頓首頓首欽惟
皇帝陛下克享

天心能經

祖武右

文母而盡孝子庶民以推恩二十年跋扈之臣不征而附億萬
載興隆之業既安且寧臣某等分省西江馳情

北闕服膺綸綍敢對揚

天子之威遙指山河願祝頌
聖人之壽 餘並依式

江西行省進賀

冊命

皇后殿下表

伏以

上聖造邦首厚人倫之本

內朝受冊益昭天作之祥

宗社安榮臣民欣悅臣某等誠懼誠忭頓首頓首欽惟
皇帝陛下德存孝敬道在修齊稽前代之舊章奉新渙號備長
秋之令典爰錫坤珍光動星垣義形風教臣等職縻江海
心戀

闕庭大琮比於鎮圭快覩儀文之盛闕雖應於麟趾式延
治象之隆

安南國進賀

皇帝陛下登寶位表

臣日燭言伏觀

龍飛九五回生意於龍編象譯重三 馳忱於象魏

一人有慶萬國咸寧臣日燁誠懼誠忤頓首頓首欽惟上天眷命

皇帝陛下大猷域中仁翔海表柔遠能邇守

帝道以兵為偃武修文屈人兵於不戢克廣積穡宜若之善有光明明

我祖之功霽雷霆而花雨露之恩剖封畝以示

乾坤之量與民更始隨物皆春臣日燁幸際離明歡聞

演說時

天北闕心傾北極之君尊守土南荒頂祝南山而上

壽臣日燁謹專陪臣陳利用等奉

表摺

賀以

臣日燁誠懼誠忤頓首頓首謹言

元貞元年三月初一日安南國臣陳日燁上表

安南國上

世祖皇帝陛下登遐表

臣日燁言伏觀湖龍倏去

詔伏觀於登遐澤鴈悲鳴哀甚如於喪考華夷望缺海濱

涕流臣日燁誠懼誠忤泣血泣血欽惟

世祖盛德神功文武皇帝陛下表正萬邦大居一統八十載而

成帝業聖曆無疆億萬年以遺王休

孫謀有勇大懷小畏近說遠來炎風朔雪盡忠臣寸地尺

天皆入貢宜壽名之必得胡劔鳥之遽遺臣日燁目隕

烏號心馳

燕闕

北辰如在靡渝星拱之至誠下土若摧更冀

日居而繼照臣日燁謹專陪臣陳利用等奉表陳

慰以

聞臣日燭誠擗誠踴泣血泣血謹言

元貞元年三月初一日安南國臣陳日燭上表

河南府路進賀

皇帝陛下登寶位表

少中大夫河南路總管臣盧摯

伏覲

詔書

皇帝陛下四月十四日

登寶位者

宗廟社稷永有依歸華夏夷蠻永有嚮賴天地日月亦皆廓然

山川鬼神莫不成若臣某等誠懼誠忤頓首頓首欽惟

皇帝陛下承

先聖付託之重爲天下謳歌所歸維昔主鬯之方虛嗣膺撫軍
之大任仁孝之德四海懽心神武之功百辟屬望壽昌蒸

瑞繇漢而下罕聞曆數在躬紹堯之緒斯受

臨御伊始注措所先尊

昭考出震之稱正

太母長樂之位乾坤泰定雷雨滿盈甫降

鑰音側聽輿誦凡所以

繼體守文之志槩見於事神保民之誠先四者以施

吾仁無一夫不被其澤

湛恩汪濊品物昭蘇不世之姿遠越自古升平之運實自

於今臣某等久荷

國恩謬膺郡寄歡欣踴躍倍萬恒情限以官守不獲奔走

稱慶

闕庭無任感

恩戀

闕之至謹奉表陳

賀以

聞臣某等誠懼誠忤頓首頓首謹言

江西行省進賀

皇后殿下受寶冊牋

伏以瑤圖啟運有開宮壺之賢

寶冊加恩益衍家邦之福

萬年景命八表歡聲臣某等誠懼誠忤頓首頓首欽惟

皇后殿下德配乾剛道侔坤順時惟良月星明太乙之紫垣

禮備長秋

天錫大琮之黃玉誕敷渙號丕顯

珍符臣某等遠在西江翹瞻

北闕洪範之倫攸敘幸被訓彛關雎之教方行喜形舞蹈

安南國上

皇太后陛下牋

臣日燁言伏以

慈闈示訓遠貽燕翼之謀下國依光久席

鴻休之庇情馳

魏闕首泚賀牋臣日燁誠懼誠忤頓首頓首恭惟

皇太后陛下作佛中人為天下母當

九重躬修於孝治宜萬國風行於懿儀道日著於坤裳廣

揚善教澤時流於解雨默贊

皇猷臣日燁僻處炎荒幸逢熙洽喜見

鈞鈴之動色願同嵩嶽以呼齡

安南國上

皇后殿下牋

臣日燁言伏以陰贊宸猷尊居慈宸揚徽音於

宮掖藹和氣於乾坤臣日燁誠懼誠忤頓首頓首恭惟

皇后殿下道繼思齊躬修內則動有珩璜之節退思圖史之規

治首六宮既輔成於

王業風行四海致於變於時雍臣日燭幸際

熙朝遙聞

懿範遐荒僻處莫陪百辟之班寬詔俯臨喜被二南之化
天下同文前甲集卷第二

天下同文前甲集卷第三

獻書

獻寶璽書

資德大夫御史中丞崔或

皇帝福蔭裏資德大夫御史中丞臣崔或言至元三十一年歲
次甲午正月三十日既臣番直宿衛御史臺通事臣濶濶
出即其衛所來言曰大師國王之孫拾得者嘗官同知通



治首六宮既輔成於

王業風行四海致於變於時雍臣日燭幸際

熙朝遙聞

懿範遐荒僻處莫陪百辟之班寬詔俯臨喜被二南之化
天下同文前甲集卷第二

天下同文前甲集卷第三

獻書

獻寶璽書

資德大夫御史中丞崔或

皇帝福蔭裏資德大夫御史中丞臣崔或言至元三十一年歲
次甲午正月三十日既臣番直宿衛御史臺通事臣濶濶
出即其衛所來言曰大師國王之孫拾得者嘗官同知通

政院事今已歿矣生產散失家計窘極其妻脫脫真縈病
一子甫九歲比相告曰幸煩以此玉見買得價以給朝夕
之食及出乃玉印也濶濶出自惟蒙古人不曉文字茲故
來告聞之且驚且疑居處不寧乃退還私家令取而視之
色混青綠而玄光彩射人其方可黍尺四寸後及方之三
分足背紐蟠螭四厭方際紐盡璽堦之外取中通一竅可
徑二分舊貫以韋條面有篆文八刻畫動搖位置勻適皆
若蟲鳥魚龍之狀辨其彷彿有若命字若壽字心已悅之
謂母乃當此昌運傳國璽出乎急召監察御史楊桓至即
讀之曰受命于天既壽永昌此傳國璽文也聞之果合前
意心神爲之肅然乃加以淨綿複以白帕率御史臣桓通
事令臣阿撒罕少直趨

青宮因鎮國上將軍都指揮使詹事臣王慶瑞嘉議大夫
家令臣阿撒罕少中大夫詹事院判臣僕散壽導謁進獻

皇太妃御前啓曰此古傳國璽也秦以和氏璧所造厥後有天下者相傳寶之以君萬國然自前代失之久矣今當宮車晚出諸大臣僉議迎請

皇太孫龍飛之時不求而見此乃天示其瑞應也宜早達皇太孫行殿以符靈貺已蒙

嘉納翌日令資善大夫中書左丞詹事臣張九思少中大夫詹事院判臣僕散壽傳

旨昨所進玉寶製造匣複俟見

皇太孫親爲付授蓋

皇太妃懿慮深遠非臣愚所能及也臣等又啓收藏寶璽之家不知甄辨尋常以玉求售臣見而識之徑持來獻彼猶未知望恩卹其家蒙傳

旨賜收璽之家楮幣貳阡伍佰貫并遠臣等進辨其實者三人衣服各一表裏紋金綺素有差以爲異日旌賞之徵

臣等已詣府前敬受訖自惟無狀不勝慚赧是日金紫光祿大夫中書右丞相完澤率集賢翰林侍從諸臣入賀

御前命出寶璽徧示羣臣此又出於

皇太妃至公至大之量翰林學士承旨董文用等前啓曰此誠神物出當其時若非

皇太妃

皇太孫聖感何能臻此丞相以下臺臣等次第上

壽自是內外稱慶咸曰

天命有歸然臣聞詩序曰文王有明德故天復命武王也今神寶之出蓋因

先帝有明德故天命復歸於

皇太孫又曰皇天親有德享有道以言皇天非有德有道則不親不享也又聞之書曰皇天無親惟德是輔又曰天命有德克享天心受天明命作善降之百祥歷觀上世詩書之

旨未有無德而致天命之歸者也欽惟

太祖聖武皇帝秉茲神略始爲天下除禍定亂隆功盛德簡在
天心受命爲天下主

累世尚德以至我

憲天述道仁文義武大光孝皇帝德配乾坤功包海嶽考格

宗廟子育黎元輿地所托悉主悉臣照臨無幽咸遂生樂
施及

明孝太子錫仁慈之德上感

君親之忱下係億兆之望至元更號

日月重明無爲而治者近二十年雖由

太子進德修業之洪溢亦賴

元妃內助之淵密也敬惟

皇太妃聰明淑懿姆儀崇嚴德量博厚仁敬慈恕出於天性往

古所未有也自

明孝太子升遐內則

皇孫翼翼訓導端嚴外則百司班班臨御整飭由是

聖上君父大見倚重雖于時

皇太孫未昭儲副之託而詹事之司未嘗一日廢缺以見

皇天之命於

青宮之位無時不在誠非人力所能爲也欽惟

皇太孫殿下德資剛明才兼文武英謀獨斷大爲

祖宗族屬屬望遐邇歸心

聖祖憲天述道仁文義武大光孝皇帝灼知天命之所在久存

隆顧將付以撫軍之重於至元三十年夏六月二十二日

錫以

皇太子金寶大正儲位而後詔以出師之期天下開知室家胥

慶和氣穰穰溢於兩間是歲秋檢數年罕運臣竊見天雖

無言純命不爽豈期又於

大行宮車晚出之後甫八日而傳國神寶不求而出於大功臣
子孫家逮由臺諫耳目之司直達於

皇太妃御前益見

皇天托命

皇太孫誕膺龍飛以正九五之位俾符寶璽之文既壽而永永
而又昌臣又見

皇天之心大賚我

皇元繼體之君不疾不遲景命適至以允四海之望者其瑞應
之兆有三按唐史代宗之將為太子先封楚王及位正儲
副而監國楚州獻定國寶一十有 曰楚者太子之封今
天降寶於楚宜建元為寶應蓋以寶為太子之瑞應也

明孝太子封為燕王今

皇太孫燕王之子也將主神器而神寶出於燕適與前事相符
此瑞應之兆一也又寶璽之出正當

皇元聖天子六合一統之時

宮車晚出之近以見

天心正為

繼體之君設也此瑞應之兆二也又寶璽之出適當月之
三十日有終而復始之義以見

先聖皇帝御世太平之功既成俾

繼體之君繼其始也此瑞應之兆三也合此三兆觀之益
見

天命之來際合於

青宮也

微臣區區之情無任傾向輒罄所見以贊其萬一

謹將寶璽之出處古今始終詳具考證按許慎說文云璽
者印也以守土故為文從爾從土其義蓋曰天付爾此器
俾寶之以守此土也至周大史籀文易為從爾從玉義取
天付爾此玉寶以為天下君也三代以上璽文無所攷按

諸史籍并寶璽篆文圖說曰傳國璽方四寸其文飾如前楚以卞和所獻之璞琢而成璧後求婚於趙以納聘焉秦昭王請以十五城易之而不獲始皇并六國得之命李斯篆其文詔玉工孫壽刻之太平御覽又謂藍田王所刻三世子嬰奉璽降沛公軹道旁高祖即位服其璽因世傳之謂爲傳國璽厥後以孺子未立藏於長樂宮及莽篡位安陽侯王舜迫太后求之太后怒罵不與舜言益切乃出璽投之地璽因歸莽及更始滅莽枝尉公賓得璽詣宛獻於更始赤眉殺更始立盆子璽爲盆子所有後盆子面縛奉璽於光武至獻帝董卓作亂掌璽者投於井中孫堅誅董卓於井中得之袁術奪於堅妻術死荊州刺史徐璆聞帝爲曹操迎在許昌以璽送之帝遜位以璽歸之魏常道鄉公禪位璽歸晉懷帝遇劉聰之害璽歸於聰聰死歸於曜曜爲石勒所滅璽歸於勒勒滅入於冉閔閔敗見收於閔

之將軍蔣幹晉鎮西將軍謝尚購得之還東晉時穆帝永和八年也自璽寄於劉石五十三年晉復得之而後宋齊梁陳相傳以至於隋隋滅蕭后與太子正道并傳國璽並入於突厥唐太宗即位寶璽未獲乃自刻玉璽曰皇帝受命有德者昌貞觀四年蕭后與正道自突厥捧璽歸於唐始得焉未溫篡唐璽入於溫莊宗定亂璽入於後唐莊宗遇害明宗嗣位再傳養子從珂是爲廢帝石氏篡位帝自焚自是璽不知所在前宋哲宗咸陽民段義獻玉璽及徽宗爲金所虜凡寶璽悉皆取之內玉璽十有四有青玉傳國璽者一其文其色與今所進獻玉璽相同則知宋之南遷近二百年無此寶璽明也然自金旣取於宋之後寶璽出處的實亦未見明說以及我

皇元適集

皇太孫寶命所歸之際應時而出臣職總御史親會盛事不可

以不錄又圖中別有一壘其文亦八旁注曰此傳國壘背
文也今見寶壘背皆刻螭形蟠屈四凸不齊徧厭四際其
地可置此文按太平御覽晉泰光十九年雍州刺史却恢
表慕容永稱藩奉壘方六寸厚七分蟠螭爲鼻今高四寸
六分四邊龜文上有八字曰受天之命皇帝壽昌原其所
由未詳厥始以此觀之當別是一壘非今傳國壘背文也
此又不可以不辨臣誠惶誠恐頓首頓謹奉牋

上進以

聞伏希

聽覽臣不勝瞻望之至

至元三十一年二月日資德大夫御史中丞崔或上

天下同文前甲集卷第三

天下同文前甲集卷第四

歌頌

正元祝贊詩

臣 釋 希陵

皇帝即位之明年改元元元貞海宇又寧萬邦欣戴罔敢違順太平之兆見於斯矣臣幸逢元日詣

闕祝贊序立

殿陛之左親瞻

穆穆之光而又獲覩禮樂之盛

混一氣象之雄私竊踴躍作詩稱詠

聖德炳同日月之麗天用垂萬世無斁其詩曰

皇帝踐阼

聖同堯禹慕承

丕基光顯

宗祖載弘

洪烈總離照午

昭德惟新民物咸覩明視達聰通今博古登能庸賢左右
規矩克剪姦兇靡遺細鉅服德畏威跼躄伏俯海夷畢臣
罔敢違拒天錫

皇元混一寰宇綏厥黎庶德滂仁煦島壤蠻陬無遠弗溥元貞
元日百典具舉龍戟鸞旂排執而伍百辟踴躍拜笏蹈舞
衆樂奏和鳳翼應拊地產百祥天降百祐貢璧獻琛摩肩
踵武天錫

皇元作萬邦主如日之升下熙九土箠矢橐弓式偃兵旅國既
阜豐民亦無窶願永萬年惟馨德輔
祚與

天無墜厥緒臣作歌詩播諸樂府
祝

聖樂章

臣盧摯

春從天上來

至元二十九年八月二十八日

姑射乘龍與少皞行秋佳氣葱葱
天上萬歲聲中想見玉立神崧更川妃微步便似戶外昭容建
章宮正雞人唱曉鳳吹騰空 風流太平禮樂是鼓腹康衢白
叟黃童說向周公聲容文物歌舞
帝力神功幸

天公不禁人間酒醉得西風此心同有黃河爲帶江漢朝宗

清平樂

元貞元旦

元貞更號日月開黃道試看韶華何處好擊壤康衢父老相將
竹馬兒童崧高

萬歲聲中雒浦梅花香裏人間第一春風

鷓鴣天

元貞元年九月初五日

青女飛來汗漫遊素娥相賞玉爲舟三千年也蟠桃熟
萬歲山高錦樹秋開壽域望神州日華雲影思悠悠願將江
漢清風頌鐫向崧崖最上頭

木蘭花慢

大德六年正旦

問東風何似早去吹綠洞庭波去要催起江頭梅粧的皜柳態婆
娑遙知玉墀鷓鴣對青陽紫禁鬱嵯峨去懽動雲間
閶闔應收雪外蓬婆誰將瑤瑟託湘娥去頽客播絃歌向執法
森然壽星明處去陡頓春多衡君也能三呼去聲更變成度輦曲
奏雲和如許升平文物仍逢
混一山河

迎佛會歌

皇帝繼天位而丕顯洪猷弘聖教而幽通玄理德被遐深功濟
周微者矣元貞元年二月八日

詔迎

佛於京師大鎮國寺遵舊典也是日春熙風微路不揚塵
太后太妃出駕於郊施賞金帛歡沃衆心百辟卿士揚鞭於道
約其不齊咸蹈儀軌士女扶老携幼軒車接武聳瞻如林
鸞聲揚於覺輦象步由於梵衢旌蓋幡幢交羅嶷嶷鏡鼓
簫管噉噉淫淫紫貝之寶流精明月之珎攸目妙花天雨
於靈域瑞光智湧於金儀邈乎象教之玄風載興於
聖世也觀者踴躍滌瑕蕩垢啓謬暢誠嚮風趨善滂流萬邦
化亦洽矣臣幸觀盛美無以形容乃稽首而作歌曰
於昭
有元赫矣其昌洪休載揚敷明德以

王幽抽教鑰密紐釋網澤流彌萬世惟法之光覩金儀勝
天人來引乘駕龍十二頭五雲流慶天開地闢日月正韶
奏鳳儀和之應萬邦稽首稱

天子聖

天下同文前甲集卷第四

天下同文前甲集卷第五

記

皇帝遣使代祀中嶽記

少中大夫河南府路總管盧摯

皇貞厥符誕荷詒謀宣恭萬幾人神具依曰若稽古以遣使者
於是近侍臣僕蘭蹊臣亞韓奉白金錦幡禮器香幣以至
元三十一年夏五月十九日傳遽自

王幽抽教鑰密紐釋綱澤流彌萬世惟法之光觀金儀勝
天人來引乘駕龍十二頭五雲流慶天開地闢日月正韶
奏鳳儀和之應萬邦稽首稱

天子聖

天下同文前甲集卷第四

天下同文前甲集卷第五

記

皇帝遣使代祀中嶽記

少中大夫河南府路總管盧摯

皇貞厥符誕荷詒謀宣恭萬幾人神具依曰若稽古以遣使者
於是近侍臣僕蘭蹊臣亞韓奉白金錦幡禮器香幣以至
元三十一年夏五月十九日傳遽自

京師至祝涓吉致嘏得翌日己巳奠於

中嶽中天大寧崇聖帝喻

旨少中大夫河南府路總管臣摯等

上咸秩山川昭事神祇之意甚教其思所以副稱臣摯等謹百

拜稽首承

詔既謂摯汝文人今以守臣在列其爲祝詞其辭曰

朕仰承

祖考付託之重俯從輿議推戴之情夏四月十四日即

皇帝位深惟繼述

先皇帝所以事神保民尤爲守成大事臨御翼日

制詔天下矣維神駿極卓瑋歡茲中土載藉以來禎祥光烈焯

示萬世者不可殫紀是用敬遣使者代

朕詣祠惟神願歆景貺昭答填衛社稷阜康民物以鞏固我

丕丕基亦惟肅恭苾芬以永永事神也明年改元元貞三

月十八日壬戌近侍臣訥懷奉議大夫前功德使司副使
臣答理禡尅敵至如初禮二年二月十三日辛亥中奉大
夫給事中兼修起居注臣買奴冲素崇道法師臣吳全節
至如元年禮知事臣張中攝土臣既事臣全節謀之臣買
奴來謂摯曰

上蒐文揆典三遣使者走儀幣供祀事踐祚以及元年秩於駿
嶽公皆與焉今滿代寓是邑而給事全節輩寔來將刻石
以責盛禮當有紀也摯拜稽首曰

上通繩

祖武皇建有極致嚴祀典凡所以斂福錫民者方昭假于天子
嶽鍾竒蘊粹昇靈臣鄰柔嘉惠直伯仲甫申式百辟明邦
國將肅命以賦政四方于蕃于宣以翰

帝室

天子萬年令聞不已臣摯固雖蔑焉孔碩穆如之風尚當踧踖

林野強勉蕪陋蟲吟爵躍形於篇牘聲諸金石以自附雅
音之末况摯身親目覩者固宜特書俾有紀焉獲託名以
耀永久使者之言不唯

大神之所歆艷輿人之所觀感其在臣摯尤為幸際也

代祀南嶽記

集賢學士大中大夫盧摯

大德二年春正月中書舉

世祖詔言禋祇古巡狩事甚重遣使代祀甚選誠志多儀以獲
景貺甚答

帝曰俞咨三公今揆典當秩海嶽河伯遣使者宜如中書言二
月

詔近侍阿闥赤集賢學士大中大夫盧摯乘十乘傳走望中嶽
淮南嶽南海崧桐柏竣事三月丙申至衡翌日丁酉奠於
南嶽司天大化昭聖帝如元年禮加幣焉

上臨御五載治日躋嗣曆之初守文熙績民阜歲穰是皆戢兵
祥刑輕徭薄賦所致其為格神之休不既大矣乎臣摯敢
以

聖天子事神保民誠敬之志金石玉衡以永南土載履高厚之
心或以雲風雨暘一時適然為真嶽之瑞者摯皆不書是
日臣摯拜手稽首為記

天下同文前甲集卷第五

天下同文前甲集卷第六

記

新修滕王閣記

前翰林學士奉政大夫知制誥同修國史臣

姚燧撰

上臨御五載治日躋嗣曆之初守文熙績民阜歲穰是皆戢兵
祥刑輕徭薄賦所致其為格神之休不既大矣乎臣摯敢
以

聖天子事神保民誠敬之志金石玉衡以永南土載履高厚之
心或以雲風雨暘一時適然為真嶽之瑞者摯皆不書是
日臣摯拜手稽首為記

天下同文前甲集卷第五

天下同文前甲集卷第六

記

新修滕王閣記

前翰林學士奉政大夫知制誥同修國史臣

姚燧撰

龍興即唐之洪宋之隆興

世祖賜今名以封

裕皇者也故闢

省乎是其治所及北始于江而南際于海三千里其俯而
聽命者龍興南康江撫建昌袁瑞吉贛南安臨江南雄韶
廣潮惠連封肇慶德慶為總管府二十英德南豐寧富南
恩循梅新為州八凡二十有八城又封

裕皇母弟于吉

北安王于臨江贛俾茅土相錯教令相及所以強本固磐
石也故龍興為大藩于天下其基城為閣乃唐滕王元嬰
所為王弘中觀察江西已一葺之韓文公記其上終唐歷
五代宋不廢大抵非唐屋矣

省臣見今風雨凌瘁棟桷腐落曰不治將傾乃請

皇太后出隆福宮錢五千緡始為重屋大其故制三雷七楹飛

析題節弘五筵崇七尋其勢則山出而雲飛矣落成之日
省之三公與尹是府者各偕其屬携燧登望江山數百里
官寺民廬才萬區皆列之軒戶一觴相屬曰壯哉是觀
太后之賜也今始落之而子適至宜為記燧曰弘中之後不知
其幾葺矣莫有記者蓋不敢為韓亞也燧何為者乃勇為
數百年人所不為者乎然惜公不生是時也五帝三王茲
降能一天下者秦漢晉隋唐與宋六家其疆理惟唐為大
今

裕皇為

世祖元適今

天子

皇考其位與聖又不足並也觀察非有是

省之尊所觀察地止于八州亦無有是二十八城之遠之

眾葺者弘中特易所故敗非若今出錢

隆福宮一瓦一木不階其舊悉毀而新之如是不變其名

猶曰滕王閣者蓋不欲求勝前人又以見

太后之仁也於戲得公記之其侈盛矣當如何哉當如何哉今

記者之過閣之不遇也雖然事有可知不可知由可知言

龍興南去

兩都數千里塗非

乘輿所出尹府之臣圖閣上之亦必一經

聖覽或者

裕皇后在天從兩

先王風馬雲車遐狩八極過而一息者人則不得而知也至元

三十一年十月既望前翰林學士奉政大夫知制誥同修

國史姚燧謹記

龍興府學奎章閣記

前翰林學士奉政大夫知制誥同編修國史

臣姚燧

臣嘗官外每聞

詔下唯

諭行省院臺宣慰廉訪轉運三司與職軍民之官讀已則還之中書或掌于行省院臺廉訪轉運而宣慰與職民者省治之職軍者院臨之故唯受其成文以行無有所掌三司中宣慰班最高諭所及者猶無所掌况提舉學校五品居職軍民官下受其成文以行無惑也然其治必居宣慰廉訪所治府州教官聽其約束者其地與二司等此實世祖建元後故事也并有五年始分降

詔復江淮多士力役俾一提學自掌其一由是師生鼓舞相語以為平日

諭所不及一旦與行省院臺廉訪轉運者同有是掌卑於名而尊其實其職反若居宣慰職軍民者上自十三年平

宋後所無北方人士聞之曰是豈獨無於平宋之後

列聖茲降所無實興起斯文萬世之成規也

今皇帝當守首致意於學校為分降

詔如

世祖而加密焉其宏綱曰聖人之道垂憲萬世其目則還貢庄學田為釋奠養老完廟與師生之廩俾有司舉其才德亦一提學自掌其一江西道儒學提舉臣黃謙亨龍興路儒學士友等相與謀曰至矣

聖祖

神孫之惠縫掖也復其力役既富之還正學田以廩師生又教之

俾有司舉其才德又庸之士生斯時何其幸哉觀今掌
詔者多隨印所歸秘之私家其完是六經閣表曰

奎章鏤積而丹雘之錦韜而金鏞之職教之官日夕番直
其下庶以遠褻而致崇亦小臣報

上萬分區區之一也請諸首臣首臣曰宜令臣爲記臣聞虞夏
商周四代之書曰典也謨也訓誥與誓與命也爲體者六
詔有其五焉曰尚書所請近於謨誕告多方鈞乎誥爲法於來
則訓俾職教臣恪以持則命先儒說典文曰冊在臺上尊
閣之也今是重屋上以除風雨下以遠麓濕旣翼翼矣金
其上豈逾尊于丌孰曰非典也耶表曰奎章所以侈
兩聖作之君作之師之宜且風厲是道方千里之士使人人自
飭責成德達才於其躬至元三十有一年記

天下同文前甲集卷第六



天下同文前甲集卷第七

記

江浙行中書省新署記

通議大夫前翰林學士知制誥同修國史閣復
至元二十九年夏五月江浙行中書省新署成明年夏五月復
游杭省府會宴政事堂請記興造之蹟于石謹按中書漢官名
魏晉以來始改秘書省為中書省唐置三省中書其一也地位
尊崇列尚書門下之右
國初政尚簡古有中書之名而僚屬未備中統建元更定官制
迺置中書總握機務尚書六曹隸焉又酌近代之典立行中書
省分鎮方國荒服諸郡隸焉蓋古方伯連帥之任也

王師渡江

詔命伯顏丞相行省軍中江南既平遂置數道行中書省撫綏
鎮邊之惟兩浙東南上游襟江帶湖控扼海外諸番貿遷有市

船之饒歲入有蘇湖之熟權貨有酒鹽之利節制凡百餘城出納以億萬計寔江南根本之地蓋兩浙安則江南安江南安則朝廷無南顧之憂膺是責者非股肱大臣威望素著鮮克稱任粵自政化更張今榮祿大夫平章政事烏馬兒首拜茲命榮祿大夫平章政事阿老瓦丁資善大夫左丞趙仁榮中奉大夫參知政事帖木兒嘉議大夫簽行中書省事郭筠前後接武同寅協恭若夫內給弓兵外通海漕理財以經國勤政以綏民以至築圍田以備水平糶價以賑飢盜賊止息人安田里所以布宣

皇澤唯謹先是省署居亡宋之秘閣屬有回祿之變今福建行中書省平章政事史弼時爲右丞共議作而新之杭州路達魯花赤幹赤理問官柳澤寔董其役度材于官傭力于民規制有經工用有節閱數月而後畢前建政事堂爲發號施令之所後爲便閣以居八座左右二廳爲郎幕東西二廡爲掾史舍旁起

兩公解一爲理問所一爲鎮守萬戶府中堂有覽檠戟有門宏敞壯麗視舊有加焉愚聞古者堂室座右皆有銘所以陳箴規示儆戒也省府以台鼎之重統治三吳生民之休戚係焉中外之供億賴焉東南之安危寄焉勿謂茲庭距

京師遠甚慶賞刑威得以專之洪惟

聖天子明見萬里之外愚願居是任者入門踟躕如趨

丹扆之側

威顏咫尺如

天日之在目

玉音諄誨如雷霆之在耳相與兢兢業業正己以率天下安靜以致治功協和以熙庶績一善未宏思務舉之一才未進思務與之一弊未除思務去之俾三吳百郡之民以至海隅遐陬咸被維新之化歲樂豐登域躋仁壽異時述職

天朝褒德賞勲薦膺

寵渥新之又新煥然宜自作新省署始先民有言詢于芻蕘勿以老生常談而棄日新之功也

高麗國大藏移安記

宣授朝列大夫翰林直學士兼本國匡靖大夫咨議都僉議使司事迎英殿大學士同提修史判文翰署事閔漬撰昔甘蔗氏初成正覺普觀一切衆生具有如來智慧德相但以妄想執著而不證得因起大悲欲以佛之知見開示悟入然機根萬差不可以一法而度故出廣長舌演種種法四十九年無說之說洋溢乎大千無非應病之妙藥也於是有經有律或顯或密分則爲五教合則爲一法及乎佛日旣沒諸聖繼作發揮與義文而成論如是三藏自漢明已來波及于東夏者并諸傳記無慮六千餘軸是所謂大藏也若比龍宮所藏則須弥一塵大海一滴耳然法無不具願無不遂凡人天富貴大小涅槃莫

不由斯而出則三界中所謂大寶者能有過于是乎惟我國家專憑法力創業垂統歷代嗣王莫不克遵前典式至于今休由是大藏寫成者有金字銀字墨字印成者有遼本宋本鄉本鄉本則現有流行之板故內外名刹靡不有焉南嶽鐵山和尚稔聞海東山水之勝欲一觀覽而本國道俗想望其高風者有年越大德八年甲辰秋因受諸公之請浮杯而至闔國尊崇如見佛日瓶錫所止四乘如雲隨根適器咸蒙慈澤若非古佛權現疇克爾耶師因遊化到江華普門社見藏經三本問其來由曰二本乃往古君臣所安一是今奉翊大夫知密直司事軍簿判書上護軍許評同瑞原郡夫人廉氏了因所營也師喟然嘆曰往者志不可奪今者意或可遷也譬如鑿百尺之井者牢閉而不使惠人則井有何功哉得如意之珠者深藏而不令則珠有何德哉今此藏經雖或披轉似不能及何異閉井藏珠者乎彼江西宜春之大仰開山祖師曰小釋迦粵有梵僧禮祖

曰我來東土禮文殊却見小釋迦由是得名祖嘗記云住此山一紀者是吾再來而雪巖欽公住餘一紀果符慧記予曾以已事參叩嘗蒙啟迪且示以偈曰拈起集雲峰上月人前拋作百花毬今雖爲古人想之如在現住者亦欽公之子地靈境勝代不乏人但以寺經回祿法寶有缺耳倘減一于此補彼之缺則豈非開井于八達之衢置珠于輪王之手乎許公聞之喜若發蒙尅日將付歸舟欲事之與彼山不朽請清爲記予辭以非才且病繼有和尚請書辭意懇款清于師戒香亦有一日之熏不能獲已忍病操毫聊識其事於戲普門在大虛中一微塵耳而所藏法寶大千經卷也若非慧眼明見破塵出經則許公之九仞功山未免一簣之虧矣况彼仰山號爲釋迦再來之地亦中夏之靈山也我和尚雪巖嫡嗣亦釋迦之長子也因其言使斯經轉於斯地則靈山一會復回今日其所饒益可量哉苟如是則許公之獲勝功德又可量哉雖在見聞亦可爲慶者歟大德

十年丙午九月 日記

奉翊大夫密直司副使判秘書寺事文翰學士金 恂 書
奉翊大夫密直司副使國學大司成崇文館學士尹 璠 篆蓋
高麗國金剛山成佛蘭若護送大藏經白室沙門釋一收立石
宣授江西道袁州路宜春縣大仰山當代住持傳法虛谷大禪師希陵
安福州學新鑄祭器記

畊齋劉 坦 明允

大德甲辰秋七月安福州學新鑄祭器成校官率諸生觀于堂上既乃藏諸禮庫設掌器一員慎其出入凡爲簠若簋各十爵十有五坫如之六樽惟犧象各一杓如樽之數餘四樽各一併盪洗爐餅爲七十一皆銅也鈔費伍伯有奇蓋自開禧丙寅遷學迄今百年物久而弊莫有嘗者春秋舍奠隨時繕補知禮者以爲詬蘇侯旣宅收視類宮加重未幾王侯來贊郡治首相與言曰器皿不備不可以祭矧非求舊惟新議克合亟召冶鑄氏

按圖考古盡發養士餘財以充其費不足則於二侯取具焉逾月釁成行且有事于廟滌濯告潔

先聖先師洋洋臨之在上或曰古器有用玉者禮之王爵是也有用角者記之角散是也簠簋字皆從竹范金爲質何居余嘗觀集古錄不但龔伯之彝伯庶之敦亦有叔高父之簋則器之用金三代時已然矣于今夫何疑惟是事也二侯協成之職教者與有力焉坦舊諸生也俾記厥始不敢以耄辭

天下同文前甲集卷第七

天下同文前甲集卷第八

記

臨江軍新喻縣學大成殿記

廬陵劉辰翁會孟

按圖考古盡發養士餘財以充其費不足則於二侯取具焉逾月釁成行且有事于廟滌濯告潔

先聖先師洋洋臨之在上或曰古器有用玉者禮之王爵是也有用角者記之角散是也簠簋字皆從竹范金爲質何居余嘗觀集古錄不但龔伯之彝伯庶之敦亦有叔高父之簋則器之用金三代時已然矣于今夫何疑惟是事也二侯協成之職教者與有力焉坦舊諸生也俾記厥始不敢以耄辭

天下同文前甲集卷第七

天下同文前甲集卷第八

記

臨江軍新喻縣學大成殿記

廬陵劉辰翁會孟

渝學丙戌之修禮殿爲大教官吳鳳孫以丁學諭敬直來請曰老生無能爲于鄉黨視前楹碑宋紹定戊子李侯仁任所修也於今六十年矣柱崩梁壞風雨歸然迺乙酉十月廉部真定趙公秉政既定

先聖弟子藉百又二十人復其終身常調不征縣旌別有加命修學于是令丞簿尉各以其力爲倡士之經營勸相者奔走來會月三望而功畢廟闢丈餘靈星翼張越佚貫舊夏焉出于震蕩殘缺之後蓋勞于創造而大于興繼鳳孫則承乏視成而已此部使者奉宣之實意而諸大夫邑人學愛之大誼也於念茲敢請余惟是邑名公多士非猥遠凡陋者之所敢及旣辭不獲讓則受言而載之于篇道猶天也凡干戈潰亂之出于宇宙如雷霆風雨危不可處而天體霽然不待明日光復其舊必歸于禮樂情性道德風俗如使古聖人之所以爲天下國家者不用而一出于兵與刑則民之類滅久矣孰非命也由周公而上千

有餘歲命世而為君由孔子至今亦千有餘歲命世而為儒君道未嘗非儒儒者實輔是君以明其道故誦堯之言行堯之行是亦堯而已矣誦夫子之言行夫子之行是亦夫子而已矣居敬行簡以臨其民南面之夫子也敬事而信節用愛人千乘之夫子也一日無是道則國非其國矣而儒者猶歎然曰不用道未嘗不用于世而世有無用之儒代之所以絕續存亡民之所以死生利病特繫于理之是非而不在其人之用舍得乎道而為天得乎天而為命道命一物也古今一日也道在是則夫子在是夫子在是則君道在是故事道如事夫子事夫子如事君記曰能為師而後能為長能為長而後能為君夫子教為君者也律有煩有省令有遷有改惟經之為訓毋敢畔是故春秋者撥亂反正萬世太平之書也利欲之橫流也甚于洪水然平成之後不聞復有洪水也由今之俗望春秋猶治世非春秋之世治也所以為春秋者治也刑之而有不懲也兵之而有不遏也

君君臣臣父父子子受之天為中國受之王為嘉師必有推明人極之立與天地並其效常得于世教之所不及而後知今之致隆者容有未盡昔之斲廢者本未嘗亡也夫視學告朔豈直觀美哉諸生低徊習禮具瞻冕服其亦思夫東家之匹夫陳蔡之環轍時君遺之鄉國違之而所以致此者亦其避世無悶不怨不尤屈于一時者為教父故必以迂晦為世守阨窮為家法而況上之人優重之作成之當路簡擢之著定之闔邑茂異之顧其蹢躅涼涼一或不能專志于道而終安于命則所以為天下國家者又未見其有可望而天下國家亦卒若外之者未必皆世之咎也余既言三代餘民受罔極之賜于夫子者又欲陋巷時賢以身之貧賤學其為夫子者蓋進取之事不在科舉而在學術與人品此世道之古也孰非命也儀封人語二三子云天其或者

紫薇道院記

靜得王 夢應 聖與

東南書院母慮百數多賜額賜書紫薇創晚獨未賜亦未有田廩士故山長列部缺過者弗顧邑校領焉其棟宇城極南依山瞰江瓠落孤寄乃者化兵燼假進士莊寓其名士散業荒講席不具其後有以莊入書院爲田若干前學官市民居莊右時方復儒又盱江余公恁乘廉使車行部凡前之戾儒者悉誅且起前撫州崇仁薄陳君中子長紫薇君曰此鄉人士講學地寓不便請新之迺計程出力迺慮材命陶經始庚寅八月落成十月不煩公費毫髮殿堂門廡上下瓦甍俛仰秩秩如見闕里余惟異時講學之盛如三代惟石鼓起唐鹿洞起南唐餘皆三百年之故凡春陵關洛湖湘武夷江浙聲影即冠弁像設稱大講席

當時渠渠欵欵竟以誰爲風雷雨電之後使人思孔曾思孟子無窮獸壙水下更遠更甚夫能使人心一日見仁義禮樂之懿世道百年有勝殘去殺之盛其道端在講學乃心胷異歲月遠後之視今今之視昔各有不然何哉周漢以下爲三國六朝爲劉趙石趙爲秦建元爲魏永明又爲數百年唐宋君臣事行師友道遠皆隨世有學皆隨輕重精粗有成吾黨之士感時之初不勝宇宙民物憂責以爲猶夫一日則焦然感然不得于天地者免夫夫數畝之宮通天下似之旦旦深衣立乎此者所以不徒生于今之世也君以一人之力爲鄉國百世之地難矣謂講學于此時也然則君明經才進士用世當偉然

蒙齋趙璧聖和

金人夢漢象教以興白馬來東龍藏斯峙若稽古伯益山海述
天毒之國俚人而愛人郭璞謂即天竺浮圖也俚愛蓋大慈之
義是三五之世其國已名東方朔昆明之對系其後矣劉向傳
列仙敘七十四人在佛經佛經之稱昉見於此至三國六朝迄
唐而文字富又自唐迄五季及宋而論議長惟我

聖元祖宗以仁立國其道胥契于是尊崇信慕有隆于古而西
域異書種種而出帝師國師譯新采舊增廣其文名以至无法
寶刻在京邑流布人間江南去萬里而遙傳持未遍松江僧錄
管主八翻梓餘杭凡諸路度經而未有者許自裝印藏教以完
會其部得一千四百四十總其卷得五千五百八十有六與高
駢所記五千四十八卷云者真若有羨攷之信史梁武總集于
華林園中已及五千四百卷隋志所載則凡一千九百五十部
六千一百九十八卷較今為部四僅及三為卷十不見一厥後

無漢壇之異夫何為數不逮于昔遂言增廣于今耶吾聞有大
經卷量等三千大千世界藏在一微塵中而西土華嚴殆不止
百千偈頌傲是而推又可部帙計哉鹿苑金河四十九載橫豎
其說遽曰于是二中間未嘗談一字香智國子荷法東驅一花
開芬遂有今日究厥大旨又謂不立文字直指人心後之人因
其直指了所未談知一大藏教是箇切脚以此遮眼以此照心
會有言語道斷心行處滅而筌蹄之者

皇恩佛恩一時俱報不然塵刹熾然編集等百億須弥盧則何
益矣曷哉禪流其毋負流通之意

天下同文前甲集卷第八

天下同文前甲集卷第九

碑

無漢壇之異夫何爲數不逮于昔遂言增廣于今耶吾聞有大
經卷量等三千大千世界藏在一微塵中而西土華嚴殆不止
百千偈頌傲是而推又可部帙計哉鹿苑金河四十九載橫豎
其說遽曰于是二中間未嘗談一字香智國子荷法東驅一花
開芬遂有今日究厥大旨又謂不立文字直指人心後之人因
其直指了所未談知一大藏教是箇切脚以此遮眼以此照心
會有言語道斷心行處滅而筌蹄之者
皇恩佛恩一時俱報不然塵刹熾然編集等百億須弥盧則何
益矣曷哉禪流其毋負流通之意
天下同文前甲集卷第八

天下同文前甲集卷第九

碑

聖元重建南泉山大慈化禪寺碑銘 并序

集賢大學士榮祿大夫翰林學士承旨知制誥
兼修國史姚燧撰

皇慶之元普蓮宗主明照慧覺大師慈昱書遣弟子嗣瑞嗣泌
敘南泉山大慈化寺爲臨濟十三世孫普菴印肅所基以勝國
乾道己丑示化既累謚矣至皇元大德庚子實百三十一年昱
再爲之請謚于朝

成廟制可即以其年大德者加舊謚寂感妙濟真覺昭旼之上
其褒其德無以侔大視昔八字猶燭火之當皎日黯不輝矣又
敘寺火于至元壬辰之春主僧去之府縣具僚合諸山高德請
南源山廣利萬安正叟禪師紹中經理其費後四年乙未昱始
繼席修復完矣當是加謚之歲再火再繕治之逾紀迺成且錄
劉必大爲國博應奉翰林文字翰林修撰提舉湖廣省儒學所
撰加贈大德禪師萬佛寶閣圓堂普蓮堂普度橋表士趙璧之

橋墩吉士宋處仁之昭烈廟與主仰山大平興國寺佛鑿大師
希陵之壽山慈化寺與主南康開先寺了萬之天竺圓通殿及
昱自爲高麗金字經諸記丐燧曰以是爲迹銘之寺碑爲讀盡
卷漫不知位置何地迺詢瑞輩俾圖示之而統其要寺蓋距州
百二十里蓮蕩橫前三門之內對峙二塔儲金字經左右鼓鐘
二樓中拱二殿相沓前曰普光明以事佛後曰定光以覆普菴
塔次萬佛寶閣雨華堂達本堂圓堂樓下祠武安忠靖兩王武
安之爲關羽者世則知之忠靖爲五季漢周張翼佐南嶽者
世則莫聞庶以周之門左右則東西藏殿儲經三藏自餘齋閣
方丈香林書院月臺仍普菴之舊爲大圓堂諸小殿僧寮賓館
倉庫庖湍再庶周之凡三重中兩廡皆重屋凡千四百楹南泉
之山四環其外盤盤如城天竺圓通與昭烈皆在四北黃圃市
香山之間昭烈則忠靖原廟普蓮堂與橋則在州中堂有亭閣
廊門橋當隆興吉瑞鄂潭東西南北通塗石墩十四秀江中貫

而梁其上有佛閣鐘鼓樓與普蓮各五十楹亦大役也役大則
不出己力之獨其攻金攻木攻石陶冶髹漆綵繪百工無一可
後之又衣食其徒多至千人若是其衆也衆則困奢而寺無寸
田以自業惟持昱之言出化行鼓舞作興于江湖西南方三千
里地之民最歲施入多至中統楮泉千以計者百萬有奇而佐
力操畚鍤具薪爨者猶不與存何修而臻此哉謂普庵澤歟何
前乎此學佛之人不能振舉至昱爲人心服而勸趨于事者非
直其才致然亦有道也且人之情能勉志專力于一燬之後再
燬則弛而怠焉昱不加退規制益侈輪奐益熾易曰神而明之
存乎其人豈不信哉雖然猶當上求其所自西方之教行中土
也漢唐而下正朔所及有遠踰海國若今者乎星羅棋錯小而
鄉縣大而府州爲佛宮者何啻萬區爲其言而祝除毛髮者其
徒又亡慮百有餘萬

列聖爲制不雜民版又屢降璽書禁人無侵覬其產驛傳不宿
官物不儲飲食燕樂不聽肆筵罍雜于中其崇禮而保佑之已
至矣

皇上又以司是僧爲正錄者衣食百需取足諸山虞日繭絲使
就困削爲罷黜之歲一再誦經五千四十八卷天下何啻千藏
集祝髮之徒散幣饋食果茗膏燭之微一出公帑人又別加賜
焉是舉天下爲徒百有餘萬霑浹恩波無有一人或遺也於戲
昱所以能就事功與人之風行草靡樂推與者豈不亦乘是機
偶是時哉予儒者也文乃儒之一事言之不文則行之不遠昱
其有見乎此遠以求予予惟浮屠之書旨歸奧妙其徒自非警
穎童而習之白首不知其原矧予平生未踐其域不嚙其味者
苟剽而強爲之知終亦膚近而多所謬失爲自欺且欺人以速
專門者所玼韓子嘗曰如欲聞浮屠之說當自就其師而問之
何故謂吾徒而來請予知守此故不敢效必大之博洽爲浮屠
說探其懷以與之祇屢書其善興而教日夕祝釐上醮

帝力下昭祖德者而詩之其辭曰
普菴肅公僧中之雄由篤其道爲世所崇遇有潦燬爲民祈禱
曰雨曰暘罔不時若衆嚮其化爲新攸居日月幾何雲屋渠渠
尋復示寂其在勝國八言用褒節惠已行去世攸遠傳之是孫
猶以哀榮上敷

帝閣於皇

成廟閔其克孝不斥異代加謚有詔維之大德表歷紀年不惜
言之其仁並天肅由是名克塞普率雖是于藍未敢曰出作室
燼餘無田菑畬人以賄來如取寄諸伐材賴山鏡楚窮石百工
鼎鼎孰後爾職梓之騰騰斧之矜矜眎址相方其直引繩楹以
負棟實千四百丹漆之塗如輦斯赫嘗觀有司鉅室責爲有書
以徵有罰以隨人將趨事憚貽己勤巧爲避逃猶幸不至於何
浮屠無罰與書視所欲爲諾不待呼功成不有歸之其祖于橋
殿堂必字以普倡其徒千釋言日宣于以祝釐

天子萬年

天子萬年期昱孫子有末原原世受其祉

天下同文前甲集卷第九

天下同文前甲集卷第十

碑

湖廣廉訪司題名碑

須溪劉辰翁 會孟

春正月而歲新人情改飭修潔必無肯復仍其舊者重天道也
故湖南肅政廉訪司之題名始此肅政廉訪司者至元廿有八
年以按察司玩廢更其名首選當世人望有風力者爲之觀聽
竦然如霆行空必將有所滌蕩震勵至之日列城肅然湖南帶
嶺嶠隔江漢地大去天遠地大故難治去天遠故不盡聞今其

天子萬年

天子萬年期昱孫子有末原原世受其祉
天下同文前甲集卷第九

天下同文前甲集卷第十

碑

湖廣廉訪司題名碑

須溪劉辰翁 會孟

春正月而歲新人情改飭修潔必無肯復仍其舊者重天道也
故湖南肅政廉訪司之題名始此肅政廉訪司者至元廿有八
年以按察司玩廢更其名首選當世人望有風力者爲之觀聽
竦然如霆行空必將有所滌蕩震勵至之日列城肅然湖南帶
嶺嶠隔江漢地大去天遠地大故難治去天遠故不盡聞今其

民安俗便不待愬而救貪夫遠利知恥雖欲假一二以徇而厥
罪無由又如秋之爲令行于草木已而惟見天高而氣清潦霧
俱盡自亦不知其所以然者于是廉司之建逾年矣佯求文于
廬陵以爲之記重新制也按春秋未筆削前楚有檮杌專記人
之惡夫子以春秋易之而義主于秋湖南故楚貪利之昔也如
杌而諸君子之肅也亦如夫子之爲秋恭惟

聖天子之命則有辭矣且按察猶廉訪也而必易之而肇揆之
曰肅如加冠彌尊豈貴名哉顧設之矣按察者日求人之過而
肅政者先正己而已矣漢萬石君家不言而令行小不釋意子
弟至無所容措况立乎百官庶民之上不見其形視其影所謂
不怒而民威于鈇鉞者豈可以旦暮致哉意必有出于擊斲斬
伐之外矣方諸君子之來也湖南之人相與聞而喜曰是嘗爲
某官者在事之諸賢又必有聞而興者曰是嘗以玉雪稱者則
亦不待褰帷正色攬轡揚聲而不仁者遠矣此其想見風采隱

然而在題名之先者也它日之奏事而歸也都人士聚而觀者
不又曰是嘗爲湖南廉訪者夫使天下移風易俗回心而鄉道
者其在斯人乎其在斯人乎此其屬屢厚望焉然而題名之
後者也吾江西人也昔者得之徐公子方焉曰是嘗爲湖南按
察者是嘗爲湖南按察而肅者是碑之立鏘然如子方前後聯
裾疊佩鳴玉相應不知其亦萬一有能爲江西來者乎獨後我
乎蓋願言不獲如見其人

天下同文前甲集卷第十

天下同文前甲集卷第十一

碑

華陰清華觀碑

疎齋廬 摯 處道

然而在題名之先者也它日之奏事而歸也都人士聚而觀者
不又曰是嘗爲湖南廉訪者夫使天下移風易俗回心而鄉道
者其在斯人乎其在斯人乎此其屬屢厚望焉然而題名之
後者也吾江西人也昔者得之徐公子方焉曰是嘗爲湖南按
察者是嘗爲湖南按察而肅者是碑之立鏘然如子方前後聯
裾疊佩鳴玉相應不知其亦萬一有能爲江西來者乎獨後我
乎蓋願言不獲如見其人
天下同文前甲集卷第十

天下同文前甲集卷第十一

碑

華陰清華觀碑

疎齋盧摯處道



大華維嶽頰崧瞰岱培塿天下山山多嵌巖峻峰嵬石水多飛瀑駛湍樹多柏松栝檜杉櫛土田上腴與九貢雍合種宜良麩嘉穀其草木知方術志服食者能采掇以供靈餌奇品其民好老氏言有漢文景相國何參涵靡餘俗其顛明星玉女諸峰古列仙之所往來故其下多黃冠居中峰之麓曰雲臺宮址東峰而觀者曰清華巋厦屋于灌木叢薄間仰高為適必之雲臺清華規制殺隆雲臺蜿蜒紆餘而檀登望之勝鄉予自秦移洛懼闇劣不任郡寄宿留于華容渭南孺隱者郝氏凡在月時道介主舍生徜徉雲臺覽略天寧歎白雲紫微之扃過華嶽觀酌醴泉醜玉女以造真常之宇窮探幽討得清華焉予邀清華屢矣每之焉必自郝氏遵行畎澮徑通衢而南陂陁起伏樹林冥迷雜英野蔓轆轤聯綴雞犬之音喔嚶狷唳遷迤墟曲旒耄稚乳痾僂提携于荆扉棘焚之間始則熙然以喜復愀然疑得無山靈善幻斷武陵仇池挈之華以境于清華也耶既盤壑陟阜而

至則襄徊徙倚縱目八極涓流驚東入于河中條欲西馳馮翊沙苑之野平蕪點樹渺漠無際叢祠欹欹樓觀切雲霄俯接邑聚阡陌鄠井如畫蒼龍騰空仙掌下招飄飄然有乘虛御氣之想高嘯孤咏旁礴宇宙不覺日之夕也主是觀者鍊師張姓名曰志希其字望之其術得之養素養素得之無礙無礙得之丹陽丹陽得之重陽重陽得之象罔無礙田姓元普名子和字無礙號也幼服道士服入秦眺悅山藪恬夷樸素氣拔倫類既遇至人以全其貞丹陽之歸海上無礙侍行留菴于華承師訓也遊方所得取友必端于是王姓居中名者晦迹業履號稱有道煦濡求聲蘭襲玉琢切乎其相資薰乎其相成居中之蛻田復東邁遵海以印術丹陽參契劉長生神山而還無礙之道標望關中矣弟子殆千餘指以居隘不足受衆南其居里所里曰小堡墅曰王墅土膏墳埴地勢敞爽其主王氏以無礙之樂之也歸以其地叢力徙築其興歟焉崇構睥象旣翼孔嚴列徒之序

休賓之舍庖庖庫廡圍畦之類井然有條無一不具謂之南庵
留跡未幾上征及期夫綿用谷神先後天地奚贅于儼冠履敷
言筌而詒其徒神委形以愆世然真粹之精見諸物化者亦靈
異哉

元命維新仁物尚玄即無礙之號冠以慧照追贈真人田逝金
季菴燬于兵養素復之踵武前樵無替其舊閱紀而後有成昔
之困蓬藿址蕢礫者暈題節絢丹牖矣宅狐兔場樵牧者環簪
裾鏜鐘鼓矣清和尹君名菴清華後因名扁觀其菴者貞常李
君養素姓毛氏道行大槩與夫清華肇基再造之緒儕素之塵
者凡八人記刻詳焉素終希嗣清整肅括幹力裕然益崇增睥
斥廣田疇豐積饒穡倍蓰先業趙尊師者志堅其名號曰通真
與咸希績趙姓敬信名者實左右之蓋予見聞清華者如此元
貞丙申予滿河南即移家登封崧亦多隱人羽客之所栖託間
仍其徒經立緣崖周章跌宕抵掌言論極海內名山水之區未

嘗不西望悠然疊疊清華時也歲云莫矣志希敬信犯凜冽跋
嘔噉發潼華出峭澗往返十有餘里東抵洛汭又東踰鞞轅訪
予山中曰昔公寓華不陋清華不野希輩頻枉後乘以寵丘壑
既貞公之詩于鐫惟是清華田槩毛韞日登其隆庸次于希貌
焉希也觀水無術負薪有覲顧于前人經營敕藏之謹期待畀
予之重夙宵憂惶圖惟副稱徒翫歲愒日竟不能一髮又嗒焉
兀坐不求之昭代篤古修辭善言德行不移流俗者揭兩師之
懿將遂沈泯無聞希咎責逾不可追倘夫子不靳貽之文亂以
聲章裁葛天氏之謠頌諧軒轅之律呂希則持以歸醮靈皇玄
祖真師真也擇善步虛者歌以格神然後樹碑無爲之庭式耀
今古豈惟鏤希之愆清華慧照而亦相與不朽矣予惟今之老
其流全真其學者幾人能退伏冲漢守雌用晦下後其高先果
于師說以合乎吾子顏子實虛有無者誰歟能矣能尚文悅古
道不眩庸翫俗者誰歟求如之人也久矣望之望之詩不云乎

彼美人兮西方之人兮又曰惟其有之是以似之望之望之鍾
者然耶濟所得耶雖然予非其人也予無以應其求也予有激
于中也予不獲辭也既述其事復準楚人祠太乙司命諸神者
繫之辭俾後擬騷學仙者交有稽焉無礙趙城人養素平陽人
志希秦人記清華者奉天陽煥然今文其碑者涿郡盧摯其辭
曰

曩恭皇之渥命兮返周原于載驅將稅駕于洛汭兮迺東遵乎
少皞之墟既僮徊以翱翔兮躋貞人之所廬澡蘭湯之芳潔兮
鯀沆瀣之玄舖被虹霓之奇服兮英雲連蜷以承車駢蒼螭駟
素虬之蠖略蚴蟉兮鸞鳳翩翩其翼予挾關尹于岳之阿兮求
柱史之焉如羨門肅以搞言兮趨王喬之飛鳧搏扶搖而上九
萬兮羌六月之一息彼蜩與鶯鳩兮搶榆枋于丈尺夫微心于
大空兮即無礙之貞宅麗其所以棲神兮亦猶抱一者載營魄
火昆岡于曠塵兮孰職辟乎玉石化榛莽而金碧兮疊嗣玄之

孔力擊鐘兮考鼓靈皇皇兮來下豐隆導前兮從蜚廉戒義和
爲之御瑤席兮瓊俎蕙肴兮桂醑邀廣成兮崆峒來浮丘兮縣
圃驅厲鬼兮四裔遂嘉生兮九土民欣欣兮阜康紛穰穰兮靈之
祐穹堂兮邃宇華之祇兮訶護壽
皇輿兮終古

天下同文前甲集卷第十一

天下同文前甲集卷第十二

序

送暢肅政純甫序

牧菴姚燧端父

歐陽子爲宋一代文宗一時所交海內豪雋之士計不千百而
止及謝希深尹師魯二人者死序集古錄遂有無謝尹知音之

孔力擊鐘兮考鼓靈皇皇兮來下豐隆導前兮從蜚廉戒義和
爲之御瑤席兮琬俎蕙肴兮桂醕邀廣成兮崆峒來浮丘兮縣
圃驅厲鬼兮四裔遂嘉生兮九土民欣欣兮阜康紛穰穰兮靈之
祐穹堂兮邃宇華之祇兮訶護壽
皇輿兮終古

天下同文前甲集卷第十一

天下同文前甲集卷第十二

序

送暢肅政純甫序

牧卷姚燧端父

歐陽子爲宋一代文宗一時所交海內豪雋之士計不千百而
止及謝希深尹師魯二人者死序集古錄遂有無謝尹知音之

恨嗚呼豈文章也作者難而知之者猶難歟余嘗思古之人惟其言之可以行後為恃以待他日子雲者出將不病夫舉一世之不余知也今乃若是亦以有知者為快而失之為悲歟余冠首時未嘗學文然視輩流所作惟見其不如古人者雖不敢輕非諸口而亦未嘗輕是之于心也過而自思人之能者余操慮持論且然余不能之何以免人無嫉賢之譏乎年二十四始取韓文讀之定筆試為持以示人譬如童子之闢草彼能是余亦能是彼有是余亦有是特為士林禦侮之一技焉耳或謂有作者風私心益不喜以為彼忠厚者不欲遽相斥笑姑為是諛言以愚之不然殆鼓舞之希進其成也自是蒙恥益作既示之人且就正于吾先師先師亦賞其辭而戒之曰弓矢為物以待盜也使盜得之亦將待人文章固發聞士子之利器然先有能一世之名將何以應人之見役者哉非其人而與之與非其人而拒之鈞罪也非周身斯世之道也余用是廢作有亦不以示之

人矣純甫自言得余隻字一言不棄而錄之又言世無知公者豈惟知之讀而能句句而得其意者猶寡嗚呼世固有厭空桑之瑟而聞鼓缶者乎然文章以道輕重道以文章輕重世復有班孟堅者出表古今人物九品中必以一等置歐陽子則為去聖賢也有級而不遠其文雖無謝尹之知不害于行後猶以失之為悲下下之外豈別有等可以置余為哉則為去聖賢也無級而絕遠其文如風花之逐水霜葉之委土朝夕腐耳豈有一言幾乎古可聞之將來乎純甫獨信之自余不可不謂之知己足為百年之快恐純甫由此而取海內不知言之非也然純甫實善文其不輕以出者將以今為未積而至于它日以騷雅末流曲謨一代乎將恃夫蒞民既為循吏持憲既為才御史富民又為良大農道行一時無暇于為言乎豈以世莫已知有之而退藏于密也由積而為書他日與道行一時無暇于言則可由莫已知而不出若余也雖不善文而善知文則純甫為失人矣

今以農副行田隴右于其別也敘以問之
天下同文前甲集卷第十二

天下同文前甲集卷第十三

序

送段郁文序

須溪劉辰翁會孟

郁文段君以東平書生爲吾州知事數相過論文說詩氣相固
甚善然北來馬上君獨守文飾吏視書如律得不迂滯疎廢吾
南士政坐此它日聞某事某事強人意必郁文郁文及其剛難
事之長蒙茸枿鑿鮮不決裂敗意君從容其間能使曲就條理
感移變化而人不知亦由其審細不倦而又平心以觀理微言
以達意故侃然獨立而弗忤使專政得民不愆于素所爲講畫

今以農副行田隴右于其別也敘以問之
天下同文前甲集卷第十二

天下同文前甲集卷第十三

序

送段郁文序

須溪劉辰翁會孟

郁文段君以東平書生爲吾州知事數相過論文說詩氣相固甚善然北來馬上君獨守文飾吏視書如律得不迂滯疎廢吾南士政坐此它日聞某事某事強人意必郁文郁文及其甚剛難事之長蒙茸枿鑿鮮不決裂敗意君從容其間能使曲就條理感移變化而人不知亦由其審細不倦而又平心以觀理微言以達意故侃然獨立而弗忤使專政得民不愆于素所爲講畫

詎止此吾平生觸事感憤或急欲語不自達雖消磨至盡終覺激至梗塞故知爲郁文者難也吾州事紛糾百它郡語言成市吾閑居絕物猶有議其傲病其貞者罪不可亮故知爲郁文者難也惜也君去我使我無益友以文過使吾民不得豈弟以愬獨有一于此推此心事長上位宜得輔推此心事君無遂事而諫物之蒙利者當益廣而予獨不得不闕然者郁文不當獨厚我也嗟乎復有虛心好問如郁文者乎蓋顛倒羅列之餘而皆君所自有也

長沙死事本末後序

青山趙文宜可

嗚呼丙子之事長沙郡死事者不可勝數其大者帥肯齋李公
帝總漕泉巖鍾公蜚英不至一時溝瀆如趙府園池赴水死者
數千運司園樹自絕脰者如偃師纍纍城破日城中無虛井而
家自相屠縱火焚尸者比比而是圍城三月死鋒刃死矢石復

不知幾千人是何楚之多鬼雄也抑其間死而無名以傳者既可悲至如泉巖鍾公死而不得名更得謗雖公心事上通于天自靖自獻于一祖十四宗者浩無愧怍天下後世之知與否非所計然志士仁人殺身而不得成名閭巷小人但見其迹自爲臆說知其事者復坐視不爲一言曰何預我事如此何以學士大夫爲余得李元美所以爲長沙本末載公死事甚悉元美在圍城中親見公死非他人傳說者比則又曰元美公壻論出于其壻誰能信之計公是時所欲爲預謀者不過心腹數人數人之中生存者無幾幸而有一元美親見其事述之以語人則又不此之信而閭巷臆說之信亦真昌黎所謂不樂成人之美者矣余每見長沙士人嘗在圍城中者以李鍾二公之死問之往往有能言者大抵與元美說合公生平以人物自負亦頗好奇其死而得謗亦好奇之報也太史公言臧獲僕妾猶能引決長沙一城人引決者何限豈以公之勇而不能求一快而死自以

爲賢于瀟瀟公之意止如此而不知其事之難計之左以受身後之曖昧也夫所貴乎昭譏雪枉悼屈哀窮者謂其拔之曖昧而光明之也若肯齋之死則何俟乎言程嬰曰死易立孤難爾公孫杵臼曰子強爲其難者吾爲其易者請先死悲夫使程嬰之事不成亦孰知嬰之後死難于杵臼之先死哉觀肯齋之告泉巖曰芾老矣不能爲此公善自圖之萬一事成芾爲厲鬼相助此與公孫杵臼自爲其易而使程嬰爲其難蓋相類泉巖之事不幸無成使其得如豫讓一擊衣而死誰不快之誰謂公之死不光明俊偉哉公倅廬陵時寔提督鷺洲書院余以諸生間得見頗以文字見知未幾則公去廬陵矣非深交也竊獨悲公盛心大節不表見于後世故書之元美編後公之精神往來霄漢之表未必不聞吾言而猶然笑之也至元癸巳十二月前太學進士廬陵趙文拜手書

天下同文前甲集卷第十三

天下同文前甲集卷第十四

序

送郭肅政安道序

牧菴姚燧端父

書有道有體有勢謂爲大耶周官則班之六藝謂細耶次之禮樂難耶舉天下之人孰不爲之易耶則曠一代能名世者不數人若是者亦未可以細視易言之也斯其道也其體則有篆隸草三等本而上之草出隸隸出篆則篆者書之源或曰隸而下有正走則曰唐湖刺楊漢公跋千祿字書以顏魯公隸書爲盡鍾繇之精能則正者實隸也其勢則有拘有放篆譬則弁冕端委之人將執事于郊廟于其趨縮縮其循周旋則至圓不能加規折旋則至方不能過矩隸則常服燕居不可多拘家人視

以爲嚴君而亦不可少放草則雄勇武夫纓曼胡而衣短後挺矛運鉞進踴退躍橫入傍出頓挫起抑揮霍斫拂極其放而惟吾意之所至焉然爲是者雖出乎手而心爲之師心拘亦拘心放亦放未有心放而能篆亦未有心拘而能草勢必至理必然者也走嘗觀今爲篆者無枚舉其誰求一蹴而可臻古人之闡祀者則郭肅政安道一人焉耳夫曰爲是拘藝則心存而不放豈不幾于克念作聖者耶視走之惟事乎草心放而不知拘者遠相萬也安道號西莖好學而善文無乎是則書不能獨振耀今之世矣將別而糾郡于岳敘以問之

送易數梁生序并詩

養吾李謹思明通

易堂梁氏丁挾數以邀求詩若文歸華其堂屢質于予予曰嘻乎而將歸乎而誰與歸歸有方乘焉有卿先生焉習其讀問其傳不知其人可乎某也漢上某也梁谿其于易也醉心焉平生

脫藁神爲護持硯池筆塚靈氣浮動至于今不死公宜避堂以
舍之潔齋十旬四無人聲函絃吾詩亂以商徵其趣虛而一其
音清越以長若恍若惚若或感通從而端拜俟命焉若或夢兩
公翁鑿其方心納以神策厥惟休符厥學當大進詩曰

羲皇去我久無地供冥搜妙言聊云云遐瞻莽悠悠晨薌展瑤
匣夕炬橫牙籌謂言古龜龍不隔風馬牛向來實地人亦企空
中樓居然神界敞倏爾飛光適寥寥北學餘奕奕東家丘叢書
擁西洛挾策行南陬芟荒出邃景決湘延清流事當艱虞初功
與經濟侔靈蹤遞蚴蟉遠響遙颺颺何當夜半期強作三日留
三熏奉談塵再拜停歸駒盤礴了卓濶抉擿窮微幽爲天補闕
餘與世懸春秋時傾付墮甑運值仍虛舟不聆車馬喧賴有道
遙遊千歲我几傍兩翁公屋頭城古鶴方還山深虹更浮物化
難重尋客行將小休篋篋擬吉旦椒桂隨嘉羞遺子送迎詞非
翁諒誰謀

天下同文前甲集卷第十四

天下同文前甲集卷第十五

序

送蒙古荆教授序

青山趙文宜可

古今書殊文一貨字也黃帝帝學高陽商周之貨齊莒之刀凡
十三文一金字也古幣黃帝貨帝吳帝嘗金商之鍾周之鈺晉
之鼎凡七文蓋古之書特以代結繩有文無義其依緣意想而
取象皆古人所爲爾吾嘗疑

國書本于梵書華以一音該一字梵以一字貫數音其左旋其
偏纏其橫綴皆有今

國書意華有象形之文梵亦有之如歲之爲縛是也其二合三

天下同文前甲集卷第十四

天下同文前甲集卷第十五

序

送蒙古荆教授序

青山趙文宜可

古今書殊文一貨字也黃帝帝學高陽商周之貨齊莒之刀凡十三文一金字也古幣黃帝貨帝吳帝嘗金商之鍾周之鉦晉之鼎凡七文蓋古之書特以代結繩有文無義其依緣意想而取象皆古人所爲爾吾嘗疑

國書本于梵書華以一音該一字梵以一字貫數音其左旋其偏纏其橫綴皆有今

國書意華有象形之文梵亦有之如歲之爲縛是也其二合三

合四合而成字皆字母所生華嚴經載善知衆藝童子得菩薩
字智已有四十二字字母之說故知

國書似出佛書也今天下言佛之言字佛之字吾佛國之民也
非大幸歟蒙古教授真定荆飛卿精于

國書初豐城既改富州頌州印用之且十七八歲飛卿至辨之
曰此撫州非富州也然後州請于

朝而改鑄焉富州印字荆教授始飛卿教授于此人人愛其和
易而可親吾極欲從君學奇字恨老矣

送黃觀樂連州學正序

養吾劉 將孫 尚父

往予將入閩與觀樂遇東湖之上觀樂慨然有歸志予彊之小
忍觀樂掉頭不顧曰吾館穀幸不乏徒爲諸君甘言飽我使我
在此如雞肋予復上下前輩出畢遇合以室其意去四三年予

歸自汀聞觀樂奉 省檄爲連州學正相見復愀然曰吾歸休
矣問何故則具言連遠諸不便狀今年方厓蕭御史別時約爲
金陵來昉治行而方厓遽盛年去我念平生知己初出山也惟
是公之故今其已矣初遇處復爾吾本色止合教書爾三誦后
山妾薄命篇相視潸然復示予以其祭文詞指尤哀予爲舉鄉
先進魁大學第初筮董教連州今以州不設教學正教授等耳
其亦不可少也觀樂誼高而志遠殊不屑于惟斯人斯才之日
老也則張皇連州之美倡其親若友而道之以言曰陽山天下
之佳處也山水之勝昌黎固以爲有名平生作記惟燕喜亭與
滕王閣而二劉夢得以爲炎州之涼墟則與中土無異張南軒
賦爲八景則又與衡湘抗衡唐之劉韓後來魏公父子皆嘗居
之若東西州繁富雄麗則有之矣人物地望無是也君所爲不
足者特夫人而得所宜乃鬱鬱居此抑吾聞之無味者其足味
者也雖僻亦必有善士道雖遠未若昌黎夢得之所爲來學雖

少廩稍薄亦未必無一囊粟也率其父兄勗其子弟友其賢大夫飲水而讀書觀山而訪古安往而不得吾貧饗儉有餘福用寡無遺責擅清事足盡興以此視彼豈不足味耶抑吾又聞之前利者後趨往諸老嘗為言吾州仕者連為利如曾東軒蕭南谷陳靜山皆善于連或自連而升朱約山婁子郡不上獨守連終更夫觀樂之聞斯言也豈不足以行矣夫

薛昂夫詩集序

翰林直學士奉政大夫知制誥同修國史王

德淵

薛超吾字昂夫其氏族為回鶻人其名為蒙古人其字為漢人蓋人之生世封域不同瓜瓞綿亘而能氏不忘祖孝也仕元朝明聖之代蒙元朝水土之恩名不忘國忠也讀中夏模範之書免馬牛襟裾之誚字不忘師智也惟孝與忠智根本立矣文藻柯葉又何難

為今觀集中詩詞新麗飄逸如龍駒奮迅有並驅八駿一日千里之想振珂頓轡未見其止雖然孔孟生知淑質學猶有漸况其下者乎孔子四十不惑孟子四十不動心是四十以前孔孟猶慮有時而動心矣昂夫之齒尚少今甫三十有一余欲與期之于十年之後德充氣老閨中肆外花殞而實甘糠揚而米鑿必有非復前日吳下之嘆且金日磾珥貂于漢哥舒翰建節于唐率多武臣少見文士昂夫誠能簞進川增獨破天荒異時列名于儒林文苑傳中出類拔萃超越前古顧不偉歟

天下同文前甲集卷第十五

天下同文前甲集卷第十六

賦

大都賦

爲今觀集中詩詞新麗飄逸如龍駒奮迅有並驅八駿一日千里之想振珂頓轡未見其止雖然孔孟生知淑質學猶有漸况其下者乎孔子四十不惑孟子四十不動心是四十以前孔孟猶慮有時而動心矣昂夫之齒尚少今甫三十有一余欲與期之于十年之後德充氣老閨中肆外花殞而實甘糠揚而米鑿必有非復前日吳下之嘆且金日磾珥貂于漢哥舒翰建節于唐率多武臣少見文士昂夫誠能簞進川增獨破天荒異時列名于儒林文苑傳中出類拔萃超越前古顧不偉歟

天下同文前甲集卷第十五

天下同文前甲集卷第十六

賦

大都賦

竊惟

大元之盛兩漢萬不及也然班固作二都賦天下後世誇耀不朽今宇宙升平宜播厥頌文仲幸生

聖世獲覩大都雖不克效其聲牙之文繁豔之語亦不願聞其奢靡之政浮誇之言謹摭其事撰大都賦上于

翰林國史請以備采擇之萬一其賦曰

有客以風雲爲氣江海爲量一踏萬里顧盼伊壯嘗掉鞅金陵鼓柁錢塘浮汴入洛西游咸陽臨殘城之餘景黠煙草其悲涼悲哉敗國之迹何必于此乎彷徨方今

天廓一宇地合八埏

皇居帝闕新宅于燕萬方臣妾罔不後先猶北辰之朝列宿東海之會百川今也不徃白首何年道齊魯以前邁歷趙魏而北轅亦既至止觀于都內非雷而喧非電而奔懂兮怛

兮殆夫所存大都主人目而招之曰子豈出蛙坎而望滄渤脫蟻封而覩瑤崑者耶何神志不定四顧市人若將襲而問之也客曰唯唯予行天下多矣獨此大都足不及履城闕之雄風物之異幸子告我毋以爲鄙竊聞燕之爲壤古曰幽州召公拓其規昭王闡其猷慕容據之以爭中夏完顏臨之以朝諸侯名蹤勝跡萬歲千秋子能舉之否乎主人撫掌而笑曰固哉客之問也彼小國一君偏方一主朝盛夕衰何足以語維昔之燕城南廢郭維今之燕天下大都宇宙千齡而啟運

帝王一出而應符山川改觀民物易居開天拓地自作制度豈轍人之軌而躡人之跗哉

太祖皇帝之龍興也乘乾位王水德耀玄武撫璿極鐵騎長驅金燼奄熄控扼南于焉駐蹕

列聖相承有事疆場顧宮室其未遑日飭厲乎兵革

世祖皇帝神聖武文既傳國以建號復紀元而書春操轡策而
馭羣雄臨水火而救兆民授閭閻者如靖如勅運廟謨者
如張如陳有角皆崩無弗馴雨露所被知其澤風霆所
至知其神是宅是圖以取以守恢

皇基于億載隆畿制于九有因內海以爲池即瓊島而爲
圃近則東有潞河之饒西有香山之阜南有柳林之區北
有居庸之口遠則易河滹水帶其前龍門孤嶺屏其後
蓄鴨綠浮其左五臺常山阻其右所謂子孫萬世帝王之
業與海嶽相爲長久者也迺樹厥墉廼鳩厥厥功畫萬址以
效地連萬雉而橫空高謂山兮何平長謂堤兮何崇闕門
十一四達憧憧蓋體之而立象允合乎五六天地之中前
則五門駢啟雙闕對聳靈獸翔題而若飛怒猊負柱而欲
動東華西華翼其旁左掖右掖夾而拱開厚載以北巡迤
邐乎行在之供奉內則宮殿突兀樓閣扶擁如峯之攢如

濤之涌瓦與天一色而瑠璃滑壁與霞爭光而臘脂重岩
岩嵯嵯縹縹緲緲金楠雕楹華栊彤檠揭崇天之扁于雲
端卓鎮雷之竿于漢表奮角張牙衡脊鼓翼浮動于蒼松
翠檜之杪後則奇峰怪石巒巒屹屹異葩珍蕋檀檀藥藥
紅者珊瑚青者琅玕亦肪其白亦錦其斑中有虎豹犀象
熊豕鹿猿鷹鷂鷓鴣猛足健翰莫不承恩被澤飛走乎其
間又有西天比丘傳戒伏魔手繙金字頭茸赭毛輦內昇
酒鳴鼓吹螺居之圓殿爲國護持出入清禁莫之誰何上
有廣寒真于嵯峨聽政之暇憂民之勞御步輦以臨幸垂
天目于秋毫下引西山之淪漪蟠御溝而溶滴經白玉之
虹橋出宮牆而南逝以佃以漁以舟以楫普爲萬民之利
聖人之心可謂至矣且以一統之大四海之富非不能窮美而
極麗固將昭恭儉之先謀垂法則于後世也于是東立
太廟昭孝敬焉西建儲宮衍鴻慶焉中書

帝前六官稟焉樞府

帝傍六師聽焉百僚分職一臺正焉國學崇化四方景焉

王邸侯第藩以屏焉神州赤縣首承令焉彬彬乎簪笏之林古無此盛矣迺闢東渠登我漕運鑿潞河之垠墾注天海之清潤延六十里瀦以九堰自汴以北者輓河而輸自淮以南者帆海而進國不知匱民不知困遂使天下之旅重可輕而遠可近揚波之櫓多于東溟之魚馳風之檣繁于南山之筍一水既道萬貨如糞是惟

聖澤之一端已涵泳而無盡論其市廛則通衢文錯列巷紛紜大可以並百蹄小可以方八輪街東之望街西髣而見扉而闡城南之走城北出而晨歸而昏華區錦市聚四海之珍異歌棚舞榭選九州之穠芬招提擬平宸居屢肆主于宮門酤戶何燁燁哉扁斗大之金字富民何振振哉服龍盤之綉文奴隸雜處而無辨王侯竝驅而不分屠千

首以終朝釀萬石而一旬復有降虵搏虎之技援禽藏馬之戲驅鬼役神之術談天論地之藝皆能以盡人之心而蕩人之魂是故猛火烈山車之轟也怒風搏潮市之聲也長雲偃道馬之塵也殷雷動地鼓之鳴也繁庶之極莫得而名也若乃城闔之外則文明為舳艫之津麗正為衣冠之海順城為南商之藪平則為西賈之派天生地產鬼寶神愛人造物化山竒海怪不求而自至不集而自萃是以吾都之人室無白丁巷無浪輩累贏于毫毛運意于蓰倍一日之間一闕之內重穀數百交湊闐闐初不計乎人之肩與驢之背雖川流雲合無鞅而來而隨消隨散杳不知其何在至其貨殖之家如王如孔張筵列宴招親會朋誇耀都人而幾千萬貫者其視鐘鼎豈不若土芥也哉若夫歌館吹臺侯園相苑長袖輕裾危絃急管結春柳以牽愁佇秋月而流盼臨翠池而暑消褰綉幌而雪暖一笑金千

一食錢萬此則他方巨賈遠土謁宦樂以消憂流而忘返
吾都人往往面諛而背訕之也言其郊原則春晚冰融雨
霽土沃平平綿綿天接四目萬犂散漫兮鴟點點千村錯
落兮蜂簇簇龍見而凍根載茁火出而早麩漸熟柳暗而
始蒔瓜棗花而猶播穀我草數畝可易一夫之粟治蔬千
畦可當萬戶之祿寒露既零雄風亦高率婦子以刈鉅憂
氣候之蹉跎來軋去轂如亂蟻之潰垤千困萬庾若急雨
之漚長河爰滌我場其樂孔多有門外之黃鸝玄隼與沙
際之綠鳧白鷺收霜菜以爲菹釀雪米以爲醪社長不見
呼縣官不見科喜豐年之無價感

聖化而謳歌嗟夫飢者

帝食之寒者

帝衣之居者

帝安之亂者

帝治之中統之深恩至元之厚惠民之思之庸有既乎矧我

皇上繼

二祖之洪烈紹

六世之宏基明侔乎兩曜令信乎四時惠顧下土載謀載惟謂
一農不遂其畊則四民或受其飢傷我畜者虎狼害我苗
者鹿麋每歲孟春親御六飛南臨漫衍大獵乎漸水之涓
萬騎分馳靈奮颺發弦鳴禽落網動獸蹶百鷲舉層雲裂

群獒奔葳草絕飛者委毛走者僵血虞衡奏功

天子乃悅匪耽意于遊畋將講武以蒐閱畢獻禽而行賞迴翠
華而北轍遂幸上都避暑于朔慮牧畜之妨農逐水草于
廣莫雲媽以南旣芟旣穫徐擁輿衛母俾民虐千官領至
羣樂大作

天子之心爲民而樂弥畿甸之千里悉扈駕之部落維牛維羊
維馬維駱貧民以百計富者以千約民之五雞二彘何違

邈哉由是慶區宇之昇平彰穹昊之明貺嚴

聖心之翼翼爰潔備乎祀饗道流閭南北之音釋子雜蕃漢之狀步虛而歎鸞鶴演樂而供獅象穆穆在前赫赫在上非沉非甲而在乎明德之馨香於戲

列祖造之

聖主保之賢臣佐之兆民好之

上帝無私善必報之故詩以太平爲萬年書以皇極爲五福天人相與之際殊無奇術異道也猗歟盛哉大都之事何可勝紀吾綱提而領挈之使爾啟聾而聽刮盲而視嘗鄙夫二都之賦蟲魚草木何大瑣細吾若效之將與子談三月而不止客曰然醴人誇釀酒人誇釀毋怪乎當時之士好鼓舌而搖唇古我帝王自冀至洛惟以都名漢唐東西因以方名吳蜀魏汴咸以地名今名以大誇孰甚焉主人變乎色曰爾言過矣豈謂鳩之翮而猶鵬之翮蚶之鱗亦猶

龍之鱗耶大之爲義無匹無倫非我

皇上之疇克當之汝復坐而聽吾所云帝不爭土王始制地始爲萬國終焉七氏畿封之內會盟戰誓自君自長何有于天子厥後能統一者秦漢晉隋唐而已西至乎玉關東至乎遼水北至乎幽陵南至乎交趾得縱者夫橫有此者無彼大哉

天朝萬古一時淥江成血唐不能師今我吏之遼陽高麗銀城如鐵宋不能窺今我臣之回鶻河西漢立銅柱馬無南蹄今我置府交占雲黎秦築長城土止北陲今我故境陰山仇池缺舌螺髮鰲面雕題獻葵效馬貢象進犀絡繹乎國門之道不出戶而八蠻九夷謂之大都不亦宜乎客曰博哉子之所言上周乎乾下括乎坤故能獨高萬古而號曰大元于是主人曰未也爾知其大未知其所以大是猶遠望巨峯而不見其址近覩長江而不見其源吳起不以西河爲

美而德其美妻敬不以洛陽爲安而德是安况魏魏蕩蕩之境宇必有強其本而壯其根者也且夫陳主歸隋周王入秦山陽祖送萬古悲辛惟我

國家待降以賓藐江南之趙孤能納土而祿臣既寵之以封爵復全之以終身彼南巢之放猶有慙于古人孰大乎吾

天子之仁元封殫力西南之墟貞觀暴骨東南之土一人逞欲萬姓何苦惟我

國家止戈爲武謂荒裔之民得之不利于用謂贅疣之地取之不益于富罷橫海之戈船但遣使而存撫彼有苗之誓猶且蹀于師旅孰大乎吾

天子之恕羽林象天之儀衛梨園傳月之音樂帝皆是却不警不蹕從百僚之控鶴何其然也舜德之大臨下簡也江都錦綉亦可報也織坊爛霞之金綉局委雲之茸

帝不是用以彰美吾聖躬何其然也周德之大在位儉也商臺玉衣亦可念也惟我

聖皇五輅不乘八鸞不駕雨則獨乘象輿霽則親御龍馬何其然也念我

烈祖鐵衣雨汗弗敢安也神禹之大胼胝四載思艱難也惟我聖皇奉

坤母建隆福正事御構五華宮不爲廣殿不爲奢何其然也念我

先皇居數十年弗敢改也唐堯之大土階三尺防驕泰也若乃國之大寶惟忠惟亮

聖皇思之是崇是尚可官也不以勲門不以世賞可擢也或賈或術或伶或匠開東閣者載搜載訪寧不起膠鬲于魚鹽拔百里于廝養國之大鑑惟

天惟

祖

聖皇奉之是惕是懼瞻慧象則宥刑聞水旱則蠲賦百官貢香

如

帝親舉祇見

宗廟俎豆鍾鼓弥天浮屠浩不可數普閱法藏幣帛金楮
變陰陽者載佐載助寧不觀景星而瞻慶雲酌醴泉而飲
甘露國之大柄惟賞惟刑

聖皇操之是重是輕或錫之黃白予之土田而賜之服乘非必
大功也以一技一善亦人之所能或釋之桎梏免之斧鑕
而周之金縢非必大惡也以一刑一氣亦人之所生掌邦
典者持權而視衡寧不陋敵袴之韓侯隘不赦之孔明國
之大本惟民惟社

聖皇憂之靡夙靡夜勞矣哉遣問疾苦困矣哉詔卹矜寡庶獄
繁哉宥之以洗冤貪未毒哉戮之以懲下居郡國者承流
而宣化寧不歌康衢之謠播行葦之雅至若親親也則諸
王鞏磐石之宗分邊戍總兵戎老老也則大臣忘祖帳之
送奉朝請食鼎鐘柔遠也至簡至易亶明亶聰大綱既舉
大化亦洪將胥慕于稷契孰肯附于鯀共丕顯哉

聖皇之德日盛日隆前乎百世不得軋其步後乎百世不得踵
其蹤惟其有

大德之大故能成

大元之功惟其有

大元之大故能成

大都之雄客曰問一得三云胡不喜維茲三代孰得而比
主人曰詩不云乎維其有之是以似之夫元者天地之苞
也德者天地之美也都者天地之會也微天地之大孰能
比于此哉客起而歌曰天其玄兮地其黃兮維此
大都統萬方兮天其生兮地其遼兮維此

大德圓萬類兮天其高兮地其厚兮維此

大元齊

萬壽兮恭望

闕庭頓拜舞蹈而退

登太白山賦

西白釋 希陵


伊天地幹乎周流之妙凝爲山岳以峭巍基甫東之絕域鎮坤
軸之傾危煒標名于太白迺屏翰于王畿龍從齊乎衡嶠岬岊
配乎九疑懦夫仰窺而神悚智者涉險而討竒懷曠遠而感興
時晚晚以焉追浚中情之孤潔仰先哲而遯肥超埃塵于物表
世酣昏而不知攀翠巘之峯嶺躡青磴之嶽嶽蹇樛葛之綿綿
歌南風而廣綏擘蓼莪之菁菁嘆劬勞而遠思顧商墟之麥秀
閔周室之黍離埃壤而骨委貞良榛路而魂埋嫵姿野狐嗥而
雪暝飢鳶搏而風淒恍焉在目寧不我悲南望則地連台嶽或

停之如鸞潛之如鳩灌莽雜而杳杳叢薄紛而披披曇猷飛錫
而揮霍玉喬控鶴而離機滄霞彤壁餌玉青崖或幽或隱沙煙
濛迷東極則勢臨瀛渤或風濤澎湃海若躡踞窮陬越日本難
林之闕賈舶運珠而載犀鬣背屹圓嶠方壺之勝通仙絕粒而
茹芝巨石澆澆之灑灑洪波瀾瀾之渺渺青鱗跳鱗青鮪揚鬣
馬御彷彿天吳閃屍狀如走獸或似奔攫竒竒詭詭不可考稽
塗泥鹵而弗獲民漁鹽而貨孽千艘萬檣捕風駛馳登高望遠
使人心疲上觀靈湫之盛沸泉脉驚盈而忽虧鱗龍躍浪以蜿
蜒或出顯而入微電躡雲搖雷激電飛下闕佛宮之煒麗炳乎
觀史之騰輝隆棟黻鷁而聳動飛楫獸鬼而蹲踞銅虬遶楹彩
鳳翬楣鏗鯨代鼉音韻昂低集義袍之濟濟振金策之儀儀天
人駿走神物衛威實聖賢之所都匪凡俗之敢窺春陽則萬木
叢生蔥蘢歲蕤異花披馥幽蘭芳菲巢林翠羽出谷黃鸝嚶嚶
闕闕翔翔岐岐夏日流金松風彈絲音盈耳而冷冷文溢目而

微微抗手伯牙絕聽鍾期枕流漱石忼慨忘歸秋霜脫葉何草
不萎木魅畫驚山鼉夜啼豐縱蚺啖妖媚冶夷天慘慘而壯士
增憤風颼颼而游子悽羈玄冬凝沍雨雪霏霏光炯晃于瓊石
聲琮琤于琳枝月清藥闕鶴舞瑤池步蓬萊之靈女游洛浦之
宓妃垂環琨之的皜褊雜錯之琛縞詠來思之什哀黃竹之辭
皆山之通乎升降之氣合四序寒暑之推移予乃周覽既畢體
舒神怡駕混沌之游軌追烏有生之同嬉簸日月之雙丸眇天
地之一梯鵬鷗自樂彭殤自齊不嫌盜跖不慕仲尼是吾吾是
非吾吾非熙熙宴大和之春色吾又何知乎牛首伏犧
天下同文前甲集卷第十六

Blank manuscript page with vertical lines.

Blank manuscript page with vertical lines.




國家圖書館, NATIONAL CENTRAL LIBRARY, TAIWAN, R.O.C.

Vertical text on the left margin, likely a page or chapter number.

Vertical text on the right margin, likely a page or chapter number.

Blank manuscript page with vertical lines.

Blank manuscript page with vertical lines.



國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.



天
一
百
五
十
四
號
四
一
四

天下同文前甲集卷第十九
書

寄康軍國書

疎齋盧 擊 處道

十一月十有一日山中人盧莘頓首再拜上記

辯章軍國相公閣下自閣下高揖端右擊即欲專介奏尺牘為
賀願以職在列郡屬吏限域違絕懼獲僭踰之罪作而復輟者
數矣受代後僑寓僻左徒悃歎鬱積竟未能徹左右疎慢之責
諒閣下有以恕之伏惟吾相鍾乾坤之奇氣負天人之粹學年
未四十位極人臣得時行道衆所屬望而培風九萬六月以息
海內搢紳先生賢有識者莫不昌言懲聽抗慨嘆息以為閣下
進退之際雍容愷樂作止造次動諧槩獲信乎其為中流砥柱
近古所謂社稷大臣者矣矧如擊者每在知舊其鄉慕為何如
擊滿河南遂來登封登封者邑崧高之麓李唐世則擊遠祖大

誅徵君今盧川距東郭一舍而近徵君宅遺址猶存曰盧巖者徵君讀書授徒處也其所以姓是巖若川者皆以大諫故拾遺李君渤退之所謂景星鳳凰者宋劉秘監伯壽金季馮叔獻雷希顏元裕之諸人皆徜徉其中地素多釋老所廬占幽勝而極清深摯時時從以學者五六人精舍閑館隨所之適無非樂境諸生橫經就列至于羽流禪客輩亦于于然而來環立拱聽跂跂然有趨步名教意崧民咸謂馮雷而往聲金振玉絕響巖壑久矣不圖今日復見斯文茲山之靈與有榮耀雖然崧民豈真知言哉摯曷能步武馮雷也抑摯之寓于是其聞吾相之風而興者非耶其亦揣分揆力摯有不得不然者也起居之時而適也須用之簡而給也息物役也種學殖也悅寬閑而恬寂寞也揣分揆力不敢冒昧徼覲自同闔葺以獲譏吾相者也摯既放閑山水間得日從事文墨淫繹宿習涉秋至今近彙詩文索之几格間得廿餘篇非敢儕擬古著書立言者抽思自娛其庶幾拜

為潭學聘姚江村書

踈齋盧摯處道

大德四年歲舍庚子冬十一月七日後學涿郡盧摯頓首載拜奉書 江村先生執事摯由諸生承乏侍從遂叨持憲節膺一道之寄始來湘中竊伏惟念材能謏薄無所肖似既眠印省俗謂先聖校官誠不自揆力揆分蓋常以蜀之文翁閩之常袞自詭庶幾無負

國家委任部使者勉勵宣明之意而潭學素號多士志于殖學藝文不翫流俗篤好古道者莫不踴躍操觚挈牘咀英蘄

嗽芳潤以求理義之指歸辭學之統緒是正其所未至而難其
人不惟逢掖諸生之所拳拳至于搢紳處士願欲喜樂者林林
然臺臺焉亦莫不以得師取友爲務爲言者皆是也摯是時爲
言江村先生之賢向也得其人于文字中前歲使過筠亦嘗觀
道德聽言論于頃臾之頃迄今耿耿不能忘也蓋先生之文先
秦西漢之文而有得于洙泗濂洛之傳本六籍而支三傳左右
以羣史諸子者也其淵粹博瞻當與王介甫曾子固頡頏至于
近代葉適洪咨夔劉克莊諸人則瞠若乎其後塵也摯知先生
者如此摯也言之潭之搢紳逢掖然之居無何摯以不習風土
得疾在告瀕于危殆者屢矣移病歸田之章至于數四竟未得
請迨秋冬之交方稍稍向平前月初吉爰舉釋菜之典文學諸
君遂復有絳帳江村之請卽輿議往司講黎生季方飭禮幣以
東若夫弟子事師之勤具于別幅俾不肖者尺牘先焉惟先生
慨然而來嘉惠學徒使如摯者亦時時遺跡衿佩之末以樞衣

函文日間所未聞見所未見湖湘之間文風丕變不惟此邦盛
事使楚越列郡亦皆靡然知所興起異時摯獲附驥尾有光汗
青之編果可以儕蜀文匹閩衮者實昉于先生豈不偉歟或者
有謂先生作止語默之間靜重不苟雖摯與諸生所以向慕依
託者出于悽悽之誠迺輕于然諾不于再于三然後命駕則師
道不尊或微辭婉意以自諉則摯竊謂先生必不然矣蓋見義
勇爲樂與人爲善實虛焉有無焉摯知先生者如此若夫握瑜
懷瑾以自珍佩蘭襲芳以自潔珍則珍矣清則清矣異乎時中
者矣先生必不然矣惟先生亮之

天下同文前甲集卷十九

天下同文前甲集卷二十

書

函文日聞所未聞見所未見湖湘之間文風丕變不惟此邦盛事使楚越列郡亦皆靡然知所興起異時摯獲附驥尾有光汗青之編果可以儕蜀文匹閩袞者實昉于先生豈不偉歟或者有謂先生作止語默之間靜重不苟雖摯與諸生所以向慕依託者出于悽悽之誠迺輕于然諾不于再于三然後命駕則師道不尊或微辭婉意以自諉則摯竊謂先生必不然矣蓋見義勇爲樂與人爲善實虛焉有無焉摯知先生者如此若夫握瑜懷瑾以自珍佩蘭襲芳以自潔珍則珍矣清則清矣異乎時中者矣先生必不然矣惟先生亮之

天下同文前甲集卷十九

天下同文前甲集卷二十

書

江村姚 雲

雲承手記教督切至文義爾雅曠若復面不異結駟過門耳提之也焜耀側陋之望拜命之辱然不肖承賢則義有隱於懷者用竭誠款竊自通于左右惟長沙望衡浸湘秀毓異產士涵煦儒澤爲碩人元夫服忠信殉節義者具如史

上稽古右文柔遠明公勞使從而使之既讀

命奉職慨然懷古良吏庶幾往欽禮樂華遠之指迺筮吉皮弁祭菜教以禮敬諸生奔走擯相得未嘗有甚感甚休又謂教民由學心立之師固宜旅耆俊植經師如常于闕詹韓于潮德王于鄭醇始稱尊異今勤行禮讓書具幣涉江越楚獨先一條簣之叟得毋譁嘲怪玷初筮乎往年鄭華子之使傾蓋頌史語耳其壘蔽樸愚已不自揜是年冬得篤疾日口血不乾如是三月不死亟絕人事屏書冊收易營魄而神明異于昔矣及今見壺

子者未必不返走也搢紳先生思其盛壯猶以爲可教重席束帛而求之期以往哲講學之益甚矣君子樂善而成美也畫龍市駿感厲隱約自有當其招而往者而僕非其人也况師道廢而名不可居也久矣有若代席致辱鄒與任道蒙惠况季世齟生之鮮聞者乎絳帳之謂尤重其循牆揜耳而不敢唯唯也昔魏侯致隱士祿萬國人歌其恭敬猶有踰牆而避者屈穀獻瓠嘲居士之辱不可割堅不可威徒仰人而食蓋有用之爲無用名浮而實不隨者君子諱之愚瞽冒而弗忘不可也若明公逆其微辭婉讓又甚不然矣然僕徘徊而未忍自絕者亦復思惟海內知己如明公者幾見撰履羸糧不遠千里疏達凝滯固素所蓄積也今英蕩之光七百里之近無遯洄涉阻之艱人生幾何會合弥重寧以老病疏乎劉夢得嘗言蘇味道爲綉衣使者宋廣平投梅花賦由是延譽爲聞人先後進相須理也或疑廣平大雅不應至此石處士得書幣不告妻子朋友逮于就道韓

子譏之二賢所行皆非僕所敢從者亦非明公之所以望我者也丈夫感知己一諾必償于再于三敢以煩執事哉伏惟明公以者儒真學士居孔融李膺之任誕敷文教使南服知孔道與

王化遠邇聞風而興不待期月可也奚取于朽敝之器來教侈于褒寵厚于望待恐翔而舞者滋去人遠也然盛意敢不拜竊有近比昔元晦自閩入湘訪欽夫談辯踰月今尚在長老之耳僕視前修猶泰山一垤無足比數而明公文學師表當代則或踰于欽夫者矣此猶願密邇攻擊者也春服既成其自詣龍門之期乎既見君子樂且有儀王倪之不答盧敖之舉臂孫阮之交嘯皆道也未既于言者副墨具之惟執事亮察而已

答潭學教授書

江村姚雲

教授徵君足下惟近世箋記鱗幅而異列所以交于貴且長者

非野人宜蒙于時賢者也以簡居敬用復于左右幸執事察之南國介藩惟長沙定陶之考討逆之義譙愍之節炳然殺青巍巍然融廩峙其專門道義之緒盟府敵愾之勲又融廩不得當其奇也豪傑無文猶興部使者布宣

上指察俗弘化烝其髦士于博士文學執事諸賢特膺斯選夫以成均之宿彥獻宣之象賢淵源敷于教思薰而化者可睹已唐宋五百載岳麓甲四書院為孔教權輿今文化陶海內深復始湘無疑聲教覃流氣類興起四方孫篋吾衰獨後耳不謂謙光遠昭手畢專士儷幣申之好辭若不翅敵敬者豈使者嘗欺之耶主臣主臣始僕由科舉玷科目既墮乘微學殖益落年來湛伏農牧消削白日應俗云云類迫而後應或嗜其鄙拙因謂近古何可使子布見之憲使先生身通文獻之統獻納禁近諮詢原隰汲汲得賢明道之寄曾八九雲夢不蔓芥猶不遺葑菲者良梓收瘿木富賈居燕石使名附家集如杜醇焦千之輩耳

豈謂其誠有絕人者哉諸公信郭許之鑿略嫫媧之醜即欲引而進之前哲之道若庶幾粗有益于講習者豈自附于問襄從郟不厭不倦之義乎何陳誼之高也味其言愈益恫于懷者五季幅裂人文庀舛穉呂蘇尹數子取古文于蠹篋而補葺壞爛歐陽復大倡之晦蝕始明蓋出乎其類者也或人以儼長公猶正色誚其失言乃喻于蘇合于蜨丸乎方今舒翹侍從之臣辭命絢寓縣爾雅一代之典彼草趨露歌何裨風霆哉况立師之名雖壓以孟韓大賢猶懼不能服議者之口進瑣尾于龍門不暴腮折鬢者寡矣豈可槩世無知言者哉此僕所以芒負汗浼而不敢承者也雖然少讀朱張酌倡之作慊然想見衡湘之秀以不得及淹中稷下之門也幸部使者不忘遠謂之進而不進是褻命也岳君湘靈奇秀迫目而不見是自蔽也自蔽陋也褻命奸也敢微二過拜命之辱束帛扉屨資則疑于無處之餽古人一雞黍期千里豈必行贖僕于踈翁神交久矣不忍一牛車

耶肅使介以幣返士者曰吾師之命我有辭矣若心卻之是委貶于野肆也其何辭復于公所頓首否否反復惟念乃竊取受殮返錦之義而受貶焉其幣金視諸故府惟大賢察其誠歎使得從容辭受之中則走也受賜多矣是亦君子愛人以德之意也意遠辭偏惟執事亮之

天下同文前甲集卷第二十

天下同文前甲集卷第二十一

書

答劉英伯書

須溪劉辰翁會孟

辱贄書卷卷自清溪陳君來自是每見清溪輒愧愧不能報于是踰年又二月矣非獨藥冗客冗顧亦欲致君一來或勝報書

耶肅使介以幣返士者曰吾師之命我有辭矣若心卻之是委
貶于野肆也其何辭復于公所頓首否否反復惟念乃竊取受
殮返錦之義而受貶焉其幣金視諸故府惟大賢察其誠歎使
得從容辭受之中則走也受賜多矣是亦君子愛人以德之意
也意遠辭偏惟執事亮之

天下同文前甲集卷第二十

天下同文前甲集卷第二十一
書

答劉英伯書

須溪劉 辰翁 會孟

辱贄書卷卷自清溪陳君來自是每見清溪輒愧愧不能報于
是踰年又二月矣非獨藥冗客冗顧亦欲致君一來或勝報書

云云耳而聞論教興國恐論久不復可望清溪歸並草草圖之
英伯高才妙年又雅致絕俗者好不倦不惟文古字又古蓋得
書三過讀讀罷急欲識英伯極談而異邑相望懷抱如塞非甚
相愛則不敢言凡文必成章自孟子莊子皆成章之文也故其
辯博反覆必自極其意不極亦不容釋然每章千累百而止而
力常有餘若大篇江河雜以風波起伏竭人情之所欲言窮事
勢之所必至則秦漢與諸名家合辯賦而為一人又非區區耳
辭令應對敘述閒比也如此而又不達則不達矣今人高韓文
亦其自稱道特甚在唐人衆多中最甚達若循其意之所欲言
言適盡意亦不過如時文止耳閒有數字數句費人講說及得
其用意槩不得不爾又非如子雲輩數數可厭為遁辭為蔽意
終亦不得為奇耳然亦未得如歐蘇歐蘇坦然如肺肝相示其
極無不可誦回思宋初時用意為古文者與同時負學問自為
家者欲一篇想像不可得近耳如葉水心洪容齋愈榛塞矣文

猶樂也若累句換字讀之如斷弦失譜或急不暇春容或緩不
復收拾胷中嘗有咽咽不自宣者何為聽之哉柳子厚黃魯直
說文最工行文最澁三百篇情性皆得之容易如駕言出遊以
寫我憂知我如此不如無生道之云遠曷云能來雖婦人自道
亦能此而不朽亦以此若皆如慟兮慟兮實所未喻况首尾聯
複不自厭如左傳所謂艱難其心而有名章徹豈不悲哉願英
伯從是一掃削去若百行中有十行是能自喻處快讀一過亦
足以不負白日矣曩在場屋時欲令考官憤憤中警發况千載
而下求其文者知其心非明白痛快何以哉此自英伯所易直
過之耳尚有一恨恨英伯好奇字六經自劉歆傳寫外無一難
字豈可謂無奇哉舊見魏鶴山取篆字施之行書常笑其自苦
無益近年如楊慈湖畫心字文本心畫雲字在邯鄲匍匐中曲
折愈不相似自書學以來鍾王眉目可喜何嘗顛倒橫豎自不
可及若如彼所自為于字體則謬于經傳則乖不知何所取也

三十前見文宋瑞取古文集墓誌行狀當時雖不能讀心甚異之後見石經本方悟何物杜撰而晁公武輩不知也必欲字字爲異亦難必欲字字篆就亦難放篆文作今體爲古書易不易于不于竹簡乎科斗乎秦隸人無識不至此也蓋世有狂道人喜爲左字彼見篆體一二如焮如味遂欲壹施之使見者駭以爲異甚可笑也聞北方蒙古寫通鑑黨識之乎即用此古六經何不可者作文作字皆一種意見亮好古甚以爲賢于不好者然不若不好也豈有英伯記問洋溢奇字填胷顧能彼不能此每有來者皆俗子得清溪又得英伯誠所願以老者故復復出此欲言豈此而止短紙行筆素不喜作小字牽強殊未傾倒便舟過我作數日客并進所聞唐突見絕未可知惟卷卷如此不宣備

天下同文前甲集卷第二十一

天下同文前甲集卷第二十二

啟

謝翰林徐承旨啟

睢陽滕斌

青雲薦牘深慚國士之知白首文盟敬致門生之謝心難詞繁
骨已恩糜恭惟某官東道主人南州高士清時事業固當仲伊
傳而伯夔龍上古文章直可僕曹劉而奴屈宋四海想聞其風
采羣公傾動于儀刑生平無不讀之書行成矩矱習次皆可傳
之學道貫因微駁歷

兩朝雍容一節是以首居東閣蔚昭年德之高清極北扉獨受
絲綸之密泰山黃河其器量光風霽月其襟期國學諸公環侍
文公之館下當代名士願歸狄相之籠中真能公吾道之權衡
不啻司人才之命脉斌階庭舊物塵土餘生賈誼方肆于文才

諸老或忌其少阮生稍寬于禮法衆人已謂之狂念艱難險阻之備嘗乃崎嶇歷落之可笑中達刮目曲見盛心如切如磋乃師友起予必躬必親而父兄教我既見未既見已不忍其傍門戶之栖栖特書不一書直欲俟之逐臺省之衮衮雖內翰之愛方叔未收一日之成然相國之舉淮陰終致累月之達漫尋仕版方倚都門適乘衰鷄之章遠得重馬之價素銓者常牽于常調當軸者確信于公言遂玷儒林獲登吏選倍十顏面之甲非所宜蒙再三誦讀之盟敢忘所自斌敢不勉修士業益勵身修下不負所學上不負所知或可扶斯文之微竊則觀其交達則觀其主朝無辱先生之門

謝育山黃提舉啓

須溪劉辰翁會孟

公御久不下士可謂輕先才能不違中人頗堪聞上獨安取此亦使知之公求士甚于士求公上援下不以下援上何汙而爲

之先耳何嫌而至于絕交彼將不屑以爲名我乃無言而不報但存交際亦是風流如某者枯木朽株死灰復溺文好文景好老已不如人公不公孔不丘又何有我同年四海足下家君相結淺而相知深其身死而其言立父爲九州伯兒爲五湖長光遠有它上有百尺絲下有千歲苓黃綠無路建臺三四月薦士第一人豈曰秦無特從隗始棲輪生角固知推輓之不前繫帶還珠愈覺綢繆之無益蓋伏遇某官英年妙選雅望高情不倒屣于鴈門守而倒屣于王潛夫激揚甚遠未下車則荀慈明既下車則孔文舉講貫已多肆先鸚表之翔又重鶴書之墮然而近觀所主稱匪其人雖大夫薦不聞與之大夫自無過慮國士遇則當報以國士未知所爲

天下同文前甲集卷第二十二

天下同文前甲集卷第二十三

牒

移嶺北湖南道肅政廉訪司乞致仕牒

疎齋盧 摯 處道

當職伏自去歲到任未幾感觸風寒宿疾發動病態叢集
實慮難勝職任具呈江南諸道行御史臺及移文貴司備
申憲臺以求醫歸田爲請者屢矣亦已疊奉臺檄不蒙准
申自惟遲悞闔茸重以疾病支離猥荷矜存揣已揆分何
以得此慚悚之餘徒有策勵疲駑黽勉朝夕顧雖涓流塵
坳無益崇深而庶幾圖報萬分之一者似亦不可栖遲冥
默寂然遂已也自爾以來力疾治事又經八九箇月終是
大病之後精力難于平復飲啖無味不食自飽皮膚跋慢
不能克實兀坐少頃已復昏睡今方首夏尚未炎熱腠理
不密動輒自汗南土氣候不常時或風雨稍覺涼冷衆皆

締綌已獨衣袂衆皆衣袂已獨挾纊但遇陰晦腿膝注腿
步履蹒跚目視昏近兩耳重聽心思憤憤事多遺忘當職
年雖未及六十其衰悴癯老之狀雖年踰七十者未必至
此欲望憲臺許准致仕養痾山藪別選賢能以代其處公
私之間俱爲便益雖古者大夫七十致政卻緣禮經所載
四十始仕摯在稚幼特蒙

世祖皇帝

天地大造教育作成年及弱冠疵賤姓名已登仕版

今上皇帝

嗣登寶位圖任舊人以摯遭際

先朝服勤

帷幄多歷年所擢置侍從居無幾何選任方岳敷歷中外
垂四十年儒者之榮至是極矣由是而言較之古者四十
始仕七十致仕者從政之年已過禮經所云者已數年矣

又近代熙豐間范蜀公鎮年六十四遂致仕而歸援以爲例彼以論事不合而歸摯以謝病得請而歸酌古準今何不可者雖摯于范鎮無能役欽惟

主上聖神武文遠追勛華尚何區區宋氏熙豐之君所敢擬倫而豈可使宋獨有六十四致仕之鎮而吾

堂

聖元獨無五十餘致仕之摯也又緣御史肅政俱爲風憲之司

肅清風俗

條格具在即允所請其爲風俗之助誠于大體有所關繫當職陳乞之言即非好奇矯俗蓋古有以退爲進飾讓鈞名者當職涉閱載籍即有此類每撫卷嗤笑以爲可恥今茲移文求醫致仕旣無規避又有故常欲望憲臺鑒其悃疑雖未年及因病有請縣車之典得從摯始實爲榮幸

天下同文前甲集卷第二十三



天下同文前甲集卷第二十四

狀

薦前河北河南道肅政廉訪副使任乞僧狀

踈齋盧摯處道

前河南府路總管盧摯謹呈摯起身素士拙于自謀滿代來寄
跡民伍摺紳縫掖緇黃芻蕘還往無擇側聽輿議多謂前河北
河南道肅政廉訪副使任乞僧職御使日廉悍果銳臨事蹇諤
不撓勢權及貳憲一道監臨相衛郡縣畏服部內清整至于發
廩振民之類誠得古人奉使大體聲稱翕然昭徹中外由來已
久向以婚媾之間因循註誤獲譴秋官屏跡田里屢閱歲朔有
如本官材局器幹言論風采足為能臣中遭沉廢誠為可惜與
議如此摯復援以平素涉閱載籍之所記者摯發懷抱敘列簡

牘以千聽覽蓋間榘柙合抱適梁柱之用雖蠹敗寸咫樗櫟不
足以竝其材大圭拱璧有瓌璋之質雖瑕類芥粒砥硃冒能廁
其寶斯固梓匠之異選玉人所必致也夫馬或奔踈而致千里
士或有負俗之累而立功名斯言豈徒也哉昔吳起貪淫積忍
殺妻以求將魯君疑起不用魏文侯得李克之言以起為將守
西河而秦不敢東兵漢高帝以陳平為都尉典護軍有謂平居
家時盜其嫂典護多受諸將金高帝疑之魏無知以盜嫂受金
不足疑奇計誠足利國家為解高帝益厚賞平以為護軍中尉
盡護諸軍資其策畫間弱霸楚張敖為京兆尹禁姦顯善明于
賞罰任職為久坐黨累當免黜吏知而犯敖敖收殺之會使者
覆獄劾敖賊殺不辜宣帝薄其罪免為庶人居無幾思敖功效
徵拜冀州刺史卒獲其用王公仲所謂非私其人貪其材器有
益于公家也大抵自昔有國家者以才難之故揜垢藏疾求所
長捨所短以恢用人之度者多有此類不復歷舉今任使雖無

將起用兵之能乏相平謀臣之計其摧暴治劇方之敖尹亦豈
多讓而婚媾之誤惡豈比于殺妻醜未至于盜嫂較以賊殺不
辜罪孰輕重也伏望

公朝略寸咫之蠹而所用者材揜芥粒之瑕而所得者寶貸奔
踈于千里之足責功名于負俗之累深惟魏侯用李克之言將
猜忍貪淫之起以致卻秦之功漢高善無知之對厚盜嫂受金
之平卒收間楚之利宣帝薄京兆之罪貪材器有益于公家者
起任使而屬委之豈惟本官獲滌洗拔擢于隆寬盛明之世砥
礪自新趨赴事功以遂報效其于補助

公朝選材補過之義似亦不無萬分之一也山林薄朽方以教
讀鄉校為業借踰章薦竊伏兢慚雖然經據古道鄉校之議執
政者有取焉摯放閑頗久樸野滋甚徒泥古陳 不知忌諱輕
瀆峻清伏惟裁擇

臺薦御史蕭泰登狀

江南諸道行御史臺監察御史嘗謂風憲不難用人而難于稱職大槩糾姦治邪在不失于大體潔身修行而後可以正人竊見廣西道廉訪司簽事蕭奉訓詩禮名家簪纓後裔年妙而識老學飽而材優始由湖南儒學提舉除充廣東按察簽司風采振揚姦邪畏避實迹昭著廉聲播傳遭值例革閑居京師奉命安南不辱

國命繼除連州知州復任江西儒學提舉士譽翕然儒風大整就任改除今職未及半年糾停象州路達魯花赤等官一十二員斷革官吏四百餘員平反冤滯數起所至聞風震懾近者臺委追問海南宣慰使都元帥薛徹于不法不公事亦非小本官首去其爪牙面折其權勢親閱案牘推究事情致使巨姦無所逃責于是要荒之外煙瘴之鄉屈者獲伸冤者得釋官府知奉法之嚴風憲藹得人之譽緣本官廉足以服衆明足以燭姦剛果敢爲智勇無避善剴繁而治劇不吐剛而如柔允爲良材實稱乃職若使久淹邊遠不能盡展施爲如蒙權置近裏道分唯復兩臺監察內任用誠爲相應然此合行具呈天下同文前甲集卷第二十四

天下同文前甲集卷第二十五

議

社稷壇議至元二十五年八月

朝請大夫浙東海右道肅政廉訪分司監治官王

社稷起于上古祀共工氏之子句龍爲社厲山氏之子柱爲稷至商湯因旱遷柱以周棄代之成周之制天子立五社諸侯三社皆以句龍配社周棄配稷社壇在東稷壇在西天子用大牢諸侯用少牢皆黝色幣用黑日用甲王服絺冕樂用大簇歌應

材實稱乃職若使久淹邊遠不能盡展施爲如蒙擢置近裏道
分唯復 兩臺監察內任用誠爲相應然此合行具呈
天下同文前甲集卷第二十四

天下同文前甲集卷第二十五

議

社稷壇議至元二十五年八月

朝請大夫浙東海右道肅政廉訪分司監治官王

社稷起于上古祀共工氏之子勾龍爲社厲山氏之子柱爲稷
至商湯因旱遷柱以周棄代之成周之制天子立五社諸侯三
社皆以勾龍配社周棄配稷社壇在東稷壇在西天子用大牢
諸侯用少牢皆黝色幣用黑日用甲王服絺冕樂用大簇歌應



鐘舞咸池用三獻後漢建武立大社稷二月八月及臘日一歲
三祠皆用大牢郡縣置社稷太守令長侍祠魏立二社一稷梁
以二十五家為社春秋祠水旱禱祈祠隋開皇初用戊日至唐
社以勾龍配稷以后土配亡宋因唐舊制社壇廣五尺高四尺
以五色土為之稷壇在西如社之制社以石為主形如鍾長五
尺方二尺刻其上象天方其下象地理其半于地其垣飾以方
色屋用三門四十戟其中植槐元符二年郡縣社稷壇社方二
丈五尺高三尺四出陛主長二尺五寸方一尺餘如舊制一壇
二十五步紹興式社以后土勾龍氏配稷以后稷氏配先儒之
說謂社稷皆土祇有生育之功勾龍周棄能平水土故用為后
土及田正之神又曰社為土地之神稷為五穀之神故報而祭
之祭法當依漢唐制郡縣各用羊一豕一先瘞血首餘以骨體
薦黑幣二樽二邊豆各八簋簋各一俎八每歲仲春仲秋戊日
黎明郡縣官各三獻以公服行事執事者無所考舊以吏佐討

論如此打畫圖壇行禮節次抄連在前請更為參究合宜行下
郡縣依上施行

天下同文前甲集卷第二十五

天下同文前甲集卷第二十六

說

角觝說

至元十七年作寄崔左丞

廣平王 德淵

余幼從先大夫寓居磁州磁有崔府君祠歲以十月十日社四
方樂藝畢來獻其能而以角觝之戲殿角觝中復擇其勇且黠
者殿號曰首對當時眾人指在東者一人相語曰此人前年獲
勝于泰安廟下去年獲勝于曲陽廟下今日又將勝矣乎有老

論如此打畫圖壇行禮節次抄連在前請更爲參究合宜行下
郡縣依上施行

天下同文前甲集卷第二十五

天下同文前甲集卷第二十六

說

角觝說

至元十七年作寄崔左丞

廣平王 德淵

余幼從先大夫寓居磁州磁有崔府君祠歲以十月十日社四方樂藝畢來獻其能而以角觝之戲殿角觝中復擇其勇且黠者殿號曰首對當時衆人指在東者一人相語曰此人前年獲勝于泰安廟下去年獲勝于曲陽廟下今日又將勝矣乎有老

者曰不然夫在東者恃其不資于人孤立無倚在西者自知不
敵徧賂于同場百執事衆方嫉在東者之能甘在西者之賂聚
爲議論矣今日勝負未可涯也已而臂攘手交東者進則衆比
而止之退則衆喜而待之西者進則衆和而應之退則操而救
之離而復合者五六竟中分購財而罷噫在東者雖稱勇黠其
能勝在西者衆人之議論衆人之救應乎傳曰常勝之家難與
料敵諺曰狼獾不及犬衆子時旁觀握汗甚爲孤立者凜凜也
暇日偶然記之作角觝說

魯盜說

至元二十二年作時盧右丞初執政

廣平王 德淵

魯有盜方其姓者工穴垣脫赦更名遷居于曹僦賈肆而業怡
聲偃體口不二價一日懸楮幣二千于門曰何人所遺吾拾之
于路待主求訪而還之耳如是月餘而主不至乃易爲畸零散

之丐者曹人初不識而皆賢之魯人聞而議之曰殆將改過遷
善已乎君子曰不然改過遷善者平行而達不求人知今乃驟
爲要譽不近人情之事以自標異于前是必作手法于後久之
官庫失物蹤及其門尉執之城中往保者近百人以為必無是
事既而羅掘得贓衆遂駭散王子曰此泚泚續者小盜欺一城
耳猶有欺天下之大盜焉宇文融拜相獻括田富國之說以結
主知李訓拜相首薦裴度令狐楚鄭覃以收士大夫之望王莽
拜相建言褒宗室給致仕官祿三分之一施恩鰥寡以收人心
當時天下望致太平終之姦計得施荼毒四海處女脫兔莫救
已然如魯盜者復何怪哉

天下同文前甲集卷第二十六

天下同文前甲集卷第二十七

之巧者曹人初不識而皆賢之魯人聞而議之曰殆將改過遷善已乎君子曰不然改過遷善者平行而達不求人知今乃驟爲要譽不近人情之事以自標異于前是必作手法于後久之官庫失物蹤及其門尉執之城中往保者近百人以為必無是事既而羅掘得贓衆遂駭散王子曰此泝泝續者小盜欺一城耳猶有欺天下之大盜焉宇文融拜相獻括田富國之說以結主知李訓拜相首薦裴度令狐楚鄭覃以收士大夫之望王莽拜相建言褒宗室給致仕官祿三分之一施恩鰥寡以收人心當時天下望致太平終之姦計得施荼毒四海處女脫兔莫救已然如魯盜者復何怪哉

天下同文前甲集卷第二十六

天下同文前甲集卷第二十七

說

李綸字說

牧菴姚燧端父

李明之以其子讓來見曰願易名而字之余思古之人生子三月而父名之避其在常語而難為諱者所以為它日為父計也故曲禮曰不以國不以日月不以山川不以隱疾而春秋傳亦曰不以官不以畜牲不以器幣讓也已父矣雖其名無國官日月山川隱疾畜牲器幣之犯而犯舉世人之常語使其子宜如何而諱于今哉亦觀夫治絲乎其緒之弱不大于秋豪之末力引銖錙則紛然而絕苟治而繩之則可以轉百鈞故曰王言如絲其出如綸言綸者比其類而合之也或曰青絲綬亦為綸為訓雖異其組織為服亦垂首千百而比其類為之也反而求之蓋人心之善微隱羞惡辭讓是非四者之端其始甚微其絲之緒乎學者為能體驗克廓之伎可以放四海塞兩間其比其類

之綸乎邵子曰人于心上起經綸士而知此始可語自治治人之道矣名以綸字曰治夫

天下同文前甲集卷第二十七

天下同文前甲集卷第二十八

贊

先聖像贊

趙集賢孟頫所貌 大德二年二月甲申後學

姚燧為李侯肅政新齋元讓盥手再拜以贊

憂世之志固見于不遑寧居樂天之心當求之恭安而舒從大夫之後而舍車弟子三千踴踴而獨超其相失鄭東門之初乎鷄鳴為善猶舜之徒耳順之年對越足圖窮朝以晡誦其詩讀其書于是新齋者其願學孔子之徒歟

之綸乎邵子曰人于心上起經綸士而知此始可語自治治人之道矣名以綸字曰治夫

天下同文前甲集卷第二十七

天下同文前甲集卷第二十八

贊

先聖像贊

趙集賢孟頫所貌 大德二年二月甲申後學

姚燧為李侯肅政新齋元讓盥手再拜以贊

憂世之志固見于不遑寧居樂天之心當求之恭安而舒從大夫之後而舍車弟子三千踴踴而獨超其相失鄭東門之初乎鷄鳴為善猶舜之徒耳順之年對越足圖窮朝以晡誦其詩讀其書于是新齋者其願學孔子之徒歟

先聖像贊四則

須溪劉辰翁會孟

六經未足孰爲夫子天尊地卑乾坤定矣
如岳之隆如日之威如川之不測周公未衰曷不觀此司寇衮
衣國不用儒以儒目之

岐山鳳逝西極麟來在陳去齊失鯉慟回匡人陽虎武叔桓魋
轍環迹削木壞山顏生懷殷真沒悼秦灰論其衰暮不見榮哀
孰知萬世國祀家陪孔林草木鬱鬱佳哉

六經萬世如日在天四時行焉百物生焉孰云軻死不得其傳

老子像贊

孔德之容唯道之從坦坦施施温温恭恭萬世之下復有一夫
子而後識其猶龍

病維摩贊

衆生皆病安得不病更欲何言視我塵柄

莊子像贊

無他變化有語皆囁何日花間作兩胡蝶

古心文山贊

此宋二忠如國亡何開卷熟視龍泉太阿塵蛻六合浴于天河
下視萬鬼腐爲蟻窠千秋遺像涕泗滂沱空餘後死作尹公他
天下同文前甲集卷第二十八

天下同文前甲集卷第二十九

贊

西溪贊

西溪公名博文字子冕宏裕有蘊中朝號稱厚
德其言論風旨學殖文采士論歸焉嘗五居監
司七至侍從揚歷餘卅年頃由禮部尚書大名

莊子像贊

無他變化有語皆囁何日花間作兩胡蝶

古心文山贊

此宋二忠如國古何開卷熟視龍泉太阿塵蛻六合浴于天河
下視萬鬼腐爲蟻窠千秋遺像涕泗滂沱空餘後死作尹公他
天下同文前甲集卷第二十八

天下同文前甲集卷第二十九

贊

西溪贊

西溪公名博文字子冕宏裕有蘊中朝號稱厚
德其言論風旨學殖文采士論歸焉嘗五居監
司七至侍從揚歷餘卅年頃由禮部尚書大名

總管爲御史中丞行臺江南云

踈齋盧摯處道

味道之腴儼然以居顧雖寓形喬松磐石之間而槁項黃馘者能如是乎求之古人將誰與俱其聞柳下惠之風而興者抑卓子康劉文饒之徒歟

朱誠甫贊

踈齋盧摯處道

氣剛以沉識遠而深奚藏諸內者矯矯而發乎外者悄悄昔冠惠文繩直于南移察天臺霜清柏森諤議抗章折巨姦而排孔壬方鳳鳴兮朝陽或振鬣仗馬之瘖贊幕江漢協謀官箴日聞旬宣如鼓瑟琴幅中蕭然朝市山林唯玉雪以自將非埃壒之可侵故貌君之德容者又當洞照其靈襟也

滕玉霄贊

似不似在阿堵同不同在裏許其落筆也如箕其出神也如杵其得于酒狂也爲劔俠而得于獨醒也爲處女固不得與二陸三豈不可與四夔五嗟乎使吾得而客之亦何至嘲子雲而責子羽也

天下同文前甲集卷第二十九

天下同文前甲集卷第三十

頌

似不似在阿堵同不同在裏許其落筆也如箕其出神也如杵
其得于酒狂也爲劔俠而得于獨醒也爲處女固不得與二陸
三豈不可與四夔五嗟乎使吾得而客之亦何至嘲子雲而責
子羽也

天下同文前甲集卷第二十九

天下同文前甲集卷第三十

頌



天下同文前甲集卷第三十一

箴

Blank columns for text in a traditional Chinese book format.



國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C

天下同文前甲集卷第三十二

銘

新儀銘

牧菴姚燧端父

舊儀昆侖六合包外經緯縱橫天常斜帶三辰內旋黃赤道交
其中四游俯仰鈞蕭凡今改爲皆析而異取其䟽明無窒于眎
四游兩軸二極是當南軸下貫赤道天常天常不搖則乾安靜
上鏤百刻及時初正赤道上載周列經星三百六十五度奇贏
紫微安加北極做戴穹然突出狀同倚蓋別置立運下履地平
錯勒干隅十二子名五環挈周文有八尺紫微等之三在一六
環之安三 負衡旋衡縱闕距隨振流遷欲知出地究茲立運
去極何即 游是問 赤重衡四弦末張上弦北軸移影相望
筭日用一推星兼二定距入宿雨候齊眎巍巍其高漠漠其遙
蕩蕩其大赫赫其昭孰曰無形而艱賸考明乎制器運掌有道

法簡而中用密不窮歷較古陳未與侔工猗歟
皇元發帝之蘊昇厥義和萬世其訓

釜儀銘

不可體形莫天大也無競維人仰釜載也六尺爲深廣自倍也
兼深廣倍挈釜兌也環鑿爲沼準以漑也辨方正位日子卦也
衡縮度中平斜再也斜起南極平釜鑿也小大必周入地畫也
始周寢斷寢極外也極入地深四十大也北九十一赤道斷也
列刻五十六時配也衡竿加卦坤內也以負縮竿本午對也
首旋機板竅納芥也上下懸直與鑿會也視日漏光何度在也
暘谷朝賓夕餞昧也寒暑發斂驗進退也薄蝕起自鑿生殺也
以避赫羲奪目害也南北之偏亦可槩也極淺十七林邑界也
黃道夏高人所戴也夏永冬短猶小差也深五十竒鐵勒塞也
黃道寢平冬盡晦也夏則不暮永短最也安渾宜夜所窮蓋也
六天之書言殊話也一儀之揆孰善悖也以指爲告無煩喙也

闇資以明疑者沛也智者是之膠者也古今巧歷不億輩也
非讓不爲思不逮也將闢天朕造物愛也其有俟然昭
聖代也泰山礪兮河如帶也黃金不磨悠悠賴也鬼神禁訶勿
銘壞也

座右銘

魯山臧 夢解

硬著脊梁

這脊梁鐵鑄成廣平骨汲黥身曾強項批領鱗肯折腰揖貴人
臺中評謂我傾我自我卿自卿

淨洗眼睛

這眼睛照膽鏡見誰家窮百姓取嗔誰姦貪佞看不差定定定
江月明秋水瑩本無垢洗更淨

牢踏脚跟

這脚跟如山立立得牢踏得實直道中拔不出倖門裏拽不入

持一正禦萬術不退轉堅固力

緊縛肚皮

這肚皮忍得飢衆肥甘我糠糜將軍腹寬十圍貪取敗脂燃臍
平生事百瓮齏咬菜根事可爲

古愚銘

須溪劉辰翁會孟

高安姚雲謂廬陵劉辰翁曰雲之先人之藏于
修也曰古愚請書之曰諾又請曰銘之銘曰
世道交喪謂古人愚首陽事拙金谷名俱離黍何求懷沙惑志
白傷爲傳以至憔悴結纓而進執簡爲三程嬰誰報黑子誰慙
哀哉古人寧不見與其慙其蠢孰通孰魯九京可作我則誰歸
遠矣姚公于訓有遺凡今之人曰詐而已色莊吐訥形垢文泚
咨爾後嗣毋愧前人欲知生直尤貴情真如愚不愚不愚何罪
毋以其如而示其外

天下同文前甲集卷第三十二

天下同文前甲集卷第三十三

題跋

跋徽宗御書

容齋徐琰子方

徽宗書畫皆過于人惟其克君克長之道有愧于其祖宗以至
失國故收藏之者頗不以爲貴重此帖端莊妍麗首尾如一似
非末年盤游無度之日之所作劉彥明得于錢塘携至長沙出
示予曰帝王翰墨當時得見甚難况後世散亡之餘乎苟真不
僞吾將蓄之使後人觀焉見其善于此則知其不善于彼獨不
可爲有國有家者之鑒哉如齊人刺魯莊公云頽而長兮美目
揚兮巧趨踰兮射則臧兮終篇美之而不言其惡千載而下讀

天下同文前甲集卷第三十二

天下同文前甲集卷第三十三

題跋

跋徽宗御書

容齋徐 琰 子方

徽宗書畫皆過于人惟其克君克長之道有愧于其祖宗以至
失國故收藏之者頗不以為貴重此帖端莊妍麗首尾如一似
非末年盤游無度之日之所作劉彥明得于錢塘携至長沙出
示予曰帝王翰墨當時得見甚難况後世散亡之餘乎苟真不
偽吾將蓄之使後人觀焉見其善于此則知其不善于彼獨不
可為有國有家者之鑒哉如齊人刺魯莊公云頎而長兮美目
揚兮巧趨踰兮射則臧兮終篇美之而不言其惡千載而下讀

之則莊公之所不足者隱然見于言外吾意亦猶是也請跋之
予復之曰跋已竟矣奚煩它議至元戊子九月下弦日

跋張夢卿所藏紫陽楊先生墨蹟

牧菴姚燧端父

此先婦翁紫陽辭翰也嘗聞自幼孩時文已竒由歌白水滿長
于紫陽閣底清風細後遂號紫陽初名煥後由上金季主河朔
中興頌季主壯之置紅篋中黃龍戰北紅篋爲我
元所獲恐蹤跡物色姓名獲戾有避更爲英及後受我
太宗簡文制誤真爲英遂不敢私更始就名英其平生于書差
喜米南宮故筆法時時似之其卒以乙卯時燧已聞公遺命託
二事于我先世父一遺文二以先妻見配時燧未婚也其歲上
距今二十四年當至元戊子張總管夢卿持來求題夢卿嗜古
博雅該洽之士慮其未得平生之槩故斂襟書此其年二月子
壻姚燧觀于穰城寓舍

制蓋漕長河南者也

天下同文前甲集卷第三十三

天下同文前甲集卷第三十四


祝文

制蓋漕長河南者也

天下同文前甲集卷第三十三

天下同文前甲集卷第三十四

祝文



天下同文前甲集卷第三十五

祭文

Blank manuscript page with vertical lines.



天下同文前甲集卷第三十六

祭文

祭劉須溪文

中齋鄧光薦中父

嗚呼天地間奇詭超邁之氣于是乎絕四十五年如手如足之情于是乎訣疇昔燈前高歌執列曾未三宿云何奄忽欲訪何之山陰無雪欲見何期屋梁未月斜日寒冰鄰笛爲裂思君平生肝膽火熱相知靡三相於何切嗟彼俗人焉知毫末君幾哭予于亂離予忍慟君于羸劣煢煢予生種種予髮倘幽冥其相待曾幾何其間闊顧原隰之相求已不勝其淒咽何時宇宙復見此傑

祭蕭方厓文

梅邊玉 應梅 鼎翁

嗚呼廬陵俯仰百年丞相文山精忠貫日月而志無成大博須

溪文章昭河漢而時不用今御史方厓勁氣搖山嶽而不得年
以死吾未暇哭吾私而爲蒼生慟未暇爲蒼生慟而爲吾廬陵
長太息嗚呼廬陵

祭御史蕭方厓文

觀樂黃 瑞節 祥翁

嗚呼天不可信善不可爲小人之是君子之非大江以南二三
人物公于其間尤爲超出有時有命有志有才南馬援柱北李
陵臺淺之量公功名富貴一至之性于人有濟凡今之官苟且
相師以爲得體以爲時宜公每行部必搏猛虎搖毒反噬亦莫
彼顧此豈有它不過肯廉莫邪鉛刀無鈍無銛一二就斃蒙福
何限局于分守掛一漏萬庶幾公論擢在臺僚憂者膽掉喜者
意消名實所加上下通信立功立言矢決川迅斯時斯人而可
死邪斯人斯年而可死邪乾坤生氣在結數輩世皆欲殺天不
少悔古今豪傑中路無成黃間黑業殆未欲平運苟如此理不

勝欲嗚呼嗣祖焉知非福回首平生言危行危剛固不折隘亦
有之奴婢小人妄論文舉事至今日此固其所存者奄奄去者
堂堂百年有頃孰短孰長地下此心死而死矣爲人爲神幽明
一理吾哭吾私能幾何時作七載緣結一語知春風廬阜夜雨
滕閣隆田執別金陵後約料理余迂鞭辟余前余之不過其人
其天余未能來公未有暇剪紙江頭乃有今者病之萌芽曷不
歸來家書闊絕亦已焉哉往嘗諫公疎用剛劑豈其壞會竟坐
此弊見謂錢塘買棺自隨此時此情此地此詩豈必尸解豈必
滅度乘雲而來抱月而去捐世未老惠妾無終習聞其語忽繫
其逢天地恨事爲陰爲雨其于人也爲病爲怒余于公死意敗
神傷如寤如寐如存如亡昔者有言丈夫千載四海斯文執筆
誰待

天下同文前甲集卷第三十六

天下同文前甲集卷第三十七

辭

哭須溪墓

靜得王 夢應 聖與

紹定壬辰後六十有六年丁酉閏月庚申四方學者會葬須溪先生北郭外其同門生長沙王夢應以是日祗役故鄉先塋越明年正月十有五日壬寅昧爽始克奉卮酒哭先生嗚呼廬陵自六一公以正學繼孟韓起千載小歐公忠孝義理鳴穆陵紹陵間天下學者再變先生奮兩公後卓然秦漢巨筆凌厲千萬年蓋炎士訖錄及于今南北士不得先生一言不名士殆感眉山矣惟盛時不以所學大用不奮筆大典冊成一經以彰休明爲宇宙闕作使天下士缺然夢應又念早從小歐公廬山公師門託交四十載晚更流落蒙賴實厚追惟吾感永愧負土且斯

文千載之託一日永已悲悼何限謹吟短些尚鑒之
宇宙尤有千載兮安得夫子之復生昔余俟而不敢惑兮卓哉廬山公所評天能爲命世之盛兮不能羸之以百年斯文克當天運兮信有屬而無傳偉夫子之立言兮神氣超乎古今豪縱雄力不可控兮淵杳不得窺而深千竒萬態春行天兮又爲秋冬之刻厲豈惟嬉笑怒罵之間兮平易亦千人之俱廢蓋蒙莊太史之恢恢兮諸子百氏之不可窮廬山休林嘆復起兮眉山再變而亦雄應龍矯乎青空兮神蛇黑蜮之儔伍蹇獨立而還顧兮橫四海其誰語帝典王誥豈不浩積兮清廟生民之何時仰嘆俯弔復下引兮來哲又不可期蘭閣汨其同塵兮荒荒四裔板照之語有大而莫能載兮吾亦委夫蚩蚩嗟夫子之時命兮生死乎盛明余侘傺其誰從兮愴被髮乎大荒非今世之爲慟兮有揜卷而遐追望江山之坡陀兮雜風雨而鳴悲埋文光而不得兮終古尤于秋日誰將告夫春秋兮有尊王發微之初

筆出生平毫末兮震動百世之上下嗚呼靖康日遠兮人知南
道之叔夜亂曰我昔仰高不可階兮風霆一世此山埋兮神光
在天秋洒洒兮墓而藏者塵尾佳兮

天下同文前甲集卷第三十七

天下同文前甲集卷第三十八

誌碣

聖元故光祿大夫中書左丞相神道碑銘

柳城姚燧

初公以中書右丞下江陵驛聞

大帝為大燕三日曉近臣曰伯顏東兵阿力海涯孤軍戍鄂
朕嘗深憂或荆蜀連兵順流而東人心未寧必翻城為應根本
斯蹶孰謂小北庭人能覆全荆江浙聞是肝膽落矣而吾



筆出生平毫末兮震動百世之上下嗚呼靖康日遠兮人知南
道之叔夜亂曰我昔仰高不可階兮風霆一世此山埋兮神光
在天秋洒洒兮墓而藏者塵尾佳兮

天下同文前甲集卷第三十七

天下同文前甲集卷第三十八

誌碣

聖元故光祿大夫中書左丞相神道碑銘

柳城姚燧

初公以中書右丞下江陵驛聞

大帝為大燕三日曉近臣曰伯顏東兵阿力海涯孤軍戍鄂
朕嘗深憂或荆蜀連兵順流而東人心未牢必翻城為應根本
斯蹶孰謂小北庭人能覆全荆江浙聞是肝膽落矣而吾

東兵可無後虞

朕喜以此

御筆為北庭書昔魯魯合西地所生阿力海涯為大將有功信
實聰明而安詳其加卿為阿虎耳愛虎赤嫡近越各赤給
日別平章求今億萬維臣之中降是

宸翰昭乎雲漢之章藹如

天語之溫崇功襮德匪今一時可華及子孫百世者纔公一家
視古丹書鐵券出臣子手者何足道也即江陵民封之千
家始公微時侍

燕惟席地坐後特置榻班諸侯王阿失拉下賜之金壘曰
俟至而省必合樂鼓其曲飲是它雜以青白縹色龍鳳

御服御帽金玉珠帶白貂裘西錦珠衣海東白鶻凡所以侈服
貴近田娛其心者靡不及公嗚呼盛矣公北庭人妣夫人
獨堅呼突盧化胞生剖而出公巧阿撒合徹弗善也將棄

之夫人未忍益謹鞠視幼聰穎而辯長躬農耕喟然曰大丈夫當樹勲國家何至與細民勤本畝畝釋耒去求讀北庭書一月而盡其詩學甚為舅氏習拉帶達拉寒所異嘆曰而家門戶其由于大及從事大將卜隣吉帶俾其子故中書右丞相呼魯僕化從受北庭書又薦其忠謹以是得宿衛

大帝潛藩己未從濟江

帝射虎未殪公捨馬而徒挺矛春殺之攻鄂先衆而登禽一人還流矢貫喉出項

帝勇之賜銀爲兩半百先是聞吐蕃有貯甘露寶函石室藏山穴者凡再使求之皆爲大奇獸所懼莫致最後遣公至其所無見竟與俱歸勸進之初諸侯王議未一惟一王闖察耳嘗有書

上忘其誰在也顧左右問公曰臣所有之書出而決兩事皆甚

合

旨中統三年

制以爲中書省郎中褒曰久侍禁庭已著勤蹟至元改元加朝請大夫參議中書省事發言唯以當可事宜爲心不憚伯相而阿其所志人有小疵必白

帝前衆畏其口明年進嘉議大夫僉南京河南大名順德洛磁彰德懷孟等路行中書省事始罷世个而易置其地又明年轉廉訪使虎符領鷹坊凡鳥獸皮角筋羽悉征輸官尋領諸路鷹師獵戶再兼中都路闡遺又明年進中議大夫僉制國用使司事又明年故中書左丞劉武敏公極爲策襄陽吾故物由棄弗成使宋得竊築爲強藩復此浮漢入江則宋可平

帝大然之徵天下兵領以元帥府觀武襄陽城白河別開行中書省以我先少師文獻公僉省公爲同僉凡襄鄧唐中裕

在

太宗世所殘漢上諸州之民避荒汴洛間與下戶賦寡者悉徙而南屯田給餉尋罷帥府又明年

詔故平章合丹開府儀同三司平章軍國重事贈太尉史忠武公天澤來莅師宋遣人餽鹽茗襄陽乃築長圍起萬山包百文楚山盡鹿門以絕之又城峴首開省其上兵興事劇星火公專入

奏能日馳八百里敗宋殿帥今平章范文虎于灌灘又明年分中書爲尚書拜中奉大夫參知河南等路行尚書省事又明年兼漢軍都元帥分將新軍四千六十及廢尚書復以爲河南等路行中書省事宋遣都統張貴張順將舟師從上游送袍甲檣師自萬山接戰二十里斬順殺溺過所當貴獨以餘衆入後水暴漲慮貴乘出下令軍中舟置燈篝岸積薪樵貴果結艦爲陳宵遁盡燃燈薪戰四十餘

里斬之檀門關明年遂請以西域礮攻樊拔而屠之無噍類遺襄陽甚慘移攻具臨之且曉守帥呂文煥君以孤軍禦我數年今烏飛路絕

上竇嘉能忠而主信降必尊官重賜以勸方來終不仇汝置死所也文煥感而出降十年二月也

詔公偕以入

覲真拜參知政事明年授資德大夫中書右丞同忠武公行荆湖等路樞密院公策能藉民爲兵十萬合舊或丞相安童伯顏一人將之南伐宋社必墟

制皆從之故大傅伯顏與忠武時皆以左丞相贈開府儀同三司大保并國武宣公阿朮以平章與公及故平章文煥以參政行者將大軍發襄陽將至郢忠武疾還敵宿兵數萬築新郢夾江爲城橫鐵絙鑠戰艦江中巢礮壙弩逼我舟師郢北黃灣岸西去江三里所港通藤湖達漢敵壁其上

攻拔之拖舟入港丞相惟與公數十騎覘新郢趙范兩都
統鼓伏兵發葭林諸相倉卒有未甲者人人奮先殄其一
軍兩將之首皆致公割趙腦膚撓酒飲之行克沙洋新城
以臨復守臣翟貴逆貴大軍去而復叛及漢陽故平章夏
貴以制置舟陳漢口水軍千戶馮成爲導由己未濟江沙
武口塗入江拔陽邏青山白湖諸壁走貴軍鄂守臣張晏
然王該王勝以城下遂徇州民衣冠闕會仍其服行鄉郭
帖然無有奪菜秉者民爭德吾

元仁政義聲恨服化晚檄下漢陽壽昌信陽德安大兵旣東分
四萬人戍鄂咨公留後尋進官榮祿大夫自陽邏置驛以
便商至蔡方請移師江陵而荆闈安撫高世傑將鱗艘千
六百艘卒二萬規襲鄂公分兵禦之大敗之荆江口降諸
洞庭桃花灘岳下岳承

制以守臣孟之紹爲安撫使即西師至公安誓曰自今功者健

兒陞長百夫百夫長千夫千夫長萬夫萬夫長取

進止因南風火沙市戰城上又戰城中坑之江陵精銳于是焉
盡制使朱禩孫辭疾高節度達出降下令安集如鄂岳傳
檄歸峽澧常德辰沅靖荆門隨郢復皆下之官其守臣除宋
苛法衣食博藝窮黎

詔故平章廉希憲以右丞行省江陵以世傑窮而來歸棄江陵
市朱禩孫徵至京師死猶没入其妻子還公于鄂移丘長
沙拔湘陰斷混柱江中自喬口及城十五所又拔城西柵
射書招其守帥李芾速下以活州民不然攻拔屠矣不答
乃令諸將畫地方圍決隍水以樹梯衝礮鐵填石心臺百
日公中流矢創甚益急責戰中命諸將凡所由久頓兵者
卒伍前驅諸將安行其後也自今萬夫千夫百夫之長皆
居前列有退衄者定以軍興法從事三日而拔謀諸將曰
國家爲制城拔必屠是州生齒夥繁口數百萬非

大帝諭伯顏以曹彬不殺

旨也其屈法生之發倉以振餓人傳檄下柳全道桂陽永衡武

岡寶慶江西袁連幼主嚮服公入

覲賀始廷拜平章政事還移兵靖江破嚴關敗馬都統臨
川陳張兩總管小溶江諭經略馬暨不下凡攻四十餘日
而拔公以靖江遠中土民性驚囂易叛難服非長沙匹不
重典刑之廣西他州不可言以綏徠其阮之市斬暨檄下
慶遠柳鬱林橫邕廉象潯藤梧貴昭融賓宜賀化高容欽
雷廣東肇慶德慶封諸州特磨農士貴南丹牧莫大秀皆
請內屬乃闡全之湘水三十六所以通運舟承

制以萬戶史恪行宣慰司靖江還潭宋餘孽益衛兩王改元海
中啗人以爵規復而舊全永諸州與潭屬縣之民文才喻
周隆張虎羅飛之倫大或集衆數萬小亦千數在在爲羣
與江之北黃蘄相煽以動皆削平之偽將張世傑傳與襲

肇慶雷

詔公討之且略地海外無爲賊巢過柳州嶺時暑軍士病渴所
乘馬蹄地出泉人資沃飲至今名馬蹄泉而偽安撫趙與
珞已成海南白沙港公航海五百里不崇朝而至擊與珞
并獲偽使冉安國黃之紀皆磔之諭降瓊南寧萬安吉陽
聞僞王陷南恩公還襲走之降方經略會衛王死厓山乃
還復諭降八蕃以其酋龍文入

覲置宣慰司從

鎮南王伐交趾其君蹈海去得文毅昭國兩王以歸後二
年入

覲廷拜光祿大夫湖廣等處行中書省左丞相再月而疾
勅尚醫四人診視忿思求

見登馬而劇歸即與夫人訣當廿三年丙戌五月廿五日
薨上都享年六十葬都城西高梁河公元配帖力

上勅陳亳穎元帥郝謙女爲夫人前卒
勅復以其妹爲夫人自陳

三召傳至京師

順聖皇后爲加幘服白金爲兩二千五百男六人帖力生故資
善大夫湖廣行中書左丞忽失海涯姊郝生正奉大夫湖
廣行中書省參知政事虎符監兩淮軍貫只各妹郝生輔
國上將軍湖南道宣慰使虎符監潭州軍賜玉帶一品服
和尚如夫人者蕭生拔突魯海涯阿昔思海涯騰生突魯
弥實海涯女子五人一適故嘉議大夫同知廣西道宣慰
司事虎符愜理斯班一適承務郎大司農少卿僧家奴一
適中書省斷事官六斤一適昭勇大將軍監平陽太原軍
虎符伯淵一適傳詔兩牙男孫三人小雲石海涯虎突海
涯合滴力海涯女孫三人一適郝一適平章闊里吉斯子
孛羅一適監平陽太原軍子埜斜後公薨十四年今正奉

輔國以神道未碑出公凡受

制書與

御筆及其平生行實請某曰徵是爲銘嗚呼兄弟爭與昭揚先
德于其子職責已塞矣嘗讀望諸君書善作者不必善成
善始者不必善終未嘗不興慨嘆於武敏開用兵端視南
國爲奇貨思圖丹青垂譽竹帛於今與後者如取諸懷及
襄陽下方成淮西功已不出乎已大師南伐復分兵淮東
渡江捷聞一失聲而死豈先福始禍者誠如道家所忌邪
而公鼓其孤軍留成所餘不能倍萬名城通都身至力取
利盡海表圖地藉民半宋疆理其時將相雖瞠後塵猶不
可望公少見最所下州荆之南十四淮西四湖南九江之
西二廣西廿有一廣東海南各四凡五十八字餘峒夷山
獠荷氍被毳大主小酋恭錯幅列連數千里受糜聽命猶
不與存其依日月之末光張雷霆之餘威以會其成功者

亦一世之雄哉今列其由省幕戎麾與所受降登宰相者
丞相二蒙古帶阿拉韓平章十二與魯赤虎突帖穆耳阿
力史恪呂文煥帖穆耳僕化李庭李順張弘範劉國傑程
鵬飛史弼右丞四峻突完顏訥懷闡出樂落也訥左丞四
闡出海唐兀帶劉深趙修己參政十三賈文備鄭也可何
偉張鼎樊楫朱國寶張榮實囊家帶烏馬耳字羅合答耳
高達馬應龍雲從龍都元帥宣慰使總管萬夫千夫之長
又什伯是觀出其門衆多又足徵公善惟勞人也初北土
田租畝取三戶調歲惟四兩及定湖廣稅法惟三升盡除
宋他名徵後徵海南度不足于用始權宜抽戶調三之一
佐軍時以爲虐今較江浙諸省槩增倍蓰獨西南賴以輕
平其境館傳修潔甲他省生祠所在岳潭柳雷公安興安
皆一而嚴關與全獨二銘曰
孰曰江漢南北之限天裂幅員可恃爲捍天混

皇輿其險則那古以求之同軌不多秦漢斯降吳平于晉陳兼
于隋矧趙遺胤曜靈生東有炎朱光燭火之微宜索滅藏
於皇

大帝神武不世行于

睿思效若龜筮由夫

潛藩自將六師鷁舫浮江亦旣越之

歸正

丹宸羣策明試加兵襄陽五稔克止公曰乘勝籍民授兵
將以大臣南國是平

帝曰俞哉惟爾協

朕假爾以鉞誅彼干

禁大師克鄂鼓行而東四萬其徒留後畀公公乃按圖吾
與吾守待敵伺先孰與進取自鄂而岳自岳而荆長沙桂
林皆剽以兵餘州數十雖定走檄勢讜言綏心亦孔棘又

鋤武庚于海之南左右

皇子交州是戡疇知公勞

大帝簡在衣裘禽隼靡有遺賚不事故常墮其

奎章捷捷翩翩龍騰鳳翔又

錫金疊合樂而飲臣鄰之家寵未有甚猶若未然丞相是
崇與大傳公同元元功甲子一終玄閭是宅壽止名垂晰
晰竹帛北方諸流所王維河九里漸濡尚其餘波宜公有
子匪相伊使不專美虞賞克延世其此居庸瀘溝在西有
碑斯豐流峙與齊

天下同文前甲集卷第三十八

天下同文前甲集卷第三十九

墓誌

鋤武庚于海之南左右

皇子交州是戡疇知公勞

大帝簡在衣裘禽隼靡有遺賚不事故常墮其

奎章捷捷翩翩龍騰鳳翔又

錫金疊合樂而飲臣鄰之家寵未有甚猶若未然丞相是
崇與大傳公同元元功甲子一終玄閭是宅壽止名垂晰
晰竹帛北方諸流所王維河九里漸濡尚其餘波宜公有
子匪相伊使不專美虞賞克延世其此居庸瀘溝在西有
碑斯豐流峙與齊

天下同文前甲集卷第三十八

天下同文前甲集卷第三十九

墓誌

陳禮部墓誌銘

廬陵劉辰翁

寶祐丙辰之策士也既日晏再駕臨軒有少年首上對徹親覽
卷首有臨御以來如日正中語及唱第進呈次第七上手擢易
首唱第七既又不滿寘首唱第四第四則三山陳俞也于是寶
慶三十又三年矣特諱言久前別院命賦題久于道以忤聞故
草茅附會如再中然前徹覽後易寘皆命也而俞策亦實有及
雪丘者舜卿嘗語余考官不能使俞第一天子不能使俞第七
其自信無怨如此而亦從是退飛矣初君投靜江軍節度推官
開慶與吉州推兩易故君以己未東至廬陵辦守禦明年江上
清軍間得余詩于它許疑不屬余為舉子美丸藥流鶯囀君矍
然曰是在愈術中而不悟自是莫逆于心每坐尚友齋倚梧竹
極談世事成壞即使長急召不顧幕辯粲然無所回屈其辭可
著為令李肯齋節健吏事稱不及不及去之日有誓心錄三卷

取歐公夷陵語也人生至今德之而媚者謗者爲不少矣有以科斗竹書獻當國者喜且驚曰彼白屋安得此必平園公家物也詎止此獻者懼詭曰我出陳推官後矣語由是喧不辯遲歲年得書庫稍遷大學錄咸淳除博士竟坐前語逐不辯它日謝丞相啟云人之云云謂盜周公之寶玉其蕭然坦迤玩世無悶如此而亦從是老矣又四年而差充福建帥幹闕至以鄉嫌改添差不釐務久之又改添差福建運幹待次于是咸淳八年矣復除大博十月免迺德祐前予湖州別駕德祐改建寧于是國事非矣肯齋李公之爲湖南也強起君君亦浩然以身許之會文丞相脫身渡淮歸行都建督景炎以大著除君督機君請據汀搖顛出江西毋緩君本赴湖南至是哭湖南歲盡以所部福安軍發谷口道病至汀卒有趙同舍文自君歸能言巷居人夢絳紗籠甚盛迎陳禮部去且果然文公哭之慟葬之伏虎山題曰草亭先生之墓君年二十九出文榜至是四十九又明年

文公北日門人林達可始以壙記來請銘則君死十九年矣其言正羽檄徵兵時君蕭夫人憂苦塊竊語于用武之無地最後作蒼雪林辭二疊不可忍聞李公期君以管葛之事君亦贊文公以張李之功其反覆策軍事謀家基語如史驗如卜當未行夢丞相予黑筆視黑籍如軍書少焉登一舟若之眩所風月淒冷殆非人世境也吾死已夫親友共留其行不可曰平生故人與我握右手左乃右之穿士爲知己死苟利社稷何恨吾登草亭望風雨欲一人共死不可得嗚呼我知舜卿使朝坐燕與誼肯棄老母弱子遯荒在人間哉星言赴難縞素爲資得君軍師尚其旗不甚敗臨河救溺不卜命之短長每誦郭元瑜此語悲之其乘飛至屋天也傷哉吾友生不得志于前死無知己于後其心之所樂直文字耳而文史亦絕嗚呼吾欲觀乎九京也其有恨乎無恨乎以君自言其死爲不恨則知如余者不死而恨也悲夫景定末余留建君留京君作隆中雷澤二龍寄余題曰

甲子上元日并贊每展圖誦贊後死何爲自吾所
知所厚周旋離合何限求仙才與靈氣惟舜卿
惟舜卿古心江公嘗薦君館職不合黃華甫國
云臺中日月論公客添一客耶十五年間夷
溷跣廉衣冠道盡君不惟少合亦少可間居日
長奪虎鬪起草亭俯晴晦其在下種梅數百長
歌入雲俗子無足還顧頽然自愛韻度乃出蘇
子美上爲文達大家數四六尤高宥詩本荆公
而每見每進雖在怨誹有柳州南澗之風初學
六一公帖卒自爲體如閑花異草風日清美皆
余所不及嘗手寫楞嚴圓覺金剛三經去廬陵
日棄之先死七年葬其妻鄭氏般若山面草亭
中爲壽藏君死子弱不克歸葬每歲寒食馳僕
裹飯灑伏虎丘而已既十五年辛卯乃啟而合
諸鄭宜人之兆陳氏長樂世次見石室翁碑二
子瑒環環爲族父企後君兄會弟會皆同舍會
先二年卒會後六年卒瑒謀銘于達可達可曰
有先生之友孟顧道遠日迫請刻之墓上其可
由是林君之請勤矣林君之誼

高矣吾銘成則葬後之五年乙未四月也君著述多壙誌傳之矣此不載銘曰

長歌兮莽蒼青松開兮白玉堂奄塵昏兮夕陽我不起兮不如彼童汪君墨線兮何壯操余慧兮慧實光忽反顧兮魁淪降君不歸兮猶葬湖山兮朝行蘭茝蕙絕兮諂子浪浪信終古兮誰芳君余銘兮宰上余麟兮不祥行俵俵兮不得四方蹇思君兮天望君爲龍兮奚憾

天下同文前甲集卷第三十九

天下同文前甲集卷第四十

墓誌

元故翰林侍讀學士國信使郝公神道碑銘

涿郡盧 摯

高矣吾銘成則葬後之五年乙未四月也君著述多壙誌傳之矣此不載銘曰

長歌兮莽蒼青松開兮白玉堂奄塵昏兮夕陽我不起兮
不如彼童汪君墨線兮何壯操余慧兮慧實光忽反顧兮
魁淪降君不歸兮猶葬湖山兮朝行蘭姜蕙絕兮諂子浪
浪信終古兮誰芳君余銘兮宰上余麟兮不祥行俵俵兮
不得四方蹇思君兮天望君爲龍兮奚憾

天下同文前甲集卷第三十九

天下同文前甲集卷第四十

墓誌

元故翰林侍讀學士國信使郝公神道碑銘

涿郡盧 摯

公諱經字伯常郝氏自潞徙澤之陵川始公八世祖祚曾祖昇祖天挺父溫既沒其徒相與號靜直處士有三男公其長子也八世祖而下皆同居業儒不仕以淑其里竭休瀋慶迺發于公壬辰之變靜直君流寓燕趙間公年十餘歲沉塞靜重狀貌瓌奇精敏有志氣盡力于職及其爲學晝或忘饋通昔詰旦衣冠危坐諷誦不輟劬勩如此凡五六年剖劂掄摩磊砢而直廉卓而輝涵積揉累日殊月異擷芳雋腴充而足之超武周孔比肩淵軻雷風斯文陶冶當世慨然以爲己任山峙川駛天遊神遇屹乎莫移浩乎莫禦變化不可測矣既冠順天道左副元帥賈某一見待以國士萬戶張蔡公棗館公帥府張賈子弟皆從質學海內名諸侯聞伯常之風者莫不飭使介走書幣庶幾屈爲賓友公一一謝絕

世祖在潛邸羅致異雋挹其聞遣使者一再起公既奉

清問上稽唐虞下逮湯武所以仁義天下者緩頰以談粲若所陳也

帝喜踰所聞凝聽忘倦且俾書所欲言者條數十餘事皆援據古義廟切時病及踐祚更化用公之言居多歲己未

憲皇自將伐宋建益上流

世祖總東師跨荆鄂公建議大槩以謂彼無釁可乘未見其利惟修德以應天心發政以慰民望簡賢以尊將相惇族以壯基圖撫殊俗制列鎮以防窺竊盟結保境興文治飭武事育英材恤罷氓以培植元氣藏器于身俟時而動則宋可圖矣

帝偉所論以爲江淮荆湖南北等路宣撫副使然勢不中止遂絕江圍鄂守將賈似道駭遽請和屬

憲廟升遐

王師言還

世祖即皇帝位

詔公以翰林侍讀學士使宋號使曰國信錫金虎符公方踰淮邊將李璠輒潛師侵宋兩淮制置使李庭芝寓書于公蠲以款兵館留真州藉爲口實公答書弭兵息民通好兩國實出

聖衷日諭邊將戢戍守圍以契和議衆所聞知今啓釁自璠一旦律以違

詔將無所逃罪此何與使人事也公復上書宋主移文其執政論辯古今南北戰和利害甚悉皆不報顧窮極變詐以撼公之志知其終不可怵于愧數也捷鑄館所墜垣柝棘驛吏訶闇夜士鳴柝防閑挫抑獄犴之嚴不啻如此介佐而下久于囚羈戚嗟尤怨無復生意公語之曰卿顧望不前將

命之責一入宋境死生進退聽其在彼守節不屈盡其在

我者豈能不忠不義以辱中州士大夫乎但公等不幸須忍死以待揆之天時人事宋祚殆不遠矣衆服其言亦皆自振勵至元十一年右丞相伯顏奉辭南伐江漢名城望風鄉附

世祖命禮部尚書詰宋執行人之故遂以禮歸公聞嬰疾在塗醫問絡繹旣至錫燕路朝以張異瞞隱其瘁于廛事也

詔治疾于家病遂殆不起以聞

天子悼焉官其子采麟奉訓大夫起家知林州初公之使宋也內則時相王文統忌公重望排置異國陰屬邊將違

詔侵宋沮撓使事欲以款兵假手害公外則宋權臣似道竊卻敵爲功取宰相畏公露其白盟幸免之跡遂主羈留舉國皆知其非似道不恤也公拘真館十有六年去國未幾而文統伏誅甫歸國宋探誤國之罪似道殛宋隨以滅然則懷奸怙寵傾陷善良雖暫若得計機發禍敗曾不旋踵抑

宋有古徵公與阮會其患難不渝始終名節儻一時而穹
百世者初非不幸也公歸以十二年四月卒以是年七月
乙酉春秋五十有三是月丁酉權厝保定府西靜直君墓
次公幼至孝撫諸弟極厚待宗族疏近如一篤友樂施德
于己者雖細惠必報然偉特方嚴風岸峭立衆不可攀勲
良猶奸題帖無貸故用世之志適際可爲已墮奇擯旣處
幽所日以立言載道爲務撰續後漢書紕丕儕權還統章
武以正壽史之失著春秋外傳易外傳大極演原古錄通
鑑書法玉衡貞觀刪注三子一玉雅行人志各數十卷公
于辭以理爲主雄渾有氣文集若干卷傳于世嗚呼功于
斯術者不旣多乎捐累適已又何其勤也公娶張氏淑明
祇修婉德君子後公卒子男三人二蚤卒一采鱗也以文
學行治擢寘侍從今爲集賢院直學士朝請大夫女子二
人皆已嫁孫二人皆幼其孤采鱗謀徙公之厝兆孟州河

陽縣某鄉某里卜協則次公生平事來謂某曰先子葬有
日墓隧之碑宜得銘得銘非信後詒遠者銘猶無刻也夫
子宜銘某惟侍讀公以宗儒文雅有勞烈于國敘德鼎庸
莫詳史氏其堅毅忠壯抱負不可揜者名聲昭徹雖走卒
牧豎深閨婦人皆能道公姓字與沒世無聞者異信後詒
遠何待墓刻然固不可無銘也銘曰
鍾氣之奇惟志是持緒道之微而才可爲振轂鄒魯驂乘
濂伊獵德游藝載驅載馳孰濟其瀦孰植其滋孰芬其敷
孰煦孰吹有實其居實吾能戲

聖潛于藩髦選無遺裾曳冠魏憲言祁祁躍淵天飛鱗公雲達
迺眺南顧迺休

王師迺命鴻碩柔遠淮夷夷速其顛公凜乎危削槩操觚榮觀
幽羈刪述臚分名義昭垂薄言還歸昔壯今耆胡不康寧
胡不期頤胡不三事爲國著龜清廟宗彝不旣厥施輿論

嗟嘻蒸蒸嗣慶圖永孝思刻文墓碑以顯詩之

天下同文前甲集卷第四十

天下同文前甲集卷第四十一

雜著

嗟嘻蒸蒸嗣慶圖永孝思刻文墓碑以顯詩之

天下同文前甲集卷第四十

天下同文前甲集卷第四十一

雜著

天下同文前甲集卷第四十二

詩

踈齋盧 摯 處道

春晚歛郡高齋

憑高得華構燕坐臨此州偶來稅塵鞅得與靜者遊
忙俗仍楚越城居帶林丘川明雲物閑風暄鳥聲幽
羣峰舉自獻春溪亦爭流餘花殿芳序春苗綠平疇
臨觴詎能飲對時思悠悠將指訪凋瘵摩撫庶有瘳
曠職固所虞永日聊淹留

宣城南郊何氏遊集

懷病苦無棕撫節驚歲暮淹旬屬休告寧復嬰物務
幽人偶相賞蕭散隨所遇寒郊聯騎出崇岡時延駐
山家如可即雞犬隔煙霧舉鞭門樵丁始識林下路
亭榭歛軒敞岳壑鬱盤互主人能愛客何必論雅素
濁醪散襟顏池鮮足供具雖非窮勝踐政自得野趣
日夕歸影亂嵐霏襲衣裾鳴騶慎毋前悠然望江樹

書梓山寺經室

問俗來山郭携春到隔谿花香破禪寂林樾受鷲啼欲和觀音
偈聊乘醉墨題閑雲苦留客不肯爲予西

青華觀西軒

琳宇夏天曉官曹今日閑深松欲無路踈竹不遮山靜對黃冠
語時看白鳥還平生林壑趣聊復此窻閒

少林寺贈達禪師

是日得至面壁菴觀達磨石影

古刹東風裏逢僧一解顏收經出深竹披袖下空山未要天花
墮聊看石影閑何妨病居士明日到田間

用韻答李肅政承之

隩室做歲暮半菽供朝餐忽聞農父言東田出遊觀兀兀遵微
行隕穉探茅管霜風亦云厲松柏那可干勝寄動睽闕幽素勞
音翰如何煙霞姿乃在原隰間叢祠構前驅一笑開襟顏豈不

懷簡書悠然有餘閑衡門可棲遲濡轡聊盤桓明晨下巖壑相
望邈河關

郡齋書事兼答汴梁夾谷左丞

十年皇華使咨度愧清衷承

命甫爲郡慮無理人術簡書劇沉迷將迎靡虛日呈言入公府
短髮不遑櫛首夏氣清淑鳥鳴庭樹密踈箔懸永晝南風泛瑤
瑟退食方息偃卒史已盈室孤臣偶紆組豈不懷曠佚賴有同
心人魁然位丞弼昭麟鳳瑞渾渾金玉質革緘猥稱題高誼
寡儔匹矢心報知己言語詎能畢河流行洪源嵩高屹青出期
公山水間千秋恒若一

送程中丞介甫赴雲南行臺

蕭蕭征馬鳴冽冽驚飈吹聞君遠行邁執法西南夷六詔漢始
通有唐亦羈縻今雖郡縣置綏懷不在茲物產富金具吏習爲
磷緇垢衣可無漦直繩詎易持肅躬行所素舉網植其維寒霜

固非厲春陽竟何私生令蠻風革仰報國士知泛泛江海客區
區簡書期恨恨久別離去去長相思

靜修劉 因 夢吉 保定

古城

我行常山尾高城墮吾前按轡覽形勢依依見前燕易水開前
襟飛狐連右肩遙想豪傑場撫以增慨然薪人過我前一笑如
相憐指城前問餘考古今幾年沉思未及答行歌入蒼煙

登武陽

朝遊樊子館晚上武陽城潮接滄溟近山從碣石生斷虹雲淡
白返照雨踈明日暮悲吟發樵歌已愴情

銅爵硯

諸侯負漢已堪憐直筆何爲亦魏編却愛曹瞞臺上瓦至今猶
屬建安年

慎獨

一葉下秋水微波去不停望中猶隱隱直欲到滄溟

觀化

風雨何方來呼童出門望歸報是羣蜂聲在庭花上

易臺

望中孤鳥入銷沉雲帶離愁結暮陰萬國河山有燕趙百年風
氣尚遼金物華暗與秋光老杯酒不隨人意深無限霜松動巖
壑天教搖落助秋吟

宋理宗南樓風月橫披

試聽陰山敕勒歌朔風悲壯動山河南樓風月無多景緩步微
吟奈爾何

物理興衰不可常每從氣運見文章誰知萬古中天月只辦南
樓一夜涼

滴水龕

膚寸遍天下至靜涵氤氳因看石滴水窺見禾生雲

偶成

夢回聞雨聲，忽覺是風葉。問予何以知，仰見梁間月。

曾點扇頭

獨向舞雩風下來，坐忘門外欲生苔。歸時過著顏家巷，說與城南花正開。

宋高宗題李唐秋江圖

秋江吞天雲，拍水濤借西風扶。不起斷雲分雨入，江村回首龍沙幾千里。澹蒼老筆搖江聲，髣髴阿唐慘愴情。千秋萬古青山恨，不見歸舟一葉橫。

今日

今日柴關幾客來，擬從屐齒數莓苔。求文道士花前至，載酒門生雨後回。

盆池

自慙眼孔一盆多，奈此無邊風月何。莫道渾非九雲夢，不妨能

著百東坡，斡旋在手天。隨轉虛靜如心景，自過誰弄扁舟詫。吳越爲言吾老怯風波。

養吾李 謹思 明通

懷古

昔我從耆英，圖史娛朝昏。咄嗟陵與谷，永謝西州門。夢中亦識路，欲往先銷魂。往還無須臾，失聲強復吞。西山照公楹，南山亘公垣。平生五畝池，東海遙崩奔。公門山海并，遂斡造化元。招公有薇菊，酌公有佳尊。行吟聞地籟，飛奏劇天閭。公來月星懸，公歸河漢翻。六籍未渠失，百聖諒斯存。翩翩媚學子，風節當誰敦。我髮日以變，洮面留心源。庶無駢汗流，獨此清淚痕。英英出靈變，杳杳通緒言。因風薦商參，秋思隨孤鶩。

補疎齋題鵞湖

客來誰與期，微鐘度山椒。松風如起予，間以笙與簫。逸響諒斯存，幽踪莽難招。極目不知還，新詩生沈寥。

王以道三喪未舉

豈無一弓地載予三世碑碑端語云云碑下冢累累白楊秋氣

深碧春露滋翻憐會嵇山禹穴不得窺

天下同文前甲集卷第四十二

天下同文前甲集卷第四十三

詩

須溪劉辰翁會孟

絕句

江柳長天草色齊新晴何物不芳菲無因化作千胡蝶西蜀東吳款款歸

初晴

初日入高樓歸雲雜江樹魚游新雨清鳥語晨光吐天容起復

王以道三喪未舉

豈無一弓地載予三世碑碑端語云云碑下冢累累白楊秋氣
深碧春露滋翻憐會嵇山禹穴不得窺

天下同文前甲集卷第四十二

天下同文前甲集卷第四十三

詩

須溪劉辰翁會孟

絕句

江柳長天草色齊新晴何物不芳菲無因化作千胡蝶西蜀東
吳款款歸

初晴

初日入高樓歸雲雜江樹魚游新雨清鳥語晨光吐天容起復

靚煙色轉輕素牆草麗車前巷溝映泥路牕明祛宿潤礎泫滑
微步會朝有宿客過午無來屨沿砌上蟻衣虛庭竿犢袴人生
足無事世故非所慮彼語吾不聞清風有時度

戲題

無人知坦腹水影半簾苔驚謂青蟲墮垂絲忽上來

觀絮

新燕池塘綠雨肥初晴未暖日光微角中猶帶花梢濕纔倚闌
干見絮飛

山行雨中

雨行如漏蓬側身半車中風翻荷葉白難可為芙蓉向來三重
茅仰屋嘆穿空已經亂離苦志念帝從容

入城過新雨路靜市人佈吾家林塘間水鴨狂欲飛門闌稚子
笑隔樹見翁歸何人無此樂頽暮樂知布

春歸

留春一日不可種樹十年未成芳草斷腸花落綠牕攜手鶯聲

夜雨

夜半起雷車天門報曉衙何消如此雨又有未開花繡被人中
酒茅簷客夢家一晴天地闊稽首見重華

漁歌效陳自堂作

石頭城落淮水劉郎浦對伍洲越沼吳潮安在月明人唱湖州

牧菴姚燧端父柳城

寄王憲使立夫

庭樹生秋風炎熾奪如失小蟲鳴嚶嚶高隼飛歛歛緬懷素心
人若髮未忘櫛百年能幾見過眼徂電疾而君有官事出言千
里律何暇喜登音情與逃空一昨因趙卿至戒遣書新述篇軸
不害多無憚費紙筆且約來北州罇酒留十日晴天逼佳夕共
看華月出非不思餘論門無一親即吾私如汲車已脫復縈繡
晚菘生待種蚤稻行可鉉少須黃花發秋風亦蕭瑟倒冠獨山巔

茲遊或能必

次韻閻子濟

我友宋僉憲頗聞思湘中每云所遇奇未易言說窮崇蘭春風
花巖桂秋露叢三年一官內身在香國東朝航汨羅波翻動海
日紅暮揖嶽麓寺蒼煙樓觀露喧喧名都邑百貨聚商工何時
訪君遊盡歷西南雄

霜水收風濤江船穩歸路唯應江間月照汝來往屢長沙隔南
雲尚飽艱險趣天涯念基錯睽闕皆舊故新知苟會心何必懼
有素黃鐘未懸業衆目齊瓦釜大音故希聲欲說難至戶况我
言毛輜誰復聽其句所恃君盛年學仕猶未暮文夫重道義自
足輕外驚觀今紛華儔愜喜隨一芋願終藏山書榮於鹿眠賦

寄徐中丞容齋

李侯安慶來遭君江間施問云歸湍水示聲偶及我自揆衰鈍
質舊學日兼墮百事於大賢資取無一頗始疑逢蒙弓亦有虛

發筭終知匠石斧材不捐瑣瑣增慙失喜餘背覺芒刺荷平生
聲相接睜盡見未可文字親友間屢得觀藻火况聞閑世故盤
走夜光顆仰止高山思願並餘子顆曆推天日行蟻右風輪左
吾徒不相值其故政此坐何時廣陵遊傾蓋願終果

同柳山和尚登落星寺

祇掌女媧前功捐鍊石力盡還實天怒飛十有八萬里擲陷彭
蠡三重淵藏山于澤信有力愚公欲移重萬肩黃家亞夫更癡
絕漫向麟史求何年安知自分牛斗躔天穴上當匡廬顛銀河
一塞至今飛流掛長川我來正逢槐火節艤磯少繫東吳船相
携詩僧上佛閣莫踞對酒談其然渠聞舌橋若自失子辯迺出
鄒衍前無書大古何所得爲言烏有先生傳

萑葦藪

瀕江不可禾歲惟葭葦茁青林無端倪永與江水匹由爲薪蒸
恃責以租賦出園人誠貪夫苞苴黃金鎰暮夜鑽權倖入牒妻

子質輸課或未償沒之良不卹它家皆辦爲得者皆富室秋風
霜露落百穀時已實處處傭千夫豚酒健力鉅租載向城市官
外私羨溢遺竒狼藉陳入者必見叱或因取束緼隨以盜採律
春風將新萌剪伐未十七下策付一炬炎火赤天日坐視煨燼
空不丐民貧疾困推是爲心可見無仁術周官衡虞置爲法未
爾密亦已開利源千年誰能窒

巽吾彭 元遜 明叔

雨歸

戎行方旬決禾生已扶踈蛙鳴滿阡陌水中有游魚萬物不知
長我還安得居好風時時來拂我几上書癡兒習晏起飽飯亦
有蔬爾不念稼穡不學將何如

種牽牛

開門見微雨傍竹種牽牛未有歸田日開花且及秋

江上

飲啄畏塗迫農商生理微山寒行旅急江晚渡人稀老樹秋仍
立飢鷹夜自歸儒冠空得誤無復舊戎衣

得微雨行視新種松子

春雨種松子秋風吹樹苗微生同度世千歲聽千霄草木慈心
長蟲魚惡念消暮年容宴坐羽葆衆山朝

夜雨

黃葉委門巷暮歸村徑荒寒兼山外合聲與夜深長雞老聽風
雨鷹飢夢雪霜畏人踈者酒俯仰失周防

歲晏

歲晏憐童稚村荒愧老夫牛羊各有主烏雀自相呼橋雪昏迷
逕山風夜擁爐白雲歸落木無復共窮塗

春鴈

年年見來往處處隔悲歡羈旅偏憐客飄飄復過寒飛遲先遠
喚聞近亟相看未有清明雨天長羽翮乾

登華山

天涯俱得歲嶺外閒逢人空闊浮元氣蒼寒接上春波濤容一
旅風日照遺民俛仰乾坤在悠悠寄老身

夜歸菴中

御風旬五日數數記山扉野渡中流黑農談隔樹微桔槔罷世
故絡緯動天機露足燈前坐城中洗鉢歸

山中夜起

征鴻中夜行何不就我宿山深金氣壯明月何肅肅鳥獸四無
聲虎狼卧空谷星河落樹外龍蛇散平陸區區平生心無以少
自贖

次韻會孟惜別

蟋蟀有幽意早催寒女機村春聞雨飽客袂見秋歸飄泊寧堪
別懽娛自欲稀長年加愛惜涼冷近房闈

客居

口腹勤天地客居何所操田園催麥李風日過櫻桃鶯起青梅
落風回亂絮高草心空自老老去自劬勞

清都觀

上帝高居擁絳霄人間宮館故漂搖海山自隔蒼涼日章水空
來寂寞潮誰見赤書持浩劫時通羽蓋集陽寥衰年無路披丹
惆下有巫陽不盡招

寒臯盧朔

禱衣曲

昨夜砧聲忙今朝聲較緩停手拭淚痕不教老姑見

病中有省

示疾得高眠歲月委一榻驚然有會意言不待問答病是檢身
方睡即出世法竹風語我來時時一蕭颯

二恨

讀書恨無書鄰非魯東家對客恨無酒黃壚頗難賒青鞋共短

策請謁山翁茶向來禹稷事悠悠在桑麻一笑復何說新春天
日佳去年醉西塢曾約小桃花

花信

櫻桃新買試單初團扇胡姬笑倚壚曾被棟花風信誤春衫未
可典春醕

天下同文前甲集卷第四十三

天下同文前甲集卷第四十四

詩

青山趙文宜可

古樂府

上之回

武帝元封初因之雍遂
通回中道後數臨幸焉

策請謁山翁茶向來禹稷事悠悠在桑麻一笑復何說
新春天日佳去年醉西塢曾約小桃花

花信

櫻桃新買試單初團扇胡姬笑倚壚曾被棟花風信誤
春衫未可典春醕

天下同文前甲集卷第四十三

天下同文前甲集卷第四十四

詩

青山趙文宜可

古樂府

上之回

武帝元封初因之雍遂
通回中道後數臨幸焉



動皇輿曰中道龍為驅虎為導樂蕃釐祠雍後息甘棠飲天酒
澹穆清冰熱惱曰夷服咸稽首臣三祝皇萬壽

有所思

古樂府有所思後半篇
珠不可畧改正之

有所思乃在大海南何用贈遺君雙珠璵瑁簪聞君有他心當
風燒之揚其灰從今已往勿復相思勿相思又相思秋風
晨風颺心思君兮君不知

公無渡河

公無渡河或作瑩引朝鮮津卒霍里子
高妻麗玉所作也高晨起刺船有白首狂
夫被髮提壺亂河流而渡其妻隨之不及
遂墮河水死于是援壺而鼓之作公無
渡河之曲聲甚悽愴曲終自投河而死
高還以其聲語妻麗玉傷之乃引瑩篋而
寫其聲聞者莫
不墮淚飲泣焉

河之水深復深舟以濟猶難謀被髮之叟狂不可箴豈無一壺
水力難任與公同匡牀恨不挽公襟亂流而渡直下千尋我泣

眼為枯我哭聲為瘖投身以從公豈不畏脊沉同歸尚可忍獨
生亦難禁公死狂妾死心蛟龍食骨有時盡惟有妾心無古今
河之水深復深

團扇歌

晉王琨與嫂婢有情好嫂鞭撻過苦婢素
善歌而琨好持白團扇故云團扇復團扇
許持自遮面惟悴無
復理羞與郎相見

私衣必見污葛屨必遭踐生世不為男託身况微賤悲痛只在
心憔悴更障面出入懷袖中羨郎白團扇

丁督護

宋高祖女夫徐達之為魯執所殺高祖使
督護丁旰收殮之達之妻呼旰至閣下自
問斂送事每問輒嘆息曰丁督護其
聲哀切後人因其聲廣而為歌焉

丁督護為我行去時馬上郎今作野外殤男兒肯斷頭婦兒空
斷腸丁督護聽我語欲從君臂不羽嫁時所結髮剪之隨君去
丁督護念我苦未亡人殤鬼婦古若無銜冤乾坤無風雨

上陵

上陵漢章帝元和三年自作為上陵會舉

上古陵古陵無可上苔雨繡濕草煙悽愴鴟鴞號荒林狐狸穴
空墻豐碑去梁何處津望周作竈誰家煬不如東鄰一抔土樵
牧侵陵白官府

銅雀臺

魏武帝遺令婕妤美人皆著銅雀臺上帷帳八尺牀總帳日晡上酒脯月朝十五向帳作伎汝等時時登臺望吾西陵墓田後人悲其意而為之詠魏志云建安十五年太祖作臺于鄴銅為雀祖作臺于鄴因以名焉

朝望西陵墓夕望西陵墓望望不復歸月朝又十五月朝十五
可奈何更對空帷作歌舞銅雀昂然飛不去當時美人髮垂素
我生不如陵上樹年年樹根穿入土

法壽樂歌

古詩末始道佛事梁武帝即位後更造新聲帝自為之辭帝既篤敬佛法又制善哉

天樂天勸天道仙道神王龍王滅過惡除
爰水斷苦輪等十篇名為正樂皆述佛法
又有法樂童子伎童子倚歌梵唄今
所謂舍利弗法壽樂歌皆所自出也

西雲垂天飛流黃寶鬘百萬隨風揚帝居摩醯首羅鄉采女如
花侍帝旁珠啼玉唾天花香澹然神情無世妝下視邢尹紛醒
狂梵唄琅琅出清吭天庖供饌薦豆觴帝飲食之壽以康恒沙
世界俱來王天王神聖臣忠良春風萬里酣耕桑雨滴可數海
可量無有能知法壽長願梵天釋帝萬億歲歲壽杯天下醉
天下同文前甲集卷第四十四

天下同文前甲集卷第四十五

詩

魯齋許衡

林慮山



天樂天勸天道仙道神王龍王滅過惡除
爰水斷苦輪等十篇名為正樂皆速併法
又有法樂童子伎童子倚歌梵唄今
所謂舍利弗法壽樂歌皆所自出也

西雲垂天飛流黃寶鬘百萬隨風揚帝居摩醯首羅鄉采女如
花侍帝旁珠啼玉唾天花香澹然神情無世妝下視邢尹紛醒
狂梵唄琅琅出清吭天庖供饌薦豆觴帝飲食之壽以康恒沙
世界俱來王天王神聖臣忠良春風萬里酣耕桑雨滴可數海
可量無有能知法壽長願梵天釋帝萬億歲歲壽杯天下醉
天下同文前甲集卷第四十四

天下同文前甲集卷第四十五

詩

魯齋許衡

林慮山

天下同文前甲集

一百十五

我愛林慮山不處要路津茲焉幾千古絕彼朝市塵我來成素
交澹澹日益親形骸兩相忘誰主復誰賓充然樂我飢怡然栖
我神朝光連暮色佳意合餘春心境一融會世味殊未真奕奕
草木光熙熙禽鳥馴衆物欣有託吾慮行亦新詩書詠以歸况
有耆德鄰

姚敬齋同遊黃華

我生愛林泉俗事常鞅掌十年苦煩劇一念愈傾仰峯巒看盡
圖雲煙入想像久成心上癖欲忍不可強荷有敬齋公恒以善
相長携我遊黃華一洗塵慮爽行行嘆奇絕舉目皆勝賞鏡臺
聳百險瀑布落千丈石苔清重痕溪風動幽響使我躁競息使
我心志廣恍如夢中身翱翔千古上回首聲利場誰能脫塵網
我老得仁人動作皆可象還家擬鄰居求田冀接壤便許樸鈍
姿於此靜中養

送賓清叔

初來識君面此行見君心匡時有長策慮遠憂且深俗情取近
效雅意入幽沉人生貴所依所依貴知音知音得展布身將比
黃金我本貧賤士多思委相尋未能辦一飯胡爲遽分襟征鴻
出遠塞西風動疎林去去渺萬里何年酒同斟含情望無極白
雲障孤岑

歸興

歸興不可遏歸程待何時悠悠故鄉心一夕千里馳西風動霄
漢慘慘令人悲况我多病身天涯久棲遲交游義難忘豈忍輕
別離重念丘壠遠嬌兒正愚癡因循死異邑後世將何遺所願
經營日及此未全衰樹桑牆以下開畦水之涸旣得舒困難且
可爲鏹基幼無孝悌稱老無恩澤施惟有近先塋一死乃其宜
諸君苦留連雅意金蘭期我自無遐福形骸變焦痿生平尚求
西之緩急有擬議行止更無疑作詩敘懇款爲報吾友知

七月望日思親

思却千思與萬思音容無復見當時草窻夜靜燈前教蔬圃春
深膝下嬉將謂百年供色養豈期一日變生離大山爲礪終磨
盡此恨綿綿未易衰

病中有感

十載天涯客寄身今年憔悴不堪聞病來與死傳消息老去無
家遺子孫故里歡遊頻入夢春城凝眺獨消魂如何藉我知音
力五畝歸耕沁北村

別友人

永懷不得遂偃卧惜分陰沁北田園計山東故舊心

柳菴宋 渤 齊彥

永州黃溪遇雪

黃溪永竒山近在百里內豐林與長壑嶮峭蔽鬱蒼奈何不逞
曹迺散中睚眦坐令清勝境橫遭蹂伐害我留大冥川十日陰

雪晦分卒搜洞穴徑造厲戈殺日暮效醜馘山氓喜且拜啁啾
語莫曉大要意稱快楚俗本悍獷狃亂恃荒怪撫循誰失方悻
獨化無賴山禽舊阡陌畎澮八九廢春陽入渚澤上膏行可未
爲語里長者農事幸相戒努力爲汝生使者知汝瘵

舟過浯溪

三年承乏湖外官再歲舟楫滿湘灘大冥小冥十日雪黃溪復
訴羣盜盤淡巖竒絕永所最居且兩月不遂觀舟經浯溪適津
澗幸可弭節登噴岫元郎宅廢僧寺出唐頌宇剝石溜漫境清
事勝欲久留日暮雨甚江流湍鷓鴣號鳴不畏人磔磔響振青
林端昔賢誇稱臨賞地此日草竊常舖餐湘中剽劫連越俗邇
來比屋爲傷殘於乎安得二千石前以龔遂後劉寬時其飲食
衣其寒

丙戌冬至衡陽食柑

衡陽冬猶溫長至似春日朝盤富筍蔬夜砌響蟋蟀白酒如玉

膏黃柑飽霜實更闌袂衣坐燈火不欲即三年江之南光景去
如夫匆匆節序時無歲寧家室宗祏香火寒牢醴誰致潔三雞
隔兩地不得遂顛恤勞生分有數散但念安逸不虞與求全世
或不可必官事未易了應止筋力率漳東二頃田亦粗給杭林

衡陽村院得杖材寄徐容齋

放舟清湘波繫舟湘水曲落日紅霧生蔽映兩崖綠衲衣何處
僧揖客看脩竹攀緣入幽深松桂薦芬馥輕颺振裳衣餘韻久
回復亭亭小梅花却立野人屋蕭然方出林碧玉萬竿蠹散攀
穉龍新請乞老枝感詩翁澹古思與汝交不瀆往登讀書堂清
修配佳菊

吟竹顏奎子輿

早起

曙禽何喧喧早起身自健曾嗜曉枕涼更眠祇成倦道路記風
燈聞雞共村店自笑七尺軀可貴亦可賤

缺月留樹西簷虛涼氣集夜來不聞雨庭露空翠濕菖蒲水氣
上一葉珠一滴幽蘭有憔悴古井手自汲

長林

雨瀟瀟風颯颯柴局閉青煙發濕雅投暝如破山驚起林塘未
收鴨光搖遠影誰氏樓日日換度人間愁倦客西來老風雨明
朝又過長林路

宿溪西

款段經行路暗知殘燈破屋又溪西清霜欲下鴈初過新月未
高烏正啼氣到金莖天影濕峰垂紫蓋斗痕低隔窻有客寒無
寐說到更闌聞馬嘶

晚渡

家近歸可晚悠然待渡心寺鐘縈樹盡漁火入江深偶立生新
感微吟極遠尋柴門新月上種樹喜成陰

暮春同王靜得

土花滿徑行清曉芳草欲煙生
遠愁鳥愛綠陰吟細細蝶追紅
影去悠悠夜來葉底一番雨
春到江南第幾州隔屋嶙峋青
更好薰風萬穉化蒼蚪

和劉及翁

如此別易久詩來知勝遊
故園春又晚昨夜雨如秋
雲外有黃鵠人間無白鷄
關山明去眼誰倚仲宣樓

晚望

悠悠天影下平蕪
境落依微竹樹疎
斷鴈不知秋意老
西風獨在晚晴初
一蓬煙火漁歌起
萬里雲帆客影孤
隔世有情歸暗合
不逃摩詰畫成圖

東溪甘泳 中夫

自述

總角布聞道殘生迺付詩
曾前輩識敢辱近人知
飄泊身餘健蕭閑鬢欲衰
一簾書四壁寒日在清池

過南湖

忽有一事礙胸次
擺脫不去呼酒來
溟溟濛濛混沌在
坦坦蕩蕩虛空開
精神一生留筆墨
形骸昨夜爲尊罍
年年看梅今白髮
晴日江路行莓苔

與危見心同和完顏御史沂聯步踏月韻

明月送人歸明月照人宿
月落夢醒時清霜壓寒屋

晚立黃洲

今度闌干倚蒼茫
入暮天碧溪分市井
華屋亂雲煙鐘隔
春來樹燈流夜去
船惜哉題柱壯琴動
鳳凰絃

小絕

一夜睡不著小窻
天忽明林塘寒鳥聚
聽得最初聲

陪完顏御史行金石臺分韻得丞字

勝景踰千載吾人得共登
五峯交地勢一水合沙稜
荆國成何事浮丘有異能
山頭有田父未必識中丞

歸來

謂我猶羈旅歸歟已的然風霜高枕外江海小詩邊達磨移華
夏莊周海聖賢向來知此事未敢棄予年

秋風詞

昨夜西風來人間雨如海山搖搖秋洒洒早起

輪老紅竟

何在惟有殘雲漠漠弄涼態千林萬葉浙瀝作聲豈無綠色奈
何凋零四時更變化宋玉胡爲愁直須痛飲千斛酒亦不知有
春亦不知有秋鴻濛適我汗漫遊絕憐九辯大蕭索爭與蟲聲
起籬落東溪子今夕呼月當中天看我大醉西風前便令秋滿
八千歲我醉依然月下眠

天下同文前甲集卷第四十五

天下同文前甲集卷第四十六

歸來

謂我猶羈旅歸歟已的然風霜高枕外江海小詩邊達磨移華
夏莊周海聖賢向來知此事未敢棄子年

秋風詞

昨夜西風來人間雨如海山搖搖秋洒洒早起

輪老紅竟

何在惟有殘雲漠漠弄涼態千林萬葉浙瀝作聲豈無綠色奈
何凋零四時更變化宋玉胡爲愁直須痛飲千斛酒亦不知有
春亦不知有秋鴻濛適我汗漫遊絕憐九辯大蕭索爭與蟲聲
起籬落東溪子今夕呼月當中天看我大醉西風前便令秋滿
八千歲我醉依然月下眠

天下同文前甲集卷第四十五

天下同文前甲集卷第四十六

詩

中齋鄧光薦中父

步月

皓月流華光微霄暖虛碧空庭四無人及此美夕霏微弄香
霧澹蕩舒玉色離離花影斜梢蘭露滴頽然意忘倦欲起還
自惜春晴諒難得後夜空相憶
盈盈當春月含情隔幽櫺好懷不自制起坐可一庭娟娟吐微
雲迢迢映華星不寢步芳陰裴回惜娉婷百蟲未敢怨卉木正
葱青餘光散草露乃復似秋螢

曉運

曉風吹衆綠中寒露氣清振袂起行散超遙覺身輕愛彼蒼苔
香淡然無世情依稀龐家女提籃映離行雖無膏沐意皓質玉
雪明相看味禪悅何必話無生

暑夕

暑夕不能寐起坐林間亭齧鼠欺黑月流螢亂飛星星河光淡
薄不辨草樹青蕤涼露下稍稍殘夢醒幽蟲故兒女私語如
相應鄰鐘自何來迢迢入孤聽

夜聞風聲歸思浩然

西風響高樹鄉夢去帆前稚子衡門下先聲亂葉邊老來多一
出歸去恰經年海燕巢何晚秋期落爾先

礮山

斜陽客如畫路轉叢薄間驚禽忽衝起似石投前山

午坐後亭

隔簾遲日午風微社燕驚寒未肯歸讀了丹經成嘿坐時時一
片杏花飛

望夫山

朝望夫暮望夫一夕化作山石枯潮水去却回行人來不來

竹澗楊

學文

必節

眉山

題節婦胡氏殺虎圖

并州渤海縣兵籍劉平之妻胡氏與平同戍棗
陽夜宿沙河平爲虎齧胡奮身掣虎足呼稚子
取寸刃剖虎腹平幸脫爪牙而一臂已傷三日
而斃徐大常作詩紀實好事者圖之以旌其義
余賦長歌憫之

酸風動地天怒號黑雲撲面烏輪韜豺狼當道魑魅舞弱肉強
食隨其遭當時征戍寧辭苦倡隨誓與同生死暮沙叢葦起咆
哮居然肉血歸塵土呼天叫地投林去夫君不有吾何懼英英
義膽鬼神驚一刀兒手天爲助百靈呵斥虎自傾不然何能與
虎爭當熊委身差可擬射雉始笑何足倫紅窓繡線香風動蟠
螭卧虎金麟鳳此圖價可百倍高江梅不入梨花夢蛾眉巧倩
肌凝雪可能此婦孤衷烈百年義重一身輕茫茫宇宙悲豪英

梅花

朔風凍雲低雪意光林杪北枝寒無聲南枝香獨早縹緲羽衣
明的蝶椒房小中有浩蕩春笑傲煙塵表美人山店夜玉光破
寒曉孤潔豈欲高羣芳自枯槁悠悠歲寒心不爲東風老乾坤
萬壑冰一花已不少

月夜

明蟾破雨欲流水一碧涵空萬籟沉和夢起來猶是蝶滿襟花
氣露痕深

西白釋 希陵

觀郊禮

帝闕開嵯峨衣冠捧赭袍金飈動龍旆玉露裛鸞鑣禮樂出大
國袞旒拜南郊天儀瞻穆穆日彩見嫋嫋貞瓚芬柜鬯鳳凰來
蕭韶於昭帝德廣陟配昊天高乾健育萬物離明位六爻堯風
清海寓弓矢盡韃橐

送人歸山中歌

青山兮欲歸不可得兮寒衣駕玄豹兮騶赤狸雲冥冥兮風飛
飛獨偃蹇兮世路寧容與兮溪酒泉涓涓兮石齒齒君不歸兮
何爲

湘江曲

二妃淚洒湘竹斑湘江沉沉凝曉煙月照古祠江水邊商船來
往燒紙錢桂花滴露江雲寒竹間一聲啼斷猿

秋夜長

秋蟲嘖嘖寒莎底城頭秋月白如水二十五點秋夜長點點滴
斷離人腸萬里一身風露涼家家秋砧搗衣忙

山中

心多於世背獨未與詩忘得句忽自喜從人道我狂溪光和月
白露氣滿山涼自笑甘清苦年來髮已蒼

送海南僧

師住在南邊到鄉須隔年寺鄰天竺國鐘落海蠻船盡日斷火

食經冬露地禪銅瓶休取水恐攪毒龍眠

天下同文前甲集卷第四十六

天下同文前甲集卷第四十七

詩

明齋楊 學李 希聖 眉山

初秋夜坐

青燈伴微吟煩暑猶蒸炊風聲如山雷怒落牕西籬砌蛩泣
莎老樹鳴高枝桂魄忽嬋娟夜氣侵涼締蓴羹豈不懷未了
載癡依依遊子情堂萱重馳思祇將冰雪心或可慰母慈
爲家歲夫豈世俗知南來秋復秋賸喜瓜及期娛親已可
須記思親時

西郊晚步

食經冬露地禪銅瓶休取水恐攪毒龍眠

天下同文前甲集卷第四十六

天下同文前甲集卷第四十七

詩

明齋楊 學李 希聖 眉山

初秋夜坐

青燈伴微吟煩暑猶蒸炊風聲如山雷怒落牕西籬砌蛩泣
莎老樹鳴高枝桂魄忽嬋娟夜氣侵涼締蓴羹豈不懷未了
載癡依依遊子情堂萱重馳思祇將冰雪心或可慰母慈
爲家歲夫豈世俗知南來秋復秋賸喜瓜及期娛親已可
須記思親時

西郊晚步

江城五月風雨餘嶺南地僻少馳驅政餘長日無與俱尋幽步
孺城西隅地平山遠迷綠蕪岳楊深處聞鷓鴣縈迂小徑通浮
屠松風夾道如笙竽清池冷浸秋水菰如有露氣侵庭梧桃李
院靜橫竹奴栩栩清夢遊冰壺覺來殘照不可呼更待好月同
歸塗

望雲樓

樓在賀州治之東北紹興間太守黃尚賢所建
高壓城壘下瞰江山是爲一郡之奇觀年深頽
圯大德癸卯余命工葺而新之獨以未經前賢
題詠爲斯樓又事暇日輒一登臨爲之神怡心
曠因成十二韻以紀其勝

樓前山色青如鬢樓高夜映星斗寒推窗縱目納吟思倚檻爽
氣生眉端荒煙宿靄迷野甸古岸怪石橫鷺湍城孤下瞰天蘸
碧日永坐聽風鳴鑿登臨獨慨城郭是把酒一酌還三嘆雖未

如元龍高卧之百尺已不減庾公步月之遊觀又何須黃鶴霄
漢之浩渺亦可想岳陽煙水之瀰漫巋然獨立賀江滸已矣樓
中沸歌舞勝景無詩亦可羞謾自簷楹庇風雨望雲人遠迹生
塵祇有江流自今古

益謙譚 楚翁

感遇

越客拊絲桐完音合韶武扶以遊燕趙又以適齊魯國中習笙
簧相倩侑謳舞懸之價千金賢庶不一覩飄零萬里道聲形澹
塵土歲深絃柱裂腕爪弗堪鼓萋萋攷複歸誰睠往來苦尚想
有田連持存欲易譜

素無玄豹姿雄期與心違霜風不解事偏透遊子衣葉落知天
寒羣鴈亦南歸澗湖蘊藻沕汨汨魚無依朝來烹鴈書偶獲故
鄉書書中一一言鄰非昔人居

秋深林木變年邁容髮改雲南聽夜雨酸風寒鐵鎧惱餽餉
人羈留生凍餒茅閣與綺羅倚門日長待誰歌東山詩以漬此
疽癰

喧喧林雀散哀哀鴻鴈離愁雲翳薄日慘慘添傷悲行行復
止避塞相綏綏壯夫心鬱結深閨淚暗垂茫茫辰沅道漠漠雲
南岬夜月照營壘千里桐相思願言嘉靖時暮秋以為期

幽居昔嵒窳時日如轉丸况乃金天夕蕭瑟響琅玕獨宿夜為
長菴啾穴垝垣攬衣出中庭明月可與言織女不秉機兔絲滿
故園燕麥若堪食難與蔓草蕃濟會亮能固人情無寒暄

宿浮丘

停驂逸鞦韆夕爨乞石火仙人浮丘翁詒誚事大夥行止信不
訾出處諒非我片楮可市酒聊醉覺慵惰高眠茅店月絕慮夢
無禍

過湘江

烈風動原野花柳奄離披天吳增憤怒蕩瀟無寧期匆匆黃帽

郎忤忤心傷悲輕舟欲宵遁遠此湘之湄津隘禁令嚴去去懷
驚疑餉饋亦良苦軍士怒調飢予以賦祈父憂恤悔何追予以
歌鴻鴈嗷嗷水中坻

溪山劉一飛景翔

常德府

南渡潛龍府嘉名記止戈地休秦洞稅人慣鼎州歌夜月丹砂
井秋風玉帶河春申珠履跡遊客至今多

招屈亭德山新城

勝地幾千載凭高豁醉眸沙寒枉渚月樹老德山秋遺恨從天
問孤忠寄遠遊荒祠重回首又聽竹枝愁

蟲嘆

促織鳴懶婦驚心驚不為寒良人役苦辛安得化作萬機杼為
辨上供婦應喜

熠熠丹良照夜光柝禁兮有嚴宵行兮何忙昏昏自照欲何去

莫向灞陵逢醉尉

鳳子車栩栩飛人生夢是邪非忽忽相遇知為誰唐宮金玉已
流落閑逐兒女張羅衣

花下獨酌

兒時手種植感此歲月深歲月不復返但見高高林嫣然枝上
花旦暮成古今所以溪山客翛然脫塵襟花自為我舞鳥自為
我吟有時倦復坐酒醒時更斟一笑開落中靜見天地心

重遊

石如人立對斜暉偶共閑僧此息機止水無風看月度高山有
鶴伴雲歸詩留去後桃千樹人到重來柳十圍燈影長明青一
點靈光還是昔時非

偶題

小桃別後到荼蘼瘦損春容費盡詩燕子不來消息斷東風獨
自倚闌時

鴈過

人立西風慘淡餘
荻花搖曳晚晴初
鴈聲不向樓前落
又是一番無寄書

天下同文前甲集卷第四十七

天下同文前甲集卷第四十八

詞

疎齋盧摯處道

六州歌頭

題萬里江山圖

詩成雪嶺畫裏見
岷峨浮錦水歷滌瀕
滅坡陀匯江沱
喚醒高唐殘夢
動竒思聞巴唱
觀楚舞邀宋玉
訪巫娥擬賦招魂九
辯空目斷雲樹煙蘿
渺湘靈不見木落洞庭
波撫卷長哦重摩

鴈過

人立西風慘淡餘
荻花搖曳晚晴初
鴈聲不向樓前落
又是一番無寄書

天下同文前甲集卷第四十七

天下同文前甲集卷第四十八

詞

疎齋盧摯處道

六州歌頭

題萬里江山圖

詩成雪嶺畫裏見
岷峨浮錦水歷滌瀕
滅坡陀匯江沱
喚醒高唐殘夢動
竒思聞巴唱
觀楚舞邀宋玉
訪巫娥擬賦招魂九
辯空目斷雲樹煙蘿
渺湘靈不見木落洞庭
波撫卷長哦重摩

浮問南樓月癡老子與不淺
夜如何千載後多少恨付漁蓑醉
時歌日暮

天門遠愁欲滴兩青娥
曾一舸竒絕處半經過
萬古金焦偉觀鯨鰲背
儘意婆婆更乘槎欲就織女看飛梭
直到銀河

梅花引

和趙平遠催梅

綠華縹緲玉無痕
託清塵擬招魂
放著籃輿懶倦到前村
笑撫高齋新樹子
晚粧未悠悠學夢雲
竟日含情何所似
似佳人望夫君
寒香細月空江上
會有春溫羞澀水
蕤寂寞揜重門
交下橫枝消息動
肯虛負風流竹外尊

蝶戀花

鄱江舟夜有懷餘干諸士兼寄熊東采甫

越水涵秋光似鏡
泛我扁舟照我綸
中影野鶴閑雲知此興
無人說與沙鷗省
回首天涯江路
永遠樹孤村數點
青山暝夢

過煮茶巖下聽石泉嗚咽松風冷

菩薩蠻

寄江西米理問信父

市橋烟柳春如畫小樓明月吳山下把酒聽君歌可人良夜何
舊遊新夢斷月落西江遠江上數峰青寄聲徐孺亭

清平樂

送張都事子敬扶滿北歸

朱絃三嘆寶瑟凝塵滿更奈芙蓉秋思晚湘浦離歌欲斷往
年樽俎風流憶君送客江樓此日江樓送客忘懷賴有沙鷗

清平樂

行郡歛城寒食日傷逝有作

平時寒食直到清明日草草杯盤聊自適不管家徒四壁今
年寒食無家東風恨滿天涯早是海棠睡去莫教醉了梨花

清平樂

歛郡清明

海棠凝絕忙甚都開徹不是蕪菁花上蝶誰爲清明作節溪
山今日無塵繡衣却待禁春莫遣鳴騶多事老夫也是遊人
天下同文前甲集卷第四十八

天下同文前甲集卷第四十九

詞

江村姚雲

摸魚兒

詠艮嶽圖

渺人間蓬萊何許一朝飛入梁苑網川梯洞層現出帶取鬼愁
龍怨窮賞晏談笑裏金風吹折桃花扇翠華天遠但莎沼螢粘
錦屏煙合草露泣蒼蘚東華夢好在牙檣雕輦畫圖歷歷曾

歙郡清明

海棠凝絕忙甚都開徹不是蕪菁花上蝶誰爲清明作節
溪山今日無塵繡衣却待禁春莫遣鳴鶻多事老夫也是遊人
天下同文前甲集卷第四十八

天下同文前甲集卷第四十九

詞

江村姚雲

摸魚兒

詠艮嶽圖

渺人間蓬萊何許一朝飛入梁苑網川梯洞層現出帶取鬼愁
龍怨窮賞晏談笑裏金風吹折桃花扇翠華天遠但沙沼螢粘
錦屏煙合草露泣蒼蘚東華夢好在牙檣雕輦畫圖歷歷曾

見落紅萬點孤臣淚斜日牛羊春晚摩雙眼看塵世熬宮又報
鯨波淺吟鞘拍斷便乞與媧皇化成精衛填不盡遺恨

八聲甘州

競渡

卷絲絲雨織半晴天權歌發清舫甚蒼虬怒躍靈鼉急吼雪湧
平川樓外榴裙幾點描破綠楊煙把畫羅遙指助嘯爭先 惟
悴潘郎曾記得青龍千舸采石磯邊嘆內家帖子閑却縷金牋
覺素標挿頭如許儘風情終不似鬪羸船人聲斷虛齋半揜月
印枯禪

靜得王 夢應 聖與

疎影

曹騰曉被聽隨水屋角晴暝仍未土濕煙生庭揜寒青郭泥懶
爲春試東風舊與花飛去料記得年年沙際忍落梅萬點苔根
化作一窻離思 猶憶薦紅樺綠斷橋雪未掃天近春易老對

荒寒事舊人新鴈後不成情味人間解有花如海待一片不教
隨水但玉香酥影玲瓏逐日暖紅雲裏

醉太平

送人入湘

寒窻月晴寒梢露明一痕歸影燈青又分携短亭 衡臯佩雲
蒸溪酒春有誰勤說歸程是峰頭鴈聲

吟竹顏 奎 子俞

清平樂

欲留君住且待晴時去夜深水鶴雲間語明日棠梨花雨 樽
前不盡餘情都上鳴絲細聲二十四番風後綠陰芳草長亭
歸平遙

春 拂拂簷花雙燕入少年湖上風日問天何處覓 湖山畫
屏晴碧夢華知夙昔東風忘了前跡上青蕪半壁

浣溪沙

夢泊遊絲晝影移水沉香宛紫煙微玉笙纔過樓西天上
人間花事苦鏡中翠壓四山低又成春過據鶯啼

菩薩蠻

燕姬越女初相見鬢雲翻覆隨風轉日日轉如雲朝朝白髮新
江南古佳麗只縮年時髻信手縮將成從來懶學人

小令

壽須溪

茶邊水經琴邊鶴經小牕明甲子初晴報梅花小春小院晉
人小車洛人醉扶兒子門生指黃河解清

憶秦娥

水雲幽怕黃霜竹生新愁生新愁如今何處倚月明樓龍吟
杳杳天悠悠騰蛟起舞鳴瑩篔簹聽吹短氣江上無秋

大酺

和須溪春寒

唱古荼蘼新荷葉誰向重簾深處東風三十六向園林都過餘
寒猶妬公子狐裘佳人翠袖怎見此時情否天上知音杳怪參
差律呂世間多誤記畫扇題詩單衣試酒夢歸泥絮嗟春如
逆旅送無路遠涉前無渡回首住凌波亭館待月樓臺滿身花
氣凝香霧度入南薰去留燕伴不教遲暮但一點芳心苦生怕
搖落分付荷房收貯晚粧又隨過雨

天下同文前甲集卷第四十九

天下同文前甲集卷第五十

詞

壺秋羅志可

金人捧露盤

丙戌過錢塘

唱古荼蘼新荷葉誰向重簾深處東風三十六向園林都過餘
寒猶妬公子狐裘佳人翠袖怎見此時情否天上知音杳怪參
差律呂世間多誤記畫扇題詩單衣試酒夢歸泥絮嗟春如
逆旅送無路遠涉前無渡回首住凌波亭館待月樓臺滿身花
氣凝香霧度入南薰去留燕伴不教遲暮但一點芳心苦生怕
搖落分付荷房收貯晚粧又隨過雨

天下同文前甲集卷第四十九

天下同文前甲集卷第五十

詞

壺秋羅志可

金人捧露盤

丙戌過錢塘



濕苔青妖血碧壞垣紅怕精靈來往相逢荒煙瓦礫寶釵零亂
隱鸞龍吳峰越巘翠顰鎖苦爲誰容浮圖換昭陽殿僧磬改
景陽鐘人間事淚老金銅驪山廢盡更無宮女說玄宗角聲起
海濤落滿眼秋風

霓裳中序

四聖觀

來鴻又去燕看罷江潮收畫扇湖曲雕闌倚倦正船過西陵快
篙如箭凌波不見但陌花遺曲淒怨孤山路晚蒲病柳澹綠鎖
幽院誰恨五雲宮殿記舊日曾遊翠輦青紅如寫便面下鵲
池荒放鶴人遠粉牆隨岸轉漏碧瓦殘陽一線蓬萊夢人間那
信坐看海濤淺

楊州慢

危榭推紅斷磚埋綠定王臺下園林聽檣竿燕子訴別後驚心
儘江上青峰好在可憐曾是野燒痕深付瀟湘漁笛吹殘今古

銷沉妙奴不見縱秦郎誰更知音正鴈妾悲歌鷓鴣笑醉舞處
戶停砧花碧舊愁何處魂歸些晚日陰陰渺雲平鐵壩淒涼天
也沾襟

天游詹玉可大

齊天樂

贈童甕天兵後歸杭

相逢喚醒京華夢吳塵暗斑吟髮倚檐評花認旗沽酒歷歷行
歌竒迹吹香弄碧有坡柳風情逋梅月色曾鼓紅船滿湖春水
斷橋客當年何限怪侶甚花天月地人被雲隔却載蒼煙更
招白鷺一醉西門又別今回記得再折柳穿魚賞梅催雪如此
湖山忍教人更說

桂枝香

紫極宮寫韻軒

紫薇花露飄洒作涼雲點宮勾羽字字飛仙下筆一簾風雨江

亭月觀今如許有飄零墨香千古夕陽芳草落花流水依然南
浦甚兩兩凌風駕虎恁天孫標致月娥眉嫵一笑生春不比
世間兒女筆牀硯滴曾窺處有西山青眼如故翠箋寄與玉蕭
吹徹鳳唵鸞舞

梅溪李琳

木蘭花


汴京

藥珠仙馭遠橫羽葆簇霓旌甚鸞月流輝鳳雲布彩翠遠蓬瀛
舞衣怯環珮冷問梨園幾度沸歌聲夢裏芝田八駿禁中花漏
三更繁華一瞬化飛塵輦路劫灰平悵碧滅煙銷紅凋露粉
寂寞秋成興亡事空塵迹祇青山淡淡夕陽明懶向沙鷗說得
柳風吹上旗亭

六么令

京中清明

澹煙疎雨香逕渺鷓鴣新晴畫簾開卷燕外寒猶力依約天涯
芳草染得春風碧人間塵迹斜陽今古幾縷遊絲趁飛蝶柳
向尊前起舞又覺春如客翠袖折取嫣紅笑與簪華髮回首青
山一點檐外寒雲疊梨花淡白柳花飛絮夢遶闌干一株雪
天下同文前甲集卷第五十



國家圖書館, NATIONAL CENTRAL LIBRARY, TAIWAN, R.O.C.

